

The mistle 1^o 12





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pft 563






Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pft 563



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pfl 563



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pft 563



PAMFLET

563

563

58

63

IL

PL

PS

PP

PR

PT

PU

PV

PW

PX

PY

ILLVSTRISSIMI PRINCIPIS WILLELMI

DEI GRATIA PRINCIPIS AV-
raicæ; Comitis Nassauia, Catthorum, Dietzij,
Viandæ; Burgrauij Antuerpiæ; Vicecomitis
Bisontij; Baronis Bredæ, Dieftij, Grimberghæ,
Arlei, Nozereij, &c. Domini Castrobolini, &c.
Propresidis generalis per vniuersum Belgium,
Præsidis Brabantia, Hollandia, Zelandia, Vl-
traiecti, Frisiorum, &c. Admirallij, &c.

*Ad Proscriptionem ab Hispaniarum rege in
eum promulgatam. cui adiuncta est*

RESPONSIO AD QVASDAM
LITERAS EIDEM PRINCIPI FAL-
so à Parmensi adscriptas.

AD ORDINES GENERALES.

SCR V.



TAMINI.

Apud Carolum Sylvium, Typographum
Ordinum Hollandia.

M. D. LXXXI.



L I T E R Æ

P R I N C I P I S A V-

R A I C I A D R E G E M

ac Dynastas nominis Christiani.



NON dubito Rex potētissime, quin Maiestas tua certior facta de proscriptione illa fuerit quā contra me rex Hispaniarum publicavit; quippe qui eam omnibus linguis promulgandam curarit, & in varias orbis Christiani partes missam disseminarit. Visum est igitur, tū mihi tū amicis meis, me existimationi meæ (de qua consilium non est periclitari) defuturum, nisi proscriptioni illi, iusta defensione occurrissem. Itaque Apologiam meam Ordinibus Belgij nostri obtuli; quoque diligentius nomini & honori meo cautum esset, apud Principes, ac
† 2 Dyna-

*Dynastas Europaeos (quorum celsitudinis
ac dignitatis est, miseris ac afflictis Prin-
cipibus solatio ac praesidio esse) eandem il-
lis quoq; recognoscendam mittere non du-
bitavi, seorsum Verò Maieſtati tuae, à qua
demisse peto, vt eam legere ac iudicium de
ea tale facere dignetur, quale Ordinibus
(oculatis omnium mearum actionum te-
stibus) facere visum est, quemadmodum
ex eorum sententia Apologia nostrae anne-
xa Maieſtati tuae promptum erit intelli-
gere. Et quoniam Maieſtati tuae mirū vi-
deri poterat quòd cū me Rex Hispania-
rum bonis meis spoliauerit, etiam post ab-
dicatas praefecturas meas ac in manus
traditas Ducissae Parmensi id tēporis Bel-
gij gubernatrici, cū iam in Germaniam
vnde oriundus eram, discessissem, et apud
fratres meos, cognatos, & amicos ibidem
habitandi ac quietē vitam degendi locum
delegissem: eodemque tempore ex acade-
mia filium meum Comitem Burensem de-
portasset, contraque regionis priuilegia &
iusu-*

iurandum suum in Hispaniam capti-
uum abduxisset, ubi etiamnum miser te-
netur: atque insuper per ministrum suum
Ducem Albanum capitis me damnasset.
quoniam, inquam, mirum videri poterat
me qui tot ac tam grauibus iniuriis nun-
quam impelli potuerim vt defensionem e-
derem aduersus regem: nunc ad id facien-
dum accedere, & docere iis ipsis crimini-
bus regem teneri quæ mihi conatur impin-
gere. Supplex à Maiestate tua rex peto, vt
antequam de hoc meo scripto sententiam
feras, tum genera criminum quorum in
hac proscriptione accusamur, tum perso-
nam meam considerare atque expendere
digneris. Nam si regi satis fuisset filium
meum mihi ac bona detinere, ac vicena qui-
na millia coronatorum pro capite nostro of-
ferre, percussori nobilitatem promittere,
crimen qualecunque patrassent condona-
re: eandem conseruandi mei meorumque
rationem quam hætenus sum sequutus,
porro tenuissem; fortunasque meas recu-
perare

†

3

perare

perare studuissem, nec à pristina vita consuetudine quicquam recessissem. Sed cum toto orbe publicarit me esse pestem publicam, orbis terrarum hostem, ingratum, perfidum, proditorem, sceleratum: hæc verò, Rex, huiusmodi sunt contumeliæ, quas nemo non dicam nobilis, sed ne infimus quidem regis Hispaniarum subditus, ferre aut possit aut debeat: ut etiamsi merus aliquis ac absolutus Vassalus essem: tamē huiusmodi sententia tam ex omni parte iniqua, cum ab eo feudis ac ditionibus meis sim exutus, quorum nomine iureiurando ei antè fueram obstrictus, solutum me omni obligatione ducerem; & quod natura omnibus dicat, conarer quavis ratione tueri existimationem meam, quæ mihi & omnibus generosis pectoribus vita debet esse carior. Veruntamen cum pro sua benignitate Deus nobis indulserit liberum nasci principem, soli astrictum Imperio, ut alij plerique Germaniæ ac Italiæ principes, & quod maius est, titulum gerere

rere Principis absoluti, tametsi Principatus meus non ita latè pateat; Ut ut est, cum ei naturalis subditus non sim, nec alio quàm ditionum mearum nomine, deuietus ei fuerim, quibus penitus me priuauit: visus sum mihi nec honori meo, nec cognatis, nec tot principibus quos sanguinis propinquitate attingo, denique nec posteritati meæ fuisse satisfacturus; nisi accusationi huic, in oculis orbis Christiani positæ, respondiſsem. Et quanquam facere id non potui, ut non honorem eius alibi tetigerim; spero tamē Maieſtatem tuam id aſcripturam potius neceſſitati ei, quam mihi attulit proſcriptionis huius conditio, quàm ingenio aut voluntati meæ. Nam, quod quibusdam peregrinum videri poſſit, me qui pleraque prædia ac ditiones iure clientelari ab ipſo habuerim, hoc uti genere deſenſionis; ſupplex Maieſtatem tuā, Rex, oro, ut contumeliæ mihi factæ atrocitatem, quam nemo vnquam nobilis ferendam ſibi putauit, apud animum tuum digneris

† 4

perpen-

In Literis
ad regem
Gallie scri-
ptum est:
tenet de
Maiestate
tua.

perpendere, quemadmodum & quòd ei
subditus naturalis non sum, & quòd me
feudis meis spoliarit. Et quamuis sanè
continuè iis essem vsus, non tamen video
cur mihi ius illud denegetur, quod ipse sibi
in regem Galliarum vsurpauit. Ab hoc
igitur principe tanquam à Domino suo
Vassalus Comitatum Charolotensem iu-
re tenet clientelari, nec ob id minus eidem
regi bellum fecit, nec desinit quotidie a-
liquid aduersus Gallie statum moliri.
Tuetur factum suum hac ratione, quòd
cùm alibi absolutus sit princeps, fas sibi
sit iniuriam vt ipse autumat, abs Rege
Henrico pie memorie acceptam iure suo
vindicare. Quo tempore Pontifici Ca-
rassæ bellum inferebat quandoquidem ab
eodem regnum Siculum ac Neapolitanum
iure clientelari teneret, Apologiam edi-
dit, qua defendebat se iureiurando esse
absolutum, propterea quòd se Pontifex
limitibus iis non continuisset, quibus Vas-
salo Dominus obligatur, secundum iura
feu-

feudalia: quæ mutuam habent obligatio-
nem. Atqui nihil tam est naturæ consen-
taneum Rex, quàm ut eam quisq. legem
accipiat quam aliis ipse tulerit. Quocirca
peregrinum ei videri non debet si tot mo-
dis ab eo læsus, qui subditus ei nō sim, qui-
bus possum rationibus me tueor, & qui-
bus ipse contra Dominos suos est usus,
quorum iniuriæ si quæ in ipsum fuerunt,
ne conferantur quidem cum iis quas ego
sum perpeffus, & cum ea macula quam
mihi inurendo & me & genus meum stu-
det obliterare. Et quoniam clarissimi Bel-
gij Ordines, quibus propius cognita est
defensionis meæ veritas, eandem approba-
runt non sine luculento testimonio antea-
tæ vitæ meæ: vicissim à Maiestate tua
Rex demissè petam, ut comprobata hac
nostra defensione persuadere tibi digneris
me nec proditorem esse, nec sceleratum,
sed Dei beneficio nobilem, antiquiss. fa-
miliæ, virum probum, in promissis ser-
uandis fidum, non ingratum, ac perfidi-
tum,

†

5

dum,

posturas ac calumnias aperuisse, verum etiam anteactam vitam meam, & res gestas ab omni suggillatione vindicasse. Et quoniam illud precipue spectant, id agunt, in hoc incumbunt, quo me vita spolient, aut certe exilio mulctandum curent; aut si ne hoc quidem, saltē auctoritatem quam à vobis accepi imminuant, quod speret omnia sibi ad voluptatem casura, si horum vnum aliquod obtineat: & rursus quia criminantur me auctoritatem meam per fas ac nefas retinere: illud vobis de me persuadeatis etiam atque etiam oro, ut quanquā ita me comparaui ut vivere inter vos & officiū meū vobis deferre cupiam, quoad per Dei benignitatē licebit: tamen nec vitam meā obsequiis vestris consecratam, nec desiderium inter vos viuendi tanti mihi esse, ut non libenter aut vitam deseram, aut patriā hanc cum exilio commutem, si alterutrum libertati vestræ profuturū existimetis. Et quod ad auctoritatem qua me ornare voluistis, ipsi vos scitis Domini, quoties à vobis contenderim, ut officio meo contenti esse, & abrogare mihi magistratum vellent; si commodum rerum vestrarum id fieri posset: quod ipsum adhuc postulo ut faciatis

ciatis: veruntamen vt (quod semper feci)
officium meum patriæ porro deferam, præ
qua mihi omnia videntur : quemadmodum
vobis plenius in hac mea defensione de-
claro ; quam peto à vobis si consultum vi-
debitis vt typis mandari, atq; in vulgus exi-
re iubeatis , vt non vos solùm Domini, ve-
rumetiam reliquus orbis, & de causæ meæ
bonitate , & de iniustitia aduersariorum
meorum possint iudicare.

*Oblata à Domino Principe Aulico, Do-
minis Deputatis Ordinum generalium
& confæderatarum prouinciarum in
conuentu Delphico, Idib. Decembris,
Anno M. D. LXXX.*

Infra scriptum erat,

Præsente me I. Houfflin.

RESPONSIO ORDINVM GENERALIVM.

Generales Ordines, visa nuper ac recognita proscriptione quadam ab hoste contra vestram Celsitudinē publicata, in qua eandem nefarius criminibus onerantes partim exosam reddere, quasi eum locum ac dignitatis gradum in quo est collocata, malis artibus ac sinistris agendi rationibus usurpasset, partim vitam eius praeda exponere & existimationem eripere conantur: viciſſimq; Excellentie vestrae Apologia contra proscriptionem eam recognita, Deprehendunt ex his quæ reuera in Belgio contigerunt, quæq; pro se quisque facta gesta^q meminit, crimina illa ac probra, iniuriâ ipsi imposita fuisse: Et quod ad munera, tam Vicariatus generalis, quàm prouincialium præfecturarum, post legitimam electionem, nō accepisse ea, nisi precibus nostris multum fatigatam; sed nec continuasse magistratus illos, sine nostris precibus, nec gessisse absque summa patriæ approbatione: orantq; etiamnum & obsecrant vt in eodem vclit perseverare, omnem ei operam & auxilium pollicentes cū summa obedientia

tia & omnium rerū suarum ἀφ᾽ ἑαυτῶν. Et quoniam Celsitudinis tuæ præclarissima in Rempub. merita agnoscunt, & alia etiam deinceps expectant: profitentur se stipendiis suis equitum turmam in corporis tui satellitium alturos; orantq; ut officium hoc accipere digneris, ab iis oblatum, qui sibi pro salute tua agnoscunt esse excubandum. Et quoniam iidem Ordines se quoq; proscriptione illa granari arbitrantur, cogitant & ipsi se defendere quemadmodum ipsis consultiſsimū videbitur. Sic decretum in Conſeſſu dominorum Ordinum generalium. Delphis X I I I I. Cal. Ianuarij M. D. L X X X.

Exprefſo mandato eorundem
Ordinum ſubſcriptum

I. Houfflin.



A P O L O G I A

ILLVSTRISSIMI
PRINCIPIS VVILLELMI

DEI GRATIA PRINCIPIS

*Auraica, Comitiss Nassauie, Catthorum,
Dietzj, Vianda, Burgrauj Antuerpia,
Vicecomitis Bisontij, Baronis Bredæ, Die-
stij, Grimberghæ, Arlei, Nozerij, &c.
Domini Castrobolini, &c. Propresidis
generalis per vniuersum Belgium, Presi-
dis Brabantie, Hollandiæ, Zelandiæ, Vl-
traiecti, Frisiorum, &c. Admirallij, &c.*



QVOD summis votis semper ex-
petui, quodque vnicè precibus à
Deo contendì, ex quo me mea que
omnia pro recuperanda libertate
vestra, proq. incolumitate capitis,
fortunarù, ac consciencie semel de-
uoui, Viri ornatissimi: vt si priuatim mea commo-
da publicis antetulissem, in eam pœnam atque
infamiã incurrerẽ, quam peccati mei culpa com-
meruisset: sin autẽ tot meis antea actis laboribus,
curis, vigiliis, atque etiam sumptibus, quos cum
rei familiaris meæ omnimoda pernicie, in hoc
bellum sanè maximos impendi, nihil aliud egis-
sem, quàm vt vobis vniuersis, atque huic Reipub.

A

sua

sua salus, atque incolumitas constaret; optassemq;
ut diu multumque cælatum illud consceleratissi-
morum hominum odiū aduersus bonos omnes,
totamque adeò Rempub. in meum vnus caput
potius, quàm in illorum omnium verteretur: si in-
quam is meus animus, hæc voluntas erga vos, li-
beros vestros, ciuitates, totamque adeò Rempub.
fuisset, tum ut id referrem testimonij, quod & ani-
mo meo præclarissimè sibi conscio satisfaceret, &
existimationem meam apud omnes nationes, to-
tamque adeò posteritatem tueretur: id ipsum est
quod mihi nunc contigisse summopere gaudeo &
animo meo abundè satisfactum profiteor, Deoq;
gratias ago quam possum maximas, qui me tam
illustri, tamque memorabili tessera ornari passus
est, proscriptione hac dico tam barbara, tam cru-
deli, tam immani, tam denique inusitata, inuisa,
inaudita huic prouinciæ, singularis cuiusdam hu-
manitatis laude, toto orbe, commendatissimè. Nā
tamen si homini nihil esse potest optatius quàm
inoffenso atq; æquabili cursu, vitæ huius stadium
decurrere: si tamē ad volūtatem omnia mihi flu-
xissent, nec in Hispanorū & illius factionis odiū
incurrissem, carerem profectò vberissimo illo, ac
præclarissimo hostilis testimonij fructu; quod ego
mihi palmarium adeò gloriosum duco, ut ne op-
tare quidem in vita vllum maius potuerim. Quid
enim accidere potest gratius, ei præsertim qui hu-
manissimæ gentis libertatem, rem multò præcla-
rissimam, ab Hispanica tyrannide vindicandam
sumpserit, quàm inimicis & suis, & patriæ capita-
liter exosum, atque inuisum esse? & ab iisdem fi-
delitatis

delitatis erga suos, fortitudinis in tyrannos, & publicæ pacis turbatores, locupletissimo sanè testimonio decorari? ut quare Hispani, & tota illa factio nocere nobis, atque incommodare cogitarunt (quod hac infami proscriptione potissimum sunt conati) ea (inquam) ipsa maximè nos exhilararint, atque animo nostro satisfecerint. Neque enim hunc fructum solum percepi, sed campū etiā defendendi mei multo aperuerūt latiore, quàm vel optare poteram, dum necessitatem mihi faciūt actionum mearum, rerumq. gestarum rationem omnibus reddendi; quarum actionum exemplum cū ad posteritatem meā laudabiliter transmittatur, tum iis veniat imitandū, qui maioribus nostris dedecori esse nolint: quorum nemo tyrannidis vnquam fautor exstitit, sed ad vnū omnes eorum populorum libertati studuerunt, quibus aliquando præfuerunt. Equidem illud dicere non possum, defuisse mihi antehac materiā, & de me ipso loquendi, & inimicorum grauissima vitia insectandi: sed nec pudor meus me sinebat laudes meas decantare, à quo sibi in huiusmodi argumento temperare, quamlibet modestè dicatur, difficilimum est: nec me publicus honor patiebatur, ut in commemorandis inimicorum criminibus, nostra triumpharet oratio; qui satius esse ducere, nefarios ipsorum conatus, bona ex parte silētio premere, quàm iisdem, etsi verè, diuulgandis maledicentiæ periculum subire. Quoniam autē viri grauis hac proscriptione non tantū existimatio mea, & caput petitur, sed per meum latus tota hæc Respub. confoditur: neque iam famosis priuatorum

rum libellis impetor ut olim, quorum me iniuriæ
nihil plus mouebant quam serpentum linguæ,
quos pede proterere satius est quam armis propulsa-
re; sed magni nominis quidam proiecta omni di-
gnitate, eò se demiserunt, ut calumniis ac maledi-
ctis nos incessere non erubuerint: Nimirum ne-
cesse omnino fuit vocem edere, ne vel patriæ (pro
qua ut bona fortunasque hactenus, sic & sangui-
nem porro effundere non dubitem) silentiū meū
fraudi sit, vel etiam magnifici illi tot prouinciarū
regnorumque tituli ad Asiam & Africam usque per-
tendentes, eorum perstringāt oculos, qui opinio-
ne potius quam rerum veritate ducuntur. Equidē
intelligo proscriptores istos meos, multis quidem
aliis, sed tamē duabus potissimum rebus me vin-
cere; nam & hinc fortunæ suæ splendoribus & ma-
gnitudine pugnant, quo conditionem meam lon-
go interuallo post se relinquunt, & illinc, ut est na-
tura omnibus insitū, maledictis ac calumniis aurē
patefacere: sæpē enim illud elegantissimi Poëta-
rū laudari memini, Nullum condimentum pala-
to gratius esse quam est auribus calumnia; & cō-
tra, auditu nihil insuauius quam propriarum lau-
dum prædicatio: horum, inquam, duorum illud
in quo est voluptas, & delectatio, inimici sibi
sumpserūt; quæ verò pars odium habet atque inui-
diā, eā mihi reliquerunt. Spero tamē fretus pristi-
na vestra in me beneuolentia, neutrum horū cau-
sa nostræ obfuturum, præsertim cum & ipsi olim
egregia documenta dederitis, quam nihil moueat
generosa pectora, magnifica & illustris fortuna,
quæ quidem tyrannide sit contaminata, & mores
meos

meos vitæque rationem sciatis, nō minus ab aliorum insectatione quàm à mei ipsius prædicatione abhorrere . quod si ego alterutrum facturus sum (quemadmodum fieri vix potest quin faciam, tametsi id à me tanta fiet modestia, quanta poterit maxima) ac si quid dicetur fortè indecentius: vestrū erit, viri gravissimi, tribuere id ei necessitati, quā mihi inimicorū attulit iniuria potius, quàm naturæ meæ, & à me culpam hanc in illorum importunitatem atque impudentiam reiicere. Vosq; orabō vt memineritis falso accusari me tanquam *ingratum, perfidum, hæreticum, hypocritam, Caino ac Iudæ similem, patriæ perturbatorem, rebellem, peregrinum, humani generis hostem, Reipub. Christiana publicam pestem, proditorem, sceleratum, adhuc sicariis omnibus ac veneficis mactandum instar pecudis ingenti premio esse propositum*. Quas calumnias an confutare possim, quin à pristina vitæ morumque ratione qua nec alios incessere, nec de me loqui ipse consueui, aliquatenus recedam, vobis iudicandū relinquo . Interea sic mihi persuasum est de causæ meæ bonitate, fide erga vos, atque integritate; sic porro sum certus de vestra æquitate ac candore, deque conscientiiis vestris, vt quia totam rerū gestarum seriem iuxta mecū tenetis, nihil à vobis petam amplius, quàm vt iudicare modò ac de causâ ista cognoscere, atq; in rem, & salutem vestram statuere id dignemini quod patriæ leges, immunitates ac priuilegia vos iubent: pro ea spe quam populus de vestra sapientia atque integritate concepit. Quod vt faciatis oro atque obtestor per ea quæ carissima sanctissima

A

3

maque

maque in vita habetis, atque adeò per sacramen-
tū illud, quo vos vestramq; fidē Reipub. obstrin-
xistis. Quod si fiat, nihil dubito quin vt me pleris-
que in rebus aduersarij superant, ita & illi vicissim
hac in re tanto à me superentur, quanto illi ad re-
scindendas euertendasq; vestras leges, immuni-
tates, priuilegia ac libertatē, omnes machinas ad-
mouerunt: ego fide optima, summaque animi ala-
critate eadem illa semper propugnaui, atque ab
omni iniuria defendi. Et quanquam fama atque
existimatio mea adeò mihi inuisa non est, vt ve-
hementer etiam cupiam me measq; actiones (vti
meruisse spero) probari omnib⁹ Principibus, Dy-
nastis ac populis totius orbis, præterquā vni Hi-
spanicæ nationi eorumque affeclis, quorum absit
vt vel gratiam ego vel fauorem vel beneuolentiā
vllam affectem, quamdiu quidem ad suam tyran-
nidem omnia student reuocare: etsi inquam pro-
bari me omnibus cupio, tamen cū soli omnium
vos sitis viri grauis. quibus iurisiurandi religionē
debeo, quibus solis me obstrictū agnosco, quibus
solis potestas data est actiones meas probandi vel
improbandi; abundē mihi satisfactū arbitrabor, si
animi mei, nihil præter publicum bonum atque
vtilitatem spectantis, testimonium à vobis acce-
pero: feramque æquo animo reliquorum populo-
rum nationumq; si res ita ferat, ex affectu & mor-
bo, aut (quod certē malim) ex æquo & bono iudi-
cantium sententiam: quod ita fiet, si anticipatis o-
pinionibus animum liberent, & ad titulos & ma-
gna nomina desinant obstupefcere.

Quod si aduersarij mei protinus ad causā arcē
ipsam

ipsam accessissent, & tam crudelis, tam immanis, tamque degeneris proscriptionis suæ rationes ac firmamēta attulissent, missis & ipse omnibus ambagibus, statim ab ipso limine conuulsis eorum fundamentis, causæ meæ bonitatem astruxissem. Sed quoniam in ipso accusationis suæ aditu, quo mihi odium conflarent, maluerunt conuitiorum plaustra oculis hominum obiiicere, & impudētissimas de me calumnias in orationis suæ cursu præter rem inserere: necesse omnino est atque adeo (vt opinor) equissimum ad huiusmodi calumnias me respondere, ne tali oratione quidam fortasse commoti hanc meam defensionem alieniore animo accipiant quàm ius gentibus omnibus commune æquitasque publicà patiantur.

Quod igitur ad hanc conuitiorum turbam attinet, quibus impudenter laceror, quibusque ex hac proscriptione sublatis, nihil reliqui est, nisi merus fumus; videte obsecro viri humanissimi quàm simplex nostra sit & ab omni fuco aliena defensio. Nam si talem me cognouistis qualē inimici mei prædicant; si is est animi mei, si corporis color, quo libelli huius pictor & scriptor (vos enim me iam inde ab adolescētia nouistis, nec alibi quàm inter vos vitam egi) penicillo suo me depinxisse se prædicat, aures statim vestras obstruite; nec verbum quidē ex me audire sustinetote. Sed si per totam vitam vir fui melior, si integrior, minus auarus, magis continens, quàm infamis huius scripti auctores, quàm is ipse qui hoc promulgauit Princeps Parmensis eiusque maiores, quorum præclara scilicet facinora nobilitauit historia;

A 4

si istis

si istis inquam me maioresque meos meliores cognouistis (nihil enim adhuc de rege dico) sic habetote; quemadmodum primo statim congressu calumniis grassantur: ita in reliquo orationis suæ cursu nihilo fore veriores. Nam quod tandem pertinet aceruus ille conuictorum, nisi ut omnes intelligant inimicos meos calumniatoriâ ac conuiciatoriâ probè callere: & quæ nec veneno nec ferro tollere, nec promissis circumuenire, nec vana spe illudere (Dei beneficio) potuerunt, eum saltè virulenta lingua ab ineunte ætate ad maledicendum instructa vulnerare velle.

Beneficia quibus Principem affectum a Carolo Quinto aduersarius obiectat.

Producitur statim initio longus ordo Beneficiorum quæ in me contulerit Imperator, in causa hereditatis à nobis aditæ, quæ morte patruelis mei Principis Auraici ad me rediit: quod me rex aureo vellere ornauit; quod me Hollandiæ, Zelandiæ, Traiecto ac Burgundiæ præfecit; quod me in secretius Concilium adsciuit.

Accusatio ingrati tudinis.

Accusatio perfidiæ.

Quorsum ista? ut cum pateat quantum familiæ Hispanicæ debeam, ingrati tudinis turpissimam notam effugere non possim. Citatur præterea nostrum iusiurandum, & bona quæ iure clientelari possidemus; quo doceatur me ipsius commodis ac rebus studere debuissè, ac proinde mihi perfidiæ crimen impingatur. Equidem probè mihi cum rege ac regiis in hoc cõuenit; nihil eo homine detestabilius, nihil execratione dignius esse aut inueniri posse, qui fœdissimis his duabus ingrati tudinis ac perfidiæ maculis sit contaminatus: ut qui ingratum ac perfidum dixerit, omnia dixerit: sed & quanto quisq; genere est nobilior & illustrior, tanto

tanto si istorum conuincitur fit turpior. Et si sum talis, non deprecor quin in omnia omnium odiâ incurram, quin è rerum natura semel exterminer; denique quin æterna memoriæ meæ apud posteros inuratur macula. Veruntamē hac conditione, vt si nullum extare in terris regē qui magis fuerit ingratus in tenuis fortunæ Principē, quàm is qui me reum agit iamiamq; condemnat, in me meosq; exstitit, si perfidiam eius incredibilem nō dico in Rempub. sed in me admissam docuero: vt eadem mecum lege teneatur, habeaturque & hac ætate & subsequentibus omnibus, talis qualis esse conuinceretur. Quod ego supplicium in eius causa non paulò grauius duxero, quàm est illud quo me ille tragica sua proscriptione mulctare cogitat: quæ me Dei gratia non plus terret quàm phasma aliquod vel inane simulachrum. Primū illud profiteor, ornatissimi viri, memoriam Caroli Quinti, quem honoris causa nomino, honorificam mihi quoad viuam fore, tum propter res præclare ab eo gestas, tum quòd me eo beneficio ornarit, vt à cubiculis sibi esse nouem annis voluerit; cui & ego vicissim fidelissimè obsequium omne & libentissimè præstiti. Sed si is qui inter omnes mortales eius existimationi maximè tenetur consulere, me ingratitude accusat, quòd beneficia ab Imperatore accepta non agnouerim; peto à vobis vt diluendi turpissimi criminis causa, hoc mihi concedatis, quòd me rei adigit necessitas; vt respondeam nulla me beneficia ab Imperatore accepisse, sed graua rei familiaris detrimenta eius seruitio passum esse; quemadmodum planum me facturum

A s spondeo,

spondeo, si patienter me bonaq, cum venia audire non grauabimini.

*Confutatio in-
gratitudinis.*

Obiicit ergo aduersarius, in hæreditate demortui cognati mei, Renati Principis Auraici, fauore & gratia Imperatorem me esse prosecutū. In quo tandem? primum enim nemo vnquam ita stolidè temerarius exstitit qui de hæreditate hac mecum contenderet; vt si eam adeundi potestatem Imperator mihi non ademerit, quid, obsecro, fecit quod vel inimicissimus iudex non fuerat factururus? præfertim cū nemo adeò fuerit temerarius qui de hac hæreditate mecū iudicio ausus sit experiri: Et vt fuisset, cū ea esset causæ nostræ bonitas, ea firmitas, quæ nullis artibus obscurari, nullis machinis labefactari posset, si secundū me pronunciaffet Imperator, quid aliud de me esset meritis quàm quod ius meum mihi tribuisset? nec ademisset id quod lex, quod ratio, quod deniq; natura ipsa largiebatur? Ac si genus hoc hæreditatis diligentius expendere non pigebit, viri grauis. ius meum tale fuisse iudicabitis, vt sine summa ac manifesta iniuria eripere illud mihi non potuerit.

Successio Nassauia & Cabillonensis.

Duo erant successionis huius hæreditariæ capita: Vnū possessionum ex familia nostra Nassauia profluentium, quibus maiores mei, aui atque atauui, patrui ac postremò patruelis sunt vñ, quæq; in præsentia ipse possideo, in Brabantia, Hollandia ac Luxemburgo: Alterum caput bonorum ex familia Cabillonensi defluxerat. Quod ad successionem Nassauiam, quam vulgo Bredanam idèò appellant, quod sit ditionum mearum quasi metropolis, quodq; inibi nos, maioresq; nostri concilium

ciliū nostrum, quæsturam & archiua constanter habemus: quis de his mihi litē moueret nisi fortē pater meus qui fuerat patruus Renati, patruelis mei, vnici filij Comit̃s Hērici Nassau patrui mei? sed tantū abfuit vt me parens hac hēreditate prohiberet, vt in Belgiā venire ipse non sit grauatus, quo mihi in adeunda hēreditate apud Imperatorē adiumento foret: nec quisquā inuētus est adedō impudens qui se mihi opponeret. præter vnū præsidem Schoorum, qui in concilio, (vtar enim eius verbis) dicere sustinuit, *Filius hæretici non debet succedere*. Propterea quod pater meus piæ memoriæ ad exemplum bonorum regum Dauidis, Iosifę atq; aliorū, ecclesias ditionis suæ in Germania reformauerat, & à superstitione ex præscripto verbi Dei, atque adedō permissu Imperatoris, perpurgauerat. Nec hoc tamē deterruit Conciliū quo minus ex æquo & bono sententiā diceret; sed nec potuit quidē aliter. nā & auūculus meus Comes Kungstainius, quanquā etiā Protestās, hēreditatē tamen Comit̃s Rocheforti obtinuit. Et si igitur res controuersa esset (si controuersia est appellanda, quæ intra septa familiæ nostræ consistebat, siue hēreditas illa patri siue filio fuisset adiudicata) tamen præter nos nemo lege poterat hēreditatem eam sibi vendicare.

Quod ad familiam Cabillonensem, non possum (opinor) obstrictus videri Imperatori propter eos Baronatus quibus securē fruor, tam in Ducatu Burgundiæ quàm in Delphinatu Viennensi; quibus in locis non plus habebat imperij Carolus, quàm ego; quippe quibus imperitaret Galliarum

Baronatus
Burgundia &
in Delphinatu.

rum rex, qui bello inter monarchas orto, pariter & illi comitatum Charlottensem, & mihi Baronatus meos adimebat: vt hoc etiam nomine nihil ei debeam, nisi fortè quatenus fœdere Sueffonico mei ab eo habita fuit ratio; quod profecto officiũ præterire non potuit, si manibus cognati mei deesse nollet, qui paulò antè eadem expeditione ante pedes Imperatoris in obsidione San-Desiria-na post tot tantaque præclarè edita facinora occubuit. Multò etiam minus gratiæ præstare mihi potuit in Principatu meo Auraico, in quo nec ipse, nec quisquã alius Princeps, ius sibi potest vendicare, cū totus ille principatus, quod (absit verbo inuidia) paucis aliis contingit proceribus, purè & absolutè meæ sit iurisdictionis: Nec est Princeps vllus, cuius mihi gratia ad hunc quidẽ principatũ retinendum sit opus, præterquam Regis Galliarũ, qui tenuis, & alioqui deuoti sibi Principis bona, vti certò scio, non continget; vel quòd ratio æqui & boni hoc postulat; vel quòd memoria tenet, quantis suis laboribus, sumptibus, vitæ periculis, maiores mei regno Galliae & ducatu Britannico (vnde & hæreditatem & genus traxit) fidelem operam impenderint.

*Principatus
Auraicus.*

*Bona in co-
mitatu Bur-
gundiac.*

Reliqua est igitur ea possessio quam habeo in Comitatu Burgundiæ: qua per summam iniuriam & tyrannidem tanto iam tempore spoliòr, cuiusque damnum facile est duorum millionum. Sed illud primum in memoriam reuocari velim, quæ causa sit cur Comitatus Burgundiacus francus siue liber appelletur: nimirum quòd inter alia ea quoque est immunitas ac libertas dominorũ, qui
in

in eo Comitatu possessiones habet, ut de bonis ac facultatibus suis statuunt, eaque legunt, quo modo, & quibus videatur, usque eò ut nec uxores, nec liberi, nec heredes quicunque, possint intercedere, quo minus de fortunis suis suo statu arbitratu. Quandoquidem igitur Princeps Renatus, vel hac una de causa, quod ita voluit, ratione mei habuit; qui tum infans admodum sub disciplina preceptorum ac paedagogorum habitus, ætate in Germania degebam; unum hoc spectans, quod ei patruelis eram, heredem me (quod lege ac consuetudine illius regionis poterat) ex asse scripsit: certe si cui gratiam, huic uni piæ memoriæ principi debeo; qui cum esset familiæ nostræ princeps & primogenitus, voluit mihi, ut primogenituræ relinqueret mihi dignitatem, sic & cernendæ adeundæque hereditatis ius à se relinquere. Nondum igitur video quo modo huius successionis nomine Hispanicæ familiæ vel tantillum debeam; nec est mortalium quisquam qui id verè possit affirmare.

Sed permisit Renato Cæsar, ut cui vellet, bona sua testamento legaret; atque ex vi eius potestatis, heredem me nominavit. Hoc verò etiam pro me facit, tantum abest ut aduersariorum causam iuvet: Nam cum potestatem hanc Renato Imperator faceret, nesciebat videlicet quæ Princeps scripturus esset; ac ne scitum est quidem ab ullo mortalium, prius quam defuncto Renato testamentum præsentæ Regina Maria fuit resignatum. Quare cum Imperator diploma illud suum indulserit, non eo animo ut mihi beneficeret, ne me quidem de-
bere

Permiso.

bere ei quicquam hoc nomine intelligo: quando-
quidem in hac gratia, principi facta (quam tamen
quiuis licet infimæ fortis haud difficulter ordina-
riis literis cancellariatus impetrat) nulla mei ratio
habita est. Nā iudicium de diplomate ex euentu
qui fecerit, peccarit certè contra regulam illā, tot
ties ab Imperatore nobis audientibus vsurpatam,
qua monebat, consilia non ex euentis, sed ex cau-
sis examinanda, probanda aut improbanda esse.
Sed faciamus nullā intercessisse Imperatoris gra-
tiam: nihil tamen à Principe testatum fuit, quod
non ei leges atque consuetudines (vti dictum est)
concesserint.

*Testamentum
militare.*

Sed quid sint responsuri miror, cū præter ea
quæ modò sunt allegata etiam illud addam, testa-
mentum hoc Principis Renati, testamentum mi-
litare esse? (quod neque infringere neque vnquam
poterunt obscurare) & quidem solenniter ac deli-
beratò conditum, subnixum inquam hoc consilio
quod disertis verbis testamento exprimitur; vide-
licet quia non ignarus quæ essent belli discrimina,
edoctus scilicet tot expeditionibus quas Cæsaris
antea nomine suscepisset, iamiamque proficif-
ceretur in militiam, grauem ac periculosam, qua-
lis expectanda esset, ex Francisco monarcha po-
tentissimo. Et quanquam iuris scientiam mihi nō
vendico, me tamen audire memini complures vi-
ros doctos coram patre differentes, cū hoc ar-
gumentum tractarent, eam esse ex legibus Impe-
ratoriis vim ac auctoritatem, non tantū testa-
mentorum militarium, verū etiam codicillorū,
vt si miles ante mortem vel minimam voluntatis
suæ

suæ significationem dedisset, puta, si nomen eius quem hæredem voluisset instituere vel sanguine suo scuto illeuisset, vel hastilis aut cuiusvis teli cuspide terræ inarasset, extremam hanc voluntatem ratam inuiolatamque habendā, & cuius statuto præferendam, iuxta antiqua priuilegia eorum qui ornantur balteo militari. Quanto iustius debebatur hoc priuilegium, tã excelsi animi Principi, iuxta ac militi generoso, cuius extrema voluntas, non leui aliquo signo, sed testamento accuratissimo declaratur, non festinatò, nec à gregario milite moribundo, sed à clarissimo fortissimoque Principe, per otium de consilij sui sententia, expeditione ingressò & iamiam in procinctu conscripto; qui non alienum, sed sobrinum; non importunum adulatorem, sed doli expertem puerū, & qui longissimè abesset à castris San-Desirium obsidere, & Parisios vsque pertendere cogitantibus, bonorum suorum hæredem scriberet; & ita scriberet, vt Imperatoris diplomate, hæredi suo caueret, & legibus patriis testamentum defenderet. Quis igitur hæreditatem hanc mihi tam firmam, tã munitam de manibus, non dico extorsisset, sed omnino litē de ea mouisset; nisi fortè vim facturus fuerat Imperator; quæ res fortasse rebus ipsius plus detrimenti quàm emolumenti erat allatura. Et quemadmodum inter maiores meos nō defuerunt, qui à principibus quibusdam recuperandi iuris sui rationem inuenerunt, ita & mihi spero Deum adfuturum aduersus eum, qui vt me per iniuriam bonis spoliauit, sic vitam & sanguinem crudelissimè petit. Sed quæro ex istis (ventilanda

landa enim adhuc successionis huius est quaestio) an Imperator cum me hereditate hac passus est frui, de suo quicquam largitus sit, necne? Nam si nihil accepi quod non fuerit Principis Renati, non video quo modo mihi exprobrari possit beneficiū, quod vel Rex vel Imperator in me contulerit: nisi fortè largitio rerum alienarum liberalitas est appellanda.

*Dirio Castro-
belina.*

Quin contra (ut nihil hic attingam, iniuriam mihi factam, eodem illo in Comitatu, in quo & pluribus & vberimis fructibus & præeminentiis sum spoliatus, cuius causæ tractationem in illud tempus reiicio, cum ab armis præsidium iuri meo petiero, quod ab eius impetrare nequeo iniustitia qui mea per vim mihi detinet) vix iam hæreditatem adieram, cum statim exutus sum ditione mea Castrobolina: cuius ditionis fructus, ex quo ea carui, trecentorum & eo amplius millium florum est. Iam summum iniuriarum videte. Petebat à Cæsare parens meus, ut ex iure saltē in hæreditatis à cognato mihi relictæ possessionem restituerer. negavit; vnum hoc concessit (cum tamen ea fuisset spoliatus) ut lege agerem: in quo certè hæreditate me non planè exclusit, cum persequendi iuris mei (nam in curia Mechliniensis causa agebatur) contra se potestatem fecit. At filius qui mihi (si Deo placet) beneficia obiecit, ubi videt in eo rem esse, ut de causa iudex esset pronuntiaturus, eo ipso die quo de lite pronuntiandum erat, sententiis iudicū in codicem iam relatis (nam & ipse admonitus fueram honoraria iudicum parare) (videte viri grauis, videte quæ fuerit in administranda

nistranda iustitia feueritas eius, qui se eam inuiolatam habiturum & mihi & ceteris Belgiae Baronibus iurauerat) Edicit iudicibus ne pronuntiet; litemque uti adhuc est, suspēdi iubet. En beneficia, en prerogatiuas quibus auctus sum à familia Hispanica; en exprobrationum fundamenta; en basim qua infamis illa proscriptione nititur.

At si vice versa narrare incipiam, quot modis domus Hispanica maioribus nostris (ut de me nihil loquar) sit obligata; bone Deus, quàm vastum & quàm immensum mare se mihi aperit unde nō facilis futura sit regressio! Quare contentus summa tantum attigisse capita, vobis viri grauis. eorū beneficiorum accuratiorem cognitionem, ex historiis & annalibus Belgij petendam relinquo.

Qui primus ex familia Austriaca in Belgium venit, multis post annis quàm maiores mei Comitatus ac Baronatus indidē habuerunt, is Maximilianus Imperator fuit; tum Archidux Austriae. Quis igitur nescit Comitem Engelbertum propatruum meum, cum esse qui Maximilianum hunc Imperatorem opibus, vita, ingenio, sustentaret, atque conseruaret? Non Comes Engelbertus ille est, qui cū Domino Romontio ex proelio Guinegastano victoriam reportauit? cū dissipato equitatu nostro, virtute sua peditem in acie tenuisset? sicque immensae illae Ludouici vndecimi victoriae veluti fræno coercitæ, atque in posterum res Maximiliani in tuto tranquilloque fuerūt collocatæ? Non is est qui post captiuitatem è Galliis rediens, cū offendisset Maximiliani res in Flandria ex dissensionibus quæ ipsi cum Domino de

Dominus Engelbertus Comes Nassauus.

B

Rauc-

Rauestain ac Brugensibus inciderant, implicatas turbatasque partim armis, partim consilio explicuit; effecitque ut pax coiret; ut Archidux iterum firmaretur, utque pacta Brugensibus seruarentur: quarum rerum illustria etiamnum hodie monumenta exstant, cum egregia suæ erga Principem fidei, tum ciuitatis Brugenſis in ipsum gratitudinis. Hic ille est Engelbertus, qui Rheno finitimos rebellantes domuit, qui trans Mosam regiones Cæsari pacatas reddidit. Ut interim taceam, quam multa & periculosa itinera, eiusdem Cæsaris causa suscepit; veluti cum in Armoricam Britanniam est profectus, ad procurandum nuptias eiusdem Archiducis cum Domina Anna hærede Ducatus, & postea bis Galliarum regina; quod suum negotium dextrè tractando, cò deduxerat, ut de matrimonio planè conueniret; coiissentque tædæ nuptiales, nisi Ioannes Princeps Auaricus Philiberti pater illud eueriſſet: translatis eiusdem Annæ sobrinæ suæ nuptiis, ad Carolum Regem Galliarum. deniq; fuerunt ea Engelberti nostri in hanc Rempublicam merita, ea virtus, ut vniuerso Belgio absente Carolo Duce legatus præficeretur.

*Engelbertus
vniuerso Bel-
gio præfectus
iam inde à Ca-
roli duci tem-
poribus.*

*Henricus Co-
mes Nassau-
ius.*

Huius porro Engelberti successor, & hæres bonorum quæ in Belgio habuit, fuit Comes Ioannes Nassauius, eius frater, meus auus: quo mortuo, Comes Henricus, meus patruus, filius natus maximus dicti Comitiss Ioannis, successit hæres bonorum in inferiori Germania sitorum, puta in Brabantia, Luxemburgo, Hollandia & Flandria: Pater verò meus, Comes Willelmus, eorum quæ in Germania possederat. Nemo negare potest nullum
eius

eius ætatis exstitisse Procerû, qui plus laboris pro Caroli dignitate suscepit, quàm ipse. Nam vt ea præteream, quæ nimis sunt nota; vnum hoc tacere non possum, huncillum esse qui diadema Imperiale, Caroli capiti imposuit. Etenim cùm per ætatem & absentiam (erat enim tum in Hispaniis Carolus) ambire imperium ipse non posset; persuasit Electoribus, vt præterito competitore Francisco illo Galliarum rege, Carolum Imperatorem facerent. Et quoniam his Imperij gradibus (quod omnes norunt) ad tantum rerum suarum ascendit fastigium, negari certè nō potest, quin & hoc Comiti acceptum sit referendum. Quæ cùm ita sint, proferant si possunt gratitudinis suæ vel minimū argumentum; proferant inquam, vel vnicum beneficium ab Hispanica familia in nostram collatum! Videre est plurimis in locis huiusce nostri Belgij tormenta bellica, Hungaricis signata imaginibus, quæ maioribus meis Rex Hungariæ virtutis ergò dono dedit, proq. monumento esse voluit, operæ insigniter sibi contra Turcam nauatæ; quorum pars ab Albano per tyrannidem (vt omnia) ex arce nostra Bredana ablata, pars relicta est: quod ideò à me cōmemoratur, vt intelligant omnes; quàm diu exstabunt illæ machinæ, tā diu monumenta virtutis maiorum meorum, & illustrissima testimonia regis Hungariæ superfutura. Sed quemadmodum maiores mei ex virtute sua sunt nobilitati, ita Deo bene iuuante rem suam familiarem adeò non neglexerūt, vt à principibus harum regionum egestati suæ præsidium petere cogerentur: sed nec gratuitum donum vllum acce-

B 2

perunt!

perunt: Et tamen procuratum Imperij diadema, gratiam ni fallor aliquam merebatur. Fateor successione Cabillonensi & Principatus Auraici magnam familiæ nostræ accessionē esse factam. Sed si cui debemus, magno illi regi Francisco debemus: qui patruo meo in matrimonium dedit sororem Principis Philiberti, Principis Ioannis filiam, collactaneam Reginae Annæ, quæ socrus erat dicti regis; cuius Annæ illa fuerat cognata. Atque hîc videte mihi humanitatem principis singularem. Cæsar Carolus, laboribus patru mei imperium est adeptus; Rex Franciscus qui non ignoraret quid pro cōpetitore suo fecisset meus patruus, non dubitat Principem illam in matrimonium ei collocare; ad quam probabile erat fratris sui Philiberti hæreditatem aliquando redituram; quippe didicerat se infenso in eum nō esse debere animo qui eas partes constanter sequeretur, quibus se semel adiunxisset. Vt mihi verè de eo dicere liceat, quod & testantur historiæ, Principem illum fuisse generosi pectoris & liberalis. Et quanquā Renati memoriæ tribuisset aliquid Imperator, & in condēdo testamento priuilegij aliquid ac potestatis extraordinariæ fecisset; quæso tam fortis Princeps, tamque strenuus, qui de ipso ita erat meritus, qui suis armis non tantum infelicis prælij à Cæsarianis cōmissi, damna reparauerat, verum etiam Ducatum Gueldriæ recuperauerat, qui postremò pro dignitate Cæsaris ante eius pedes occubuerat: an tot, inquam, memorabilibus officiis tantuli beneficij gratia condignum præmium videri potest accepisse?

Quid

Princeps Renatus.

Quid dicam de Principe Philiberto, qui solus *Princeps Philibertus.* ipsi Longobardiam quæsiuit, qui regnum Neapolitanum, qui cum Borbonio Romam ipsius potestatis fecit, Pontificem captiuum stitit, qui deniq; eum omni dignitate, potentia, felicitate cumulauit? Et adhuc audebit filius, talium Principum memoriam obiectare, Imperatorem ipsorum patrueli ac successori iustitiam administrasse? Quod si sanè domus Nassauia non extitisset, si Auraicum nomen tot belli trophæa non crexisset, priusquam rex in lucem ederetur: nam ille tot regnorum ac prouinciarum titulos, quos infami isti suæ proscriptioni præfigeret, non habuisset; in qua me proditorum ac sceleratum (quod à familia nostra semper abfuit & porro abfuturum spero) impudentissimè criminatur. Sed illud mihi respondeat, cuius iussu Cardinalis Granuellanus venenum porrexerit Maximiliano Imperatori eius nominis secundo, cum adhuc Rex Bohemie esset. Scio quid is super ea re mihi dixerit; quod post illa tempora Regem & Hispanos ita exhorruerit, ut ausus non fuerit religionem quam puriorem esse animus ipsi testabatur, publice profiteri.

Pergit porro, ac dicit, se continuis honorum gradibus nos auxisse: primum cum me in numerum equitum aurei velleris adsciuit, deinde cum præfectura Hollandiæ, Zelandiæ, Traiecti & Burgundiæ ornauit, tum quod me inter arcani concilij proceres adscripsit; postremo quod magnis honoribus ac beneficiis affecit. Quod de beneficiis dicit, nulla equidem agnosco, nisi fortè beneficia sunt appellanda, ingentes illi sumptus, quos pro Imperatore ac rege sustinui. Nam qui ea ætate vixerunt, sub rege præ-

Exprobratio beneficiorum & honorum ab rege Hispaniarum in Principem collatorum.

B 3

fertim,

fertim, meminisse possunt, quāta tū tēporis in au-
 la fuerit nobilitatis frequentia, cū variarū nationū
 tum Germanorum : quorum pars facilè maxima,
 quòd domus mea (vti omnes norunt) nulli nō pa-
 tēret, mensa mea quotidie utebatur, tolerabamq.
 aulae sumptus sanè nō mediocres, propter *ἀταξία*
 familiae regiae. Sciunt etiam omnes, quā gran-
 des ac penè incredibiles fecerim expensas, in ea
 legatione, qua, inuito ac retractae animo, quem-
 admodum Imperatori ac Reginae Hungariae li-
 berè profitebar, coactus sum Imperij coronam
 Ferdinando deferre. Rem profectò animo meo
 grauissimam; quòd coronam Caroli Caesaris ver-
 tici à maioribus meis impositam, ab eiusdem ca-
 pite detractam, aliò cogerer transferre. Pòst, mis-
 sus sum in Galliam, obsidum vnus exequēda pa-
 cis causa Castro-Cambresij confectae; quae mihi
 legatio etiam infinitos sumptus attulit: sic vt con-
 firmare possim, me trib⁹ his capitibus, si eos sum-
 ptus addideris, quos feci posterioribus expeditio-
 nibus, nominatim ad Philippopolim & Carolo-
 mōtium vbi exercitui praefui, rem meā minuisse,
 decies quinquies centenis millibus florenorum:
 nec tamen (quod ipsum testari potest camera sup-
 putationum) vel teruntium pro his vnquam rece-
 pi: quin etiam cū exercitui legatus Caesaris no-
 mine praessem, non plus trecentis florenis men-
 strui stipendij in vniuersum accepi; quod ne sol-
 uendis quidem calonibus meis sufficeret. At con-
 trà si adhuc in viuis esset Regina Hungariae, recor-
 daretur eius sat scio, quod tum mihi dicebat, cū
 Imperator difficillimis, ac vt nunquam aliās, ma-
 ximè

ximè dubiis rebus suis, hinc illustrissimorū Prin-
cipum Mauricij & Wilhelmi Landtgrauij, illinc
regis Galliarum armis pressus, pacem fecit Passa- *Pax Passa-*
uiensem, maximo cum familiæ nostræ intertri- *uiensi.*
mento, quæ Imperium quod ei antè pepererat, in-
gentibus suis damnis ac impediis tum conserua-
uit. Nam cū frequentissimo Imperij conuentu,
Imperator ex solio sublimis, de sententia princi-
pum electorum, secundum nos pronuntiasset, ad-
iudicauissetq; Comitatum de Catzenellenbogen
cum plus quàm duobus millionibus florenorum
reliquis, pacē tamen nostro damno pepigit, resti-
tutis in possessionē Comitatus pace illa Passauiē-
si aduersariis: nec id dico, refricadæ litis causa, de
qua postea transactum est inter nostram & illu-
strissimam Principis Landtgrauij familiā; cui nos
vt sanguine coniuncti, ita & addicti deditique su-
mus: sed vt intelligant omnes quanta beneficia à
domo Hispanica acceperimus; & iudicent vtrum
nos, an illi potius ingritudinis sint damnandi.
Nec iam primū viri clariss. his artibus deludi-
mur: nam cū Princeps Renatus familiæ nostræ
id temporis caput, bellum Cliuense fortiter exe- *Pax cum duce*
queretur, promisit Imperator nunquam se cum *Cliuensi.*
duce compositurum, nisi nos in trientem ditionis
Iuliacensis venire pateretur; quæ nobis hæredita-
te obtigit Comitis Ioannis Nassauij proauī mei,
& Margarete Comitis Iuliacensis, & de la Marck:
attamen victor transiit vt voluit, oblitus victo-
riam hanc, sudoribus & rebus gestis principis co-
gnati mei emptam esse.

Quod ad honores; nunquam diffitebor, (quod *Hortensius*

B

4

&

*Princeps dux
exercitus crea-
tus vigesimo
primo anno
ætatis suæ.*

& initio sum professus,) magnis me à Cæsare honoribus fuisse affectum, qui me educarit, & à cubiculis sibi esse voluerit nouem continuos annos, & duobus primis militiæ meæ tyrociniis vniuerso equitatu ordinario harum regionum præfecerit. Et quanquam primum & vigesimum annum nondum etiam attigissem, atque adeò à curia abessem; tamen cùm Sabaudia dux profectiorem quandam suscepisset, Imperator me copiis suis omnibus præposuit: tametsi consiliarij, ipsaque adeò regina, cōplures ingenij simul & belli gloria conspicuos, proponerent: in quibus erant Comites de Bouffu, de Lalaing, Martinus van Rossem equites veterani, præterea Comites d'Arenberg, de Meghen, & Egmondanus qui duodecim annis ætate me anteibat. Et quanquam ob adolescentiam (vt postea Imperatori significabāt) à nemine fueram nominatus; placuit tamē Cæsari me eligere, propter eas causas quas tum adferebat, quas que mihi postea Regina Hungaria cùm hoc oneris nobis pro auctoritate imponeret, significabat: de quibus in præsentia tacere malo, ne magnificè de me loquendo iactantior merito videri possim. Dicam amplius, placuisse Imperatori nos è castris reuocare, cū vobis ornatiss. Domini sententiam suam aperiret, de transferendo ad filium regno: quam rem quòd absente me exequi noluerit, equidē honore me affectum sentio, quemadmodum & in eo cū propter valetudinem innixus meis humeris, in celeberrimum illum vestrū conuentum se dedit; quod pleriq; omnes ad honorem meum in primis pertinere interpretabantur.

tur. Demus etiam si placet, alios mihi exinde honores abs rege ipso tributos: non video tamen in beneficiis esse numerandos, cum contra ius & æquum atque adeò iururandum suum eos mihi eripere sit conatus.

Nam, quod ad dignitatem aurei velleris attinet; si Imperator atque ordo ille nobis est suffragatus, in hoc certè nō plus Imperatori quàm cuius reliquorum equitū debeo; cum nefas illi fuerit ratum non habere quod collegium illud decreuisset: quemadmodum nescius non est, nouissima illa solennitate in Belgio habita, complures fuisse suffragiorum multitudine contra sententiam ac voluntatem suam in hunc ordinem à nobis & electos & receptos. Sed ut ei hoc nomine aliquid debeam; tantum tamen abest ut id mihi obiectare possit, ut hoc ordine ipse mer exciderit. Iurauit, & legibus illius ordinis sancitum est, equites aurei velleris ab ordinis sui collegis iudicari oportere. Itaque Philippus cognomento Bonus, adigere nunquam potuit Ioannem Luxemburgicum, ut renunciaret iururando Anglorum regi præstito, prouocante Ioanne Luxemburgico ad ordinem illum velleris aurei. At quos collegas Comitibus Egmondano, & Hornio, Marchioni Bergensi & Domino de Montigny pro iudicibus rex dedit? nimirum quisquillas rabularum forensium, nihili atque infimæ sortis homines; à quibus me etiam contra omnem formam iuris damnandum curauit; quemadmodum olim sum contestatus, atque irritam me habere sententiam declaravi, propositis ut dicunt nullitatibus. Itaq; cum iururandi

Privilegia ordinis equestri.

*pinus de
giffan:*

religionem violarit, leges amplissimi illius ordi-
nis infregerit, audiendus omnino non est in illis
suis exprobrationibus, in quibus violati ab eo sa-
cramenti foedissimæ notæ exstant impressæ. Deni-
que, si cui pro illo ordine, præfecturis, proque aliis
honoribus ac dignitatibus debeo; is profectò est
Imperator, qui prius quàm è Belgio decederet, sic
fieri voluit, sic decreuit, credo qui perspectam ha-
beret, cum in exequendis ceteris eius mandatis fi-
dem nostram atque alacritatem, tum in ducendo
eius exercitu diligentem industriam; quòd cùm
castra Domini de Neuers & demortui Domini
Castillonij Galliaë admiraldi (qui quantus ad-
uersarius fuerit ros postea ab eo gesta declarant)
opposita castris nostris habuissem, nullam tamen
de me victoriam retulissent, nec prohibere po-
tuissem quin in eorum conspectu duas arces Phi-
lippopolim & Carolomontium exadificarem, id-
que grauis. peste nostrum afflicto exercitum.

*Præfectura
Burgundiaë.*

De præfectura Burgundiaca, illud confirma-
re possim, nunquam inde me emolumenti quic-
quam accepisse, cùm etiam maiores mei hæredi-
tarium illius prouinciæ gubernandæ ius perpetuò
sibi vèdicarint. & quidè Domina Philiberta Lu-
xemburgica, quo tempore Princeps Philibertus
eius filius esset in Italia, conuentus ordinũ Bur-
gundiæ habuit, intra ciuitatem nostram de No-
zeroy: cumque id nonnullis minus probaretur,
quòd ea nostra ciuitas in finibus esset sita Comi-
tatus Burgundiæ, respòdit velle se tueri possessio-
nem dominorum familiaë Cabillonensis, qui es-
sent gubernatores hæreditarij Comitatus Bur-
gundiæ.

gundia. Vt ut est, quæ in me fecit rex, satis superque ostendunt, non posse eum mihi exprobrare suos in me collatos honores, quos contra omnem rationem honoris, vnâ cum vita ac bonis eripere studuit; qui ex me natum filium contra omnia iura diuinâ atque humana, atque adeò contra Belgij priuilegia quibus se festo (vti vocant) introitu iureiurando obligauit, raptum in Hispaniam curauit deportandum.

I A M, quòd in Concilium secretius sum *Consiliarius* receptus, satis apertè ostendi in ea Apologia *status.* quæ à me est edita anno sexagesimo septimo; Cardinalem, atque alios quosdam, machinatos vt in collegium illud adsciscerer, quo auctoritatè meâ apud populum suis actionibus prætexerët; in quo cum non spectarent meum commodum, sed suû, iniuria (opinor) hoc mihi beneficium exprobrant. Quod si spe sua sunt frustrati, aut suo id stupori tribuant, qui negocium suum minus dextrè tractarint, aut quod est verius, (neque enim ingeniû ipsis defuit) tanta fuit eorum malitia, vt cum omnium oculis videretur, ac manibus (penè dicam) palparetur, & ferri iam diutius non posset; tanquã teterimæ belluæ ac publicæ pestes his regionibus sint exacti.

Sed quoniam non tantum in meû caput grafsantur, ingratitude ac perfidiæ accusando, verum etiam vt furor ac rabies omnes promiscuè, nocentem iuxta ac innocentem, dente virulento petit; non puduit eos coniugis nostræ existimationem petulantissimè vulnerare, dum maculâ studet inurere postremo nostro matrimonio: nescio sapien-

*De postremo
Principis ma-
trimonio.*

sapientissimos istos viros, & vt de sese iactitāt sci-
 tissimos pictores, impudentiæ ne magis an stupo-
 ris damnandos putem, qui nō didicerint id quod
 vel tyrunculis est notum, *Carere debere omni vitio
 qui in alium paratus sit dicere.* Quid enim impu-
 dentius? quid stultius? quàm si norint sua flagitia,
 per spinas ac tribulos suos tanquam per rosas in-
 cedere? Aut si ne nouerint quidem, quæ cæcitas?
 quis stupor? non videre ea quæ sese in diem oculis
 spectanda offerunt? versatur quotidie ante eorum
 oculos, rex inçestuofus, dimidiato gradu Ioui pro-
 ximus Iunonis & viro & fratri: & mihi audent
 obiectare coniugium honestum, legitimum, san-
 ctum, ex præscripto & ritu ecclesiæ Dei contractū
 atque celebratum? Atque hic rursus orandi mihi
 estis humanis. Domini, ne me maledicendi libi-
 dine (à quâ plurimū semper abfui) inflammatū
 ad relegendum detestabiles istas vomicas, & cau-
 terio inductā istorum conscientiam omniū ocu-
 lis exponendam venisse existimetis: sed istorum
 tribuatis perditissimis furoribus, qui se Dei atque
 hominum & totius nominis Christiani, & seor-
 sum vestros hostes & aduersarios constituerunt,
 quibusq; nulla alia tam capitalis in me odij causa
 est, quàm quòd intelligunt quæ mea fuerit in con-
 seruandis vobis sollicitudo, fides, diligentia. Qui
 igitur neptem suam in vxorem duxit, matrimoniū
 meum mihi exprobrare audet? matrimonium in-
 quam legitimè atq; ex constitutione diuina con-
 tractum? qui vt inçestas nuptias faceret, vxorem
 suam, eandemque filiam ac sororē regum Galliæ,
 crudelissimè necauit; vt audio in Galliis haberi
 descripta

*Parricidium
 in reginam
 Hispaniæ ad-
 missum.*

descripta testimonia: vxorem inquam legitimam,
 duarum filiarū matrem: quæ quoniā regni Hispa-
 nici iustissimæ sunt hæredes, non dubito quin si
 Gallus pristinae virtuti suæ constare volet, quem-
 admodum olim Castiliæ regnum, eiecto tyranno
 quamuis legitimo, spurio cuidam dedit, à quo ge-
 nus suum Philippus hic traxit, sic tradere veris his
 hæredibus possit; nisi fortè iustus ille iudex Deus,
 qui huiusmodi scelera impunita non finit, ipse de
 eo dum adhuc viuit vindictam sumpserit, eumq;
 regno quo vel ob hunc vnum incæstum cum par-
 ricidio coniunctum pelli merebatur, dispoliarit.
 Sed habuit dispensationē: à quo? à Pontifice Ro-
 mano, orbis terrarum Deo. Credo equidem, neq;
 enim cælorum Deus vnquā indulisset. At, quod
 huius cænocelestis dispensationis fundamentum
 fuit? quòd tam nobile regnum, absque hærede re-
 linquendum non fuit: En, cur ad priora crimina
 nefarium adiectum est parricidium; pater est cru-
 delissimè necans hæredem filiū, vt Pontifici ster-
 natur via ad dispensationem incæstus, tam exe-
 crandi, tam Deo hominibusq; detestandi. Quòd
 si igitur dixerimus nos reculare imperium regis
 incæstui, cōiugis pariter, & filij parricidiis con-
 taminati; quis est qui hoc possit reprehendere?
 Quàm multi reges, regno pulsi, eiectiq; sunt, qui
 tanta scelera in se non admiserunt? Nam quod ad
 Carolum; an non Dominus ac princeps noster fu-
 turus erat, etsi pater necandi filij iustam causam
 habere sibi videbatur, non oportuit nos potius de
 causa cognoscere, quorum res tātòpere agebatur,
 quàm tres aut quatuor monachos & inquisitores
 Hispa-

*Parricidium
 in Principem
 Hispania ad-
 missum.*

*Matrimonium
regis Hispaniae
cum Domna
Isabella Osor-
ia.*

Hispanos? Sed fortasse conscientia eius non tulit
ut heredem eum relinqueret, quem sciret ex ille-
gitimo thoro esse susceptum; nam quo tempore
se finxit ambire coniugiū filię regis Lusitanię, Ca-
roli matris, vxorem habuit Domnam Isabellam
Osoriam, ex qua binos quoque aut ternos susce-
pit liberos, quorum priori Domno Pedro, poste-
riori Domno Bernardino nomen est; cuius con-
iugij locuples testis esse posset (si viueret) Rigo-
mes Princeps de Yuoli, matrimonij illius pronu-
bus; qua re & in aula summam auctoritatem & in
Hispania amplissimas facultates inuenit, quas iam
ingrati homines à vidua tanquam è spongia ex-
pressas recipiunt. Quòd si ita sanctè se gessit
in simulato illo Lusitanię matrimonio; in hoc
quod cum filia regis Gallię contraxit, inuentus
non est religiosior: nam præter parricidium in
vxorem patratum, etiam alio flagitiosissimo adul-
terio nobilitatum istud fuit. Quippe consuetudi-
nem stupri cum Domna Eufrosia domi suę fami-
liariter habuit; quam cum ex se sensisset gravidā
obtrusit Principi d'Ascoli, eamque ut domū du-
ceret coëgit. At miser princeps, interiectis aliquot
mensibus, ex dolore mortuus est, cum prohibere
non posset quin in hæreditatem suam veniret ex
alieno concubitu natus spurius. Qui autē veriora
narrant, affirmant eum bolum accepisse, digluti-
tu quàm concoctu faciliorem. Et obiectare nobis
matrimonium nostrum audet, qui tribus huius-
modi matrimoniis tanquam triplici flagitorum
corona, redimitus, ter inquam, ter talis maritus
existit.

*Adulterium cum
Domna Eu-
frasie.*

Sed

Sed ne sit hunc ad modum sanè cōtaminatus,
(quando alieno crimine non bene excusēs tuum)
sit inquam per me innocens: non vereor tamē ne
quid mihi meritò possit obicere: nec feci quid-
quam (Deo sit gratia) nisi consultò, & ex senten-
tia complurium honoratiss. iuxtà ac prudentiss.
virorum. Nec est quod se interponat alioqui rei
ad se nihil pertinenti, cuiusque ei rationē non te-
neor reddere. Nam ad demortuam vxorem meā
quod attinet, ea contingebat genere, Principes tū
illustriss. loco natos, tum honoratissimos ac pru-
dentiss. quibus abundè satisfactum esse satis cer-
tò scio. Et si argumentum hoc latius persequi li-
beat, haud difficile mihi fuerit ipsi ostendere, cum
vel à sapientissimis suis doctoribus condemnari.
At præsens nostrum matrimonium quod spectat,
quamlibet prætexant zelum traditionum Roma-
narum, nunquam tamen cuiquam probabunt se
illius ecclesiæ esse studiosiores, quàm sit Domi-
nus de Montpensier Dominus meus socer, qui
non religionem eam profitetur, quo modo Cardi-
nalis Granuellanus & eius generis homines, sed
vtei dictat conscientia; & tamē omnibus ritè per-
pensis, auditisque super hac re, compluriū è Par-
lamento Parisiensi in Pictaviensi conuentu sen-
tentiis, nec non episcoporum ac doctorum; intel-
lexit id quod res est, non solū etiam si votum ab
vxore mea factum esset, nullū id iure videri, quia
imbecilli ætate conceptum erat, contra cano-
nes & constitutiones Gallix, contraque sentē-
tias ac præiudicia Curiarum summarum, atque adeò
contra canones Concilij Tridentini, cui nihil nō
tribuit

tribuit aduersarius: sed ne votum quidem vllū intercessisse; quin multas contra protestationes esse factas, quemadmodū ex idoneis quaestionibus ea de re habitis, etiā in absentia vxoris meae est compertum. Et quanquam nihil horum foret; non tamen adeo sum alienus à sacrarum literarum cognitione, vt nesciam humanarum constitutionū nexus, quibus miseras implicant conscientias, coram Deo nō obligare. Nec religionē nobis affert, quod aiunt, vt id concedatur nostrae conditionis Proceri, à Pontifice tamē dispensationem petendam fuisse. Diu enim est, gratia Deo, cū intelligo quid nundinae illae dispensationum Romanarum valeant: tantumque abest vt ab eo causae nostrae praesidium petam, qui mihi haecenus quantum in ipso fuit nocuit; vt in spem veniam, fore, vt quemadmodum bonus ille pastor, & mihi & bonis omnibus quantum potest nocet, sic Deo bene iuuante, mystico eius regno quod in spelunca illa sua Romana fabricant, fatales machinas sim admoturus; quibus disturbetur tyrannis illa quam in vniuersum orbem terrarum olim vsurpauit; in tantum, vt reges ac monarchas osculari suos pedes coegerit; atque adeo (prō facinus) proculcare Imperatorem Barbarossam non reformidarit.

*Principem non
esse peregrinū.*

Obiicitur nobis praeterea quod *peregrini sumus*; quasi Princeps Parmensis magnus aliquis sit patriota, qui nec in Belgio natus est, nec quicquam suum habet in quo pedem ponat, aut quod omnino sibi vendicet: & tamen malè sanis quibusdam tanquam mancipiis, imperiosus dominus pro libidine moderatur. Sed quo modo tandem

dem interpretantur nomen illud peregrini? nimirum ut sit is qui extra regiones has natus sit; hac quidem definitione, iuxta mecum peregrinus erit aduersarius: est enim natus in Hispania huic regioni naturaliter infesta; at ego in Germania sum editus, huic regioni à natura amicissima. At rex est inquit. Sed ego regium illud nomen non agnosco. Sit rex in Castilia, sit in Aragonia, sit Neapoli, sit in Indiis, postremo sit ubicunque pro libidine dominatur: sit etiam si volet Hierosolymis, sit in Asia, sit in Africa; in his quidem certe regionibus non agnosco, nisi Ducem & Comitem, cuius potestas privilegiis nostris tanquam limitibus certis circumscripta est; ut testari potest festus ille (qui vocatur) Introitus, quo solenni iureiurando confirmavit, se leges nostras factas rectas habiturum. De me autem, illud certo constat, nos maioresque nostros, à quibus recta per mares linea originem ducimus, ducenis iam retro annis, cepisse possidere Comitatus & Baronatus in ditionibus Luxemburgi, Brabantiae, Flandriae, Hollandiae: nam circa *genealogia.* annum millesimum tricesimum & quadragesimum Comes Ottho, à quo septimus sum nepos, & haeres primogenius, in uxorem duxerat Comitem de Vianden; qui Comitatus, à familia nostra non discessit, & quietè eo semper usi sumus, quoad eum rex per vim mihi abstulit. Post ea Comes Engelbertus, primogenitus filij Otthonis in matrimonio sibi copulauit Dominam de Leck & Breda, à quo nepotum sum quintus, recta deducta per mares linea. Et me quisquam peregrinum audet appellare? Taceo latifundia quae Dei

C

benigni-

benignitate in Burgundia habeo. At, vos prouoco
prudētis. Domini, qui leges nostras habetis per-
spectissimas, vestrum sit iudicium, quæ fuerit ma-
iorum nostrorum post hominum memoriam hac
in re cōsuetudo, an Domini de Rauestain, de Lu-
xemburg, de S. Paul, de Neuers, d'Estampes, & si
qui alij, Comitatus ac Baronatus in hisce habent
regionibus, pro peregrinis sunt habitus? & à vobis
etiamnum pro indigenis habeantur quotquot hu-
iuscemodi feuda possident; modò huius regionis
partes sequi non recusent; & quidem nōne ea de
re leges inter nos disertas expressasq; habemus rū
in Brabātia, tum alibi? Nam quòd ad titulos Du-
cis Brabantiae, Comitis Flandriae & alios quos ha-
bet, etsi fateor magnas esse dignitates; tamē si vel
ipsum vel Hispanos fortè latet, discant vel ex me,
Brabantiae Barones, coniunctos cum melioribus
regionis ciuitatibus, si-quando Brabantiae Duces
exorbitantes superbius se gessissent, in ordinē ab
illis & maximè à Brabantiae ordinibus coactos
fuisse. Constat igitur, me ea profapia esse oriun-
dum, quæ continuis aliquot ætatibus, præcipuos
Baronatus ac potentatus in Brabantia, Flandria,
Hollandia & Luxēburgo possederint. Sed quan-
tum ab officio suo Philippus recesserit; & iam fe-
licibus sanè auspiciis, cum docere ordines cœpe-
runt, & vt spero, vsque adeò alta in eum huius le-
ctionis imprimēt vestigia, vt calamitosi Siculi,
Calabri, Insubres, Aragonenses & Castilliani ex-
emplo nostro excitati discant superbissimum Do-
minum è rerum natura esse exterminandum. Atq;
adeò ipsi Granatenses, quamuis graui iugo pressi,
colla

colla tamen sint erecturi, contra importunissimū tyrannum, qui bello Mauritanico, in carcerē compingi iussit centum plus minus mercatores, eius ciuitatis incolas, & quidem omnes Christianos, è quibus nemo fuit cuius bona ad minus nō essent quinquaginta millium Ducatorum: Deinde per tumultum popularem trucidandos curauit; cæso- rum pecunia in ærarium suum relata. Postremò docebunt eum Belgij ordines (vti spero) auxiliante numine, quo modo excipiendus sit is qui sacra- menti religionem in fausto illo introitu præstitam violauit.

Sed si persequendum hoc argumentum, atque altius repetenda memoria est eorum temporum, quibus maiores mei non tantum his regionibus oriundi, verum etiam amplas possessiones, titulos ac dignitates indidem habuerunt; illud asseuerabo, quo tempore maiores eius, Comites Habsburgenses fuerunt, sedesque suas in Heluetia habuerunt, meos multis retrò annis Ducatum Geldrie tenuisse; vnde adhuc videre est Duces Geldrie, insignia familiæ Nassauæ in clypeis suis gerere: nec verò obiter ditionem illam tenuimus, sed ex quo filiam ac hæredem tutoris aut regentis (his enim titulis Geldriæ dominos appellabāt) Comes Ortho in matrimonium sibi sumpsit; quod accidit anno millesimo trigesimo nono, vsq; ad annū millesimū trecentessimū quinquagesimū: tā longinquam temporum serie, maiores mei & fuerunt Domini, & Comites & Duces Geldriæ; quæ admodum non pauca monumenta testantur: tantumque abest vt qui me peregrinum dictitat, hu-

Comites Nassauæ, Comitès & Duces Geldriæ ab anno 1039. vsq; ad annum 1350.

iufmodi argumenta generis ortusq; fui, ex his regionibus poffit ostendere, vt stirps eius in Belgio tum penitus ignota fuerit.

*Belga habiti
pro subditis ac
mancipiu Hi-
spanorum:*

Et quoniam narrationem orditur contexere, non minus falsam quàm stolidam atque ridiculam, quæ (vt vult ipse) complectatur ordinẽ rerũ à me gestarum; volo & ipse, quia plerosq; vestrum sciam, quo tempore primũ ista gerebantur, vel ætate ea fuisse, vt quid ageretur minus possentis intelligere, vel quia ad Rempub. nondum accesseratis, non satis potuisse animaduvertere, quibus artibus illa tractarentur à Cardinalistis, & consilio ex Hispania missõ, qui dominari hisce regionibus semper in animo habuerũt, quemadmodũ ceteris Imperij sui prouinciis, cùm se Dominos harum regionum, nos mancipia sua esse semper duxerint. Volo inquam humanitati vestrę exponere, quas vias rationesq; sequuta sint infauista ista ingenia, quæ reliquos mortales omnes, pecudes præ se putant, quæq; nos eò discriminis adduxerũt, vt ab exitio & miserabili seruitute minimũ abfuerimus; nisi Deus pro immensa sua misericordia ac bonitate, pro nobis excubasset, turbatisque nefariis eorũ cõsiliis è cruentissimis illis faucibus nos eripuisset. Atque hic iterum necesse mihi est à vobis petere viri ornatiss. vt quemadmodum hactenus patienter dicentem audiuiistis, ita porrò audire dignemini: neque enim dubito, quin vt pleriq; vestrum, aut omnes actiones meas, aut certè meliorem partem vel ipsi vidistis, vel à patribus vestris aut bonorum virorum testimonio accepistis, ita si me porrò audiat, intellecturi sitis orationẽ meam,

meam, non minus esse veram, quàm aduersariorum
 falsam ac impudentem. Nihil hic eorum referam
 quæ sub Carolo quinto vidi; non quin Hispanos
 senserim plurima iam tum moliri, quæ mihi neu-
 tiquam placebant, eoque morbum serpere ani-
 maduerterim, vt violento quopiam remedio, per-
 niciosissimi humoris Hispanici cathartico, Belgio
 nostro aliquando foret opus: Verum, quia per æ-
 tatem, ac rerum imperitiam, nondum penitus pe-
 nitusque profundam eorum malitiam inspicere;
 suspicari profectò non potui, carcinomati huic,
 sectionibus, vstionibusque medendum fore. Sed
 ex quo vnà cū ætate iudicium nobis accreuit, lon-
 gè diuersa nostra fuit sententia, ab his qui Hispa-
 nicam rabiem eò serpere posse non putabant: ni-
 hil enim accidit quod ego qui eorum crudelitatem,
 auaritiam, superbiam, etiam in singulis rebus per-
 spectissimam haberem, non certò exploratoque
 multo antè obseruauerim. Ea igitur tempora præ-
 tereo, quæ ne conferenda quidem sunt, cum ea ty-
 rannide quam postea sub eius filio Philippo per-
 pessi sumus; non quòd id temporis Hispani hu-
 maniores fuerint; nimis enim manifesta superbiam
 ac crudelitatis non ferendæ documenta dederāt,
 tum apud Indos, tum apud reliquos populos qui-
 bus licèter ac sine lege imperitabant: sed Impera-
 toris amor erga hasce regiones, & beneuolentia
 quasi manu iniecta retinebat impetum ambitio-
 nis eorum atque superbiam. Accedebat illud præ-
 terea, quòd regio hæc abundabat copia fortissi-
 morum ac generosissimorum heroum, priscae il-
 lius vir tutis exempla referentium (qui vtinam si-

*Ingenia Hispanorum semper
 crudelia, sed C.
 Quinti prudentia ad tem-
 pus coërcita,*

C 3

bi si-

bi similes filios genuissent) virtutis suæ repagulis Hispanam ferociam atque insolentiâ retundentium. Veniam igitur ad subsequētia tempora, vel ob id quod qui hæres bonorum Caroli ac nō virtutum est relictus, is ille est, qui me oppugnatum venit, Barbara quadam ac plus quàm tyrannica agendi ratione.

Carolus piæ memoriæ, & Maria Regina, cū viderent bello Germanico, iungente Galliarū rege copias cū principibus aliquot Germaniæ primī nominis, longè alium esse rerum suarū euentum, quàm Pontifex & Hispani promississent: necessarium sibi duxit Imperator cum hoste transigere; quippe eo loco res eius erant, vt desperans conseruari posse regiones suas, decreuerit abdicatione regno & ditionibus omnibus ad filium translatis, in Hispaniam proficisci, atque ibi reliquum vitæ, in otio priuatus degere.

*Imperator ad
filium regnum
transfert.*

Porro autē Rex Philippus, quanquā pro conditione regni, ac nominatim Belgij nostri, opus habebat (quod & mandatum à patre disertis verbis acceperat) subditos beneuolentia sibi adiungere; quandoquidem tota regio, atque adeò regis existimatio, ex illorum pēderet opibus ac fide: tamen, siue quod in Hispaniis sic erat eductus, siue quod peruersis eorum cōsiliis utebatur, quorum adhuc in potestate est; vnum illud animo semper agitabat, quo modo vos in seruitutem redigeret meram, & absolutam, quam illi suo nomine *integram obedientiam* appellabant; quo sublatis antiquis vestris priuilegiis, ac immunitatibus, vobis, coniugibus, liberisque vestris arbitratu suo abute-

abuteretur; quemadmodum eius ministri calamitosissimis Indis, aut certè quo modo Calabris, Siculis, Neapolitanis & Mediolanensibus dominantur, obliti regiones istas non bello partas, sed bona ex parte hæreditate relictas, aut saltem certis legibus maioribus suis traditas. quæque adeò patri suo Carolo atque auo Philippo prima initia propagandi eius Imperij fuerunt, quo videmus Domum Austriacam tantam euasisse, ut citra controuersiam, familia sit nominis Christiani facilè potentissima. Atque hic eius animus, nimis quam ^{Regis animus} maturè mox ab Imperatoris discessu sese aperuit, ^{semper huic regis infestus.} quemadmodum eius ætatis nobiles viri testari possent, si vita fruerentur. Nam simul ac inter eum & regem Galliarum bellum recruduit, si Reipub. huic nostræ vel tantillum cupiuisset, nonne conueniebat eum, vel quòd tam potètem hostem haberet, vel quòd tam salutariter eum pater monuisset, subditorum suorum beneuolentiam retinuisse? Sed tanta tyrannidis libido eum inuaserat, ut in mediis rerum suarum fluctibus nimis nimisque maleuolentiam suam declararit. Imperator qui ^{Consiliu Imperatoris filio regi datum.} superbiam crudelitatemque Hispanicam ut nemo alius mortalium, ac fortassis etiam ingenium filij sui nosset, vieissimque non ignoraret quid Rempub. nostram aut perdere aut cōseruare posset, regem filium seriò admonet, fore, ut nisi fastum superbiamque illam Hispanicam deponat, Belgij statum breui subuersum videat; neque enim tam insolentem dominationem Belgas diu toleraturos esse. Atq; hanc orationem Imperator habuit, præsentem Comite de Bossu patre eius qui nuperri-

mè discessit: interfui & ipse, & alij nonnulli viri nobiliores, quorū pars aliqua adhuc superest. Sed nec paterna auctoritas, nec rerum suarum vtilitas, nec iustitia, nec (quæ apud Barbaros etiam valuit) iurisiurandi religio libidinem illam suam, per tyrannidem nobis dominandi, restinguere potuerunt; sed perinde ac si leges, priuilegia, libertatem, ius, æquum bonumque, diuina humana omnia, infra se posita haberet, perruptis semel repagulis, odio atque crudelitati fræna laxauit.

*Subsidium
nouennale.*

Eo ipso tempore rem eius iuuiſtis, ornatissimi Domini, subsidio illo pecuniario quod appellabatur Nouennale; quo subsidio ac prudenti administratione nobilitatis nostræ, tum etiam virtute militis Germani, res ei ita pulchrè processerūt, vt factis duobus secundis præliis, captis aliquot vrbi- bus, & ex prima nobilitate Gallica nō paucis, gloriosus victor ad accipiendas iniquas pacis conditiones hostem suum coëgerit: & si mihi fas est de me loqui, infitiri profectò non potest (si tantillū modò gratitudinis in eo superſit) quin conficiendæ pacis organum ei fuerim facilè præcipuum; qui cum Dominis Connestablio de Montmoranci & Marischallo Diui Andrea priuatim, remotisque testibus egerim, cum à me id rex contendisset, & asseueraret nullum me ei officiū nec maius nec gratius facere posse, quàm si pacē quolibuscunque conditionibus (propterea quòd in Hispaniā omnino cogitabat) sibi conficerem. Iam verò, tantum abest vt vel ipse, vel consilium eius, ex Hispanis & aliquot nostratibus constatū, quibus vos, libertas vestra, ac priuilegia semper inui-
sa at-

sa atque exosa fuerunt, tam memorabilis pecuniarij subsidij tamq; felicitis successus gratiam vllā vobis habuerint: vt contrā iudicarent, subsidium illud, crimen esse imminutæ maiestatis, cuiusque rei causa ad vnū omnes, sed nominatim demortuus Dominus de Lalain, supplicio affici merueritis. Cur ita tandem? quia de subsidio illo, in suffragia, nisi pleno conuentu ordinum generalium, ituros esse vos negauistis; quodque harpyiis illis, Barlemontio dico & eius similibus, vngues præcidere voluistis, cum pecuniam illam, pactis conditionibus, per quæstores vestros distribuendam decreuistis. En verò duo crimina capitalia; quorum prius est, postulatio conuentuum ordinum, qui quia valet ad refranandā coërcendamque tyrannidem, videlicet crimen est, non minus exosum tyrānis plebivoris, subditorūq; hostibus, quā conuētus ille ordinū nobilissimus, firmissimū Reipub. vinculum, certissimū principis præsidium, bonis regibus, veris populi pastoribus, & patriæ patribus, carus, honoratus, sacer sanctusq; habetur. Alterum crimē, tale est, vt nunquam remittatur; nam plebis isti decoctores & helluiones, qui se visceribus ac sanguine miseræ multitudinis pascunt, sic de furtis suis iam olim statuerunt, sic sibi persuadent, vt peculatum illum suum, redditū esse ducant, non minus quidem certum, firmumque, sed multò fructuosiore, quā quæ ex prædiis, fundis, ac villis suis percipiunt, dissimulataque vera mali causa quam principes suos celant, prætextus quærunt, palpandoque & mentiendo principū animos cōtra subditos inflammant. Vi-

C s di ego,

*Demortuus
Comes de La-
lain mortis ab
Hispano deuotus
cum omni-
bus ordinibus.*

di ego, ornatissimi viri, eorum gestus; audiui sermones, interfui etiam eorū sententiis, quibus vos capitis ad vnum omnes damnabant, cum nō pluris vos facerent, quā pecudes; si quidem trucidandi vestri potestatem habuissent, qualem in miseros Indos exercent, vbi plus quā vicies centenas myriades hominum crudelissimè necarunt; ac trigesies plus terrā deuastarunt, quā patent inferiores nostræ regiones; idque tam portentosa crudelitate, vt omnes omnium temporum crudelitates, ac tyrānides, de quibus aut audiuius aut legimus, lusus iocusque sint, præ illorum in Indos immanitate: quemadmodū editis ea de re libris, ipsorum met episcopi ac doctores, testatum reliquerunt: ac, ne locus vllus excusationis regi apud Deum hominesque superesset, dicata est ei historia à quodam suo subdito cui aliquid iustitiæ adhuc restabat. Iam inde ergo ab illis tēporibus, ornatissimi viri, ego reliqui; mei ordinis proceres, cum meliore & prudentiore parte nobilitatis, & plebis, decreuimus, vt Hispanus finibus nostris excederet, arbitrati tamen corrupti sanguinis aliquid in corpore nostro restaret, (quemadmodum eius superesse plus videmus quā sit opus, serpente ab infectissimis patribus, ministris ambitionis Hispanicæ & negociationis Cardinalitiæ ad filios contagione) fore tamen vt melior præcipuæ nobilitatis pars, Hispanæ tyrannidis inimicos se profiterentur: Sed partim incidētibus occupationibus, partim legatione nostra in Galliam, quò cum aliis quibusdam proceribus obsides sumus missi; partim procurando coniugio filiæ regis Galliæ, negotium

tium fuit interruptum, nec decretum nostrum executioni est mandatum. Iam verò, tantùm abest vt magnam partem eorum quę mihi obiecta sunt, infitias ire velim, vt etiam ea ad honorem meum existimem nō mediocriter pertinere; & plura vobis fortassis aperiam quàm norunt inimici mei: quantoque in me acrius inuehantur, atq; odium suum contra has regiones aperient, tantò gaudebo impensius, Deoq; gratias agam, quòd me voluerit eadem opera, & immanis ipsorum tyrannidis nervos incidere, & puriorem religionem promouere.

Dicunt me, *statim vt rex pedem regionibus his extulisset, si quem ere alieno grauatum, Legibus ac publica tranquillitati inimicum, nouarum rerum studiosum, & maxime si quem religionis suspectum cognouissem, eius animum malis artibus ac technis delinire ac cōciliare mihi studuisse.* Quod ad eos attinet qui religionis gustum ac cognitionem habebāt, fateor me iis nunquam malè voluisse. Nam qui iam inde ab incubululis in ea essem educatus, quamque pater per purgatis ditionis suę Ecclesiis ad mortem vsque constanter esset professus; quis miretur doctrinā hanc sic animo meo fuisse impressam atque eas egisse radices, quę suo tempore suos ferret fructus? Nam tamen si quia multis annis in cubiculo Imperatoris essem educatus, & ex quo per ætatem arma ferre poteram, magnis statim rebus atq; adedò ducendis exercitibus essem implicatus; etsi inquā ob has causas, & quia in religione parum alioqui feliciter educabamur, arma potius, venatum & id genus exercitia nobilis iuuentū, animo agitabam, quàm

Animus principis erga religionis professores.

quàm quod ad animæ salutē pertineret: magna tamen Deo gratia debetur, qui sanctum illud semen quod pro benignitate sua in me seuerat, suffocari atque immori passus non sit: Addo etiam, nunquā placuisse mihi, nimis, prò dolor, vsitatam illā crudelitatem suppliciorum, qua igne, ferro, aqua vulgò sequitum est in religionis professores, quemadmodum eos infamis huius proscriptionis auctor ipse nominat: qui cū in hac sua proscriptione veritatis passim sit parcissimus, hac tamē in parte, bene & verē dixit, cū iis quos condemnat, religionis nomen tribuit; quemadmodū reuera ij soli appellationem hanc per excellentiam merentur, quam vocem veritas, cuius vis multò est maxima, vel ab inuito expressit. Sed quo tempore eram in Galliis, & rex Héricus ipse mihi suis verbis exponeret, Ducem Albanum consilia agitare, de extirpandis è Gallia, Belgia, & toto orbe Christiano quotquot religionis essent suspecti; idemque rex ille (arbitratus me cui pacis ineundę auctoritatem datam, & alias res maximi ponderis creditas videret, illarum itidem esse partium) intima regis Hispaniarum ac Ducis Albani consilia aperiret, atque ego (vt regis de me opinionem tuerer, quā imminutum iri videbam, si quid me cælatum rex sensisset) ita respondissem vt cū me secretorum participem rex putaret, fusè copioseque mecum differeret, ex quo totam rationem consiliorū inquisitionis Hispanæ facillè intelligerem: fateor me cū hæc audirem, eo dolore fuisse percitū, ea misericordia commotum erga tam infinitam multitudinem innocentissimorum hominū, quos morti de-

*Consilium regis
Hispaniarū &
Albani de ex-
terminandis
Euangelicis, cō-
municatum re-
gi Gallie, &
abs rege Prin-
cipi.*

ti deuotos videbam; & maximè erga hæc regiones, quibus tot nominibus erā deuinctus, in quā, inquisitionem ipsa Hispanica crudeliorem inu-
 here niterentur, imò casses tenderent quibus nobilitatem iuxta ac plebē implicarent, vt quos Hispani eorumque asseclæ aliis artibus circumuenire nequiuis-
 sent, his plagis irretitos caperēt, è quibus se expedire nullo modo potuissent; cū si vel obliquis oculis simulachrū aspexisses, sat causæ fuerit futurum, quamobrem viuus cremareris. Cū hæc inquam audirem, fateor me tum sedulò agere cœpisse, vt pestis illa Hispanica regionibus hisce eiiceretur; nec me adeò facti pœnitet, vt existimem me meosque collegas omnes, quotquot pulcherrimum hoc facinus mecum sunt aggressi, gloriam meruisse immortalem; cuique ad summum cumulum nihil addi potuisset, si quemadmodum eiiciendi eos rationem inueneramus, sic reditus illis spem omnem interclusissemus. Dicam amplius viri grauissimi, nec recuso, quin consiliū Hispanicum, atq; adeò totus orbis intelligat, si ordinis equestris collegæ mei, & concilium Status, consilia mecū iungere maluissent, quàm animas suas viles habere atque Hispano proicere, nō fortunis modò, sed corporibus nostris reditum Albano & Hispanis in Belgium interclusissemus: quin et hoc ex me cognoscant velim, bonam iam nunc Belgij partem, sic ab eorum sordibus perpurgatam esse, vt ne vestigium quidem vllum (præter ossa) supersit: nec cessaturū me Deo & vobis (vti planè confido) bene strenueque iuuantibus, donec sentinā hanc è reliquo Belgio semel exhaustā videro, donec

Conatus nobilitatis depellendis i Belgio Hispanis.

nec inquam vltra Pyrenęos, vnà cum factione sua repulsi, ad suos bellum, turbas, clademque transferant; nobis otium, pacem, libertatem corporum & conscientiarum relinquunt. Falluntur igitur, qui me arbitrantur, negotium hoc tum demum suscepisse postquam regiones hasce reliquerunt: nã tum maximè id agebam cum in Gallia cum rege venarer, & Hispani adhuc in Belgio essent; nec instare desij vt mihi liceret fide mea in Belgium reuerti, donec intercessu pię memorię Dominię, Dominię de Sabaudia, abs rege id impetrassem, ea lege vt sacris Francisci secundi Remos reuerterer: cumq; huc venissem, sollicitavi animos non decoctorum & obælatorum, sed bonorum virorum & qui principem locum in hac Repub. tenerent, eo fine, vt pro ordinibus postularent, cogi Hispanum regionibus hisce decedere: quod & accidit, & recordari possunt inimici mei, qui fuerint boni illi atque honorati viri, qui euangelium illud ipsis nuntiarent, cuius meminisse non possunt, vt non simul calumnias suas agnoscant.

Libelli supplicis à nobilitate oblatus.

Sed quod me dicunt caput atque auctore fuisse offerendi supplicis illius libelli; dicam quod res est: Cum viderem malum eò excreuisse, vt nō iam ignibus tantum sæuiretur in miseros homines, qui se vstulari patiebantur, sed murmur etiam & offensionem audire pleręque nobilitatis & è plebe primorum; veritus periculosum aliquē euentū (nam & Galliam iisdem ex causis ardentem bellis ciuilibus modò videram) & cauere cupiēs ne hoc nostrū Belgiū in similem morbum incideret, cuius symptomata vt sunt periculosissima, sic curatu ple-

tu plerunque difficiliora sunt quàm morbus ipse
(vt prò dolor nimis iã in nostra causa experimur)
Cum hæc inquam viderem, non potui quin pro
fide sacramenti quo me Belgio obligaram, peteré
ab equestris ordinis collegis meis & præcipuis se-
cretioris cōcilij senatoribus, vt Hoochstratá con-
uenire vellét, eo consilio, vt ipsis aperirem eò dis-
criminis deductam Rempub. vt belli ciuilis dis-
crimen immineret: cui rei vnicum esset remediũ,
si nos qui pro ratione honorum ac dignitatũ sum-
mam de Repub. constituendi auctoritatem ha-
bebamus, negotium capefferemus, ei que medici-
nam eam faceremus, quam è Repub. maximè fo-
re arbitraremur; summaque cura caueremus ne
mancia Cardinalitia, quæ præter sanguinẽ, exi-
lia, proscriptiones bonorum, breuiter vulnera, ac
cædes nihil spirarent, manum negotio ad moue-
rent, sine quo declinari interitus Reipub. nõ pos-
set; sin autem, non de fore iis quos iam diuturnæ
istius vstulationis pigeret, ducem, qui prohibere
eam niteretur. Et quanquam vt eos in sententiam
nostram traheré, multa sanè in medium afferre,
adiiceremq; ad eam amicitiam quæ nobis inter-
cederet inter nos, sententiam leuiri mei Comit-
is Schwartzenburgij, & Domini Georgij van Hol;
quorum apud nobilitatem nostram, summa tum
erat auctoritas, ob memorabilia illorum in Rem-
pub. merita: nihil tamẽ impetrare potui; nec aliud
conuentu illo est actum, quàm quòd testatum or-
bi terrarum fecerim, me cum multo antè malum
hoc quo nunc conflictamur præuidissem, antici-
pandi eius auertendi que remedia quæ fuisse. Sed
ij quos

ij quos modò dixi persecutionem illam nō probasse, quiq; quoad illæ stetissent, crederent quietā esse Rempub. non posse (quod in tali negotio fieri solet) res novas moliri cœperunt; quas ego pro ratione officij mei detegendas mihi ducebam. Itaque cū animus mihi dictaret euasuram rem in aliquod magnum malum, nec leuioribus remediis, nec magis legitimis occurri posse; fateor mihi non displicuisse libellos illos supplices offerri: quod aded non dissimulo, vt ad existimationem meam cumprimis facere, & illustre putem testimonium fidei atq; officij mei tum erga regem, tū erga Rempub. Nā si sapientissimis illis regiis consiliariis ea mens fuisset, vt petitioni illi concessissent, tot profectò mala insequuta non essent, quibus prope absuit vt tota Respub. deflagraret. Sed si veram & proximam causam libelli illius supplicis, et eorum quę consequuta sunt, scire desiderāt, tribuant insatiabili suæ crudelitati, cui parum esse visus est edictorum ille rigor, nisi ad exemplum

Ducissa & Cardinalis auctores omnium in Belgia malorum.

stolidi Roboami, ex sententia inconsultissimæ feminæ, & Cardinalis cuiuspiam mancipij papalis, & horum similium, dicerent: Pater vos cecidit scutica, filius vos cedet scorpionibus. Itaque mox cœptum est modis omnibus promoueri negotiū, de recipiendis passim episcopis, qui paulo antè creati fuerant; hoc est admittendis totidem carnificibus, qui proculcatis omnibus priuilegiis comburent miseris Christianos. Et per quem? nimirum per feminam affectibus suis seruientem, & interim larua potestatis regię prodicionibus, periuriis, ac dolis Cardinalitiis armatam. En incudē

in

in qua fabricatū est quidquid mali postea est in-
 sequutum; videlicet quòd iustis libelli illius sup-
 plicis à nobilitate oblatis, petitionibus concedere
 (vti res postulabat) noluerunt: in quo me scio viri
 ornatiss. & Deum & vos testari possum, neque in
 existimationem meam neque in iusiurandū quic-
 quam admisisse, sed Ducissam & Curiam certio-
 ré feci & ingentia illa mala denuntiaui, quæ post
 sunt insequuta; vt meritò illis imputari omnia
 debeant. Nam tantū abest vt auscultare mihi vo-
 luerint, vt existimarint commodam se nactos oc-
 casionem, materiamque exequendi ea quæ multo
 antè animo agitarant; vt cum è medio sustulissent
 omnes quotquot religionis essent suspecti, reli-
 quos in miseram atque intolerandam redigerent
 seruitutem. Nec à me tantum, sed à plerisque aliis
 hæc illis sæpius sunt denūtiata, & publicè & pri-
 uatim, à viris bonis, & honestis, patriæ huius, &
 regis (plus quàm ipse merebatur) studiosis; & qui-
 dem loco & tempore impendēs periculum signi-
 ficabant; meminissetque orabant quod esset regis
 officiū, quæ iurisiurandi vis ac religio; quibus con-
 ditionibus & ipse & ante eum maiores sui in Do-
 minos harum regionum essent asciti. Quin & ip-
 se Comes Egmondanus, in Hispaniā est legatus,
 qui regi ista corā exponeret: sed his omnibus non
 modò nihil est profectum, vt idem iste Comes,
 regis promissis deceptus, (quæ res ei magno
 postea stetit) literas retulerit, ex diametro contra-
 rias, iis quæ rex verbis ei mandarat: vt confiteri sic
 coactus, me ante profectionem suam, quid futurū
 esset præuidisse. Et nobis oculos (si Deo placet) etiā

D

per-

13.

perstringēt isti Machiauellistæ speciosis istis verborum laruis, fidelitatis, integritatis, & ingenitæ clementiæ, qui nos iureiurando vt pueros talis ludificari & id genus heroibus verba dare non dubitant. Audistis ergo auctores, promotores & architectos turbarum quæ ex primis illis supplicibus libellis sunt ortæ: audistis etiâ cuiusmodi consilia ipse dederim.

De Comite Ludouico Nassauio.

Conuentus publici euangelicorum.

Quod dicunt de Comite Ludouico piæ memoriæ fratre meo; rectius fecerint si fortissimi illius viri cineres non mouerint, quandoquidē nimio fuit vir melior, & Christianæ pietatis studiosior quàm vel somniare illi possunt: nec plus sanè miror quòd eum appellant hæreticū, quàm Christus fecit, cū ab horum simillimis Samaritanus nominaretur. Quod ad conciones publicas, quas illi suo nomine hereticas appellāt, satis cōstat à quo & quomodo introductæ fuerint: Illud certū est, eam tum meam non fuisse auctoritatē, vt sententiam rogarer, sed nec suasi vnquam; tamē cū in eum locum res esset deducta, fateor Ducissæ Parmensi me consuluisse vt quod libello supplice rogaretur, concederet: in quo si malè cōsului, saltē quæ exinde sequuta sunt satis declarāt, quàm bene rem Domini sui procurarunt, qui meum consilium repudiarunt: simulque abundē parefecit Deus, quòd quanquam ad tempus affligi suos patiatur, nunquam tamen huiuscemodi periuria, qualia sunt Regis & Ducissæ Parmensis, impunita relinquat; vt intelligant omnes, non frustra dictū esse, Non insontem eum habitum iri, qui sumpserit nomen eius in vanum.

Quod

Quod ad Iconomachos & reliquā illā ἀταξίαν, *Iconomachia*
credo viri ornatiss. neminē vestrū esse, qui nesciat
huiuscemodi agendi rationes adeò mihi nunquā
placuisse, vt hoc nomine ab iis ipsis quos à me
stare conueniebat, immeritissimè sim laceratus;
quia nunquam sim passus huiuscemodi res fieri
absque magistratus auctoritate.

Sed nec meliore causa iactant *me vigilantia &*
providentia Ducissæ Parmensis coactum fuisse solum Bel-
gicum vertere. Dicerent fortassis aliquid si eiusdem
dolos ac periuria allegarent: si cōmemorarent flu-
ctuantēs animos & nimiam credulitatem eorum
qui carnificem expectarunt, & nimis vehemen-
tem illum mei & aliorum quorundam procerū in
regē atmorem, qui Marchioni Bergensi & Monti-
gneo, auctores eramus in Hispaniā proficiscendi:
arbitrati regeth vel ipsorū meritis, vel generis no-
bilitati id daturum, vt ex ipsorum ore, ea quæ ad
patriæ salutem pertinerent, disceret potius quàm
ex Hispanis: quos quia sic exceptos vidimus, vt
omnes norunt; nemo mihi opinor succensere
quòd aliquāto attentius capiti meo cauerim. Hæc
inquam si dicerent, partem veri dicerent. Sed
paret ex regis literis, sua manu ad me scriptis, &
in calce huius librī positis, me cōstituisse anno an-
tè, abdicata præfectura, Belgium relinquere; quæ
res vanitatis eos conuincit. Et qui scire volet, qua
gratia, anno post, iter illud in Germaniam à me sit
susceptum, eius rei causam apologia mea satis a-
perit, in lucem edita anno 1567. Quarum cau-
sarum caput erat; quòd nollem inquisitionē Hi-
spanicam intra prouincias præfecturæ meæ reci-

*De decessu
Principis in
Germaniam*

pere; quamobrem & traditis Ducissæ Parmensi
 prouinciis, discessi hoc animo, vt in otio & quiete
 cum propinquis & amicis viuerem, quoad Deo
 placuisset, meliora regi dictare consilia; aut si ob-
 duruisset, donec ipse Deus viâ libertatis Reipub.
 huic aperiret, quam in abyssum quandam mise-
 riarum demersam videbam. Nam quis à lachry-
 mis sibi temperet, qui recordetur exilia, bonorum
 rapinas, captiuitates, tormenta, cruciatus, tot hor-
 rendorum suppliciorum genera, quibus sangui-
 narij isti tyrâni Busyrade, Phalaride, Nerone, Ca-
 ligula, Domitiano crudeliores, miseros patriæ hu-
 ius indigenas affecerunt? & tamen cùm nullâ ra-
 tionem viderem eripiendi eos ex his miseriis, quie-
 tem tenui, & quidem quoddam dicunt nouissimo tra-
 ctatu Colonienfi, conditiones mihi oblatas fuisse,
 si vellem in patriam meâ decedere, hoc ipsum
 argumento est, debuisse eos voluntario meo exilio
 contentos, persequendi nostri finem fecisse; præfer-
 tim cùm ei significassem per virum quendam ma-
 gni nominis etiamnum superstitem, si aut famam
 aut facultates meas tetigisset, effecturum vt rebus
 meis quaqua ratione consulerem. Sed postquam
 me verborum lenociniis ducere nequeunt, & rex
 epistola illa sua nimium honesta, quamque ab a-
 nimo ficto profectam certò sciebam, capere me
 non potest, tanquam æstro quodam perciti, pri-
 mum filium meum ætate puerum, qui tum fortè
 Louanij literis operam dabat, inuadunt, & contra
 Academia illius priuilegia, per vim inde rapiunt;
 quin Academia contrà nitente, & priuilegiis suis
 se defensante, respondit Vergas ille, vt erat barba-
 rus

*Princeps à rege
 Hispaniarum
 omnibus modis
 adactus arma
 capere.*

*Comes Burenfis
 à scholis raptus,
 & in Hispania
 deportatus con-
 tra iusiurandum
 datum festo in-
 troitu, & con-
 tra priuilegia
 Brabantia.*

rus, barbarè, *Non curamus vestros priuilegios.* Itaq; deportant eum è Brabantia cōtra priuilegia illius prouinciæ, contra regis iusiurandum, & à parentis complexu in Hispaniam relegant, vbi eum hactenus detinēt in carcere duro & crudeli; vt si mihi hanc vnam modò iniuriam fecissent, indignus futurus sim non tantum genere meo, & Principis titulo, verum etiam patris appellatione, nisi quantum consilio & opibus possum, miserum ex tā dura seruitute eripiam & tam insignem iniuriam vlcisci studeam. Neq; enim adeo sum inhumanus, vt storgas illas naturales non sentiam; nec ita sapiens, vt tamdiu absentis filij desiderio non sæpè commouear. Neque hic sistit iniuria, sed contra *Iudicia iniquè habita contra vitam ac facultates principis.* omnem rationem iuris, in vincula coniiciunt collegas meos, equites aurei velleris; persequuntur citationibus, bonorum proscriptionibus, & eò me quasi vi adigunt, vt necesse habeam, ea facere quæ ne in mentem quidem aliquando venerant. Præterea meam & sociorum causam contra articulos amplissimi nostri ordinis, contra iusiurandum regium, sententiis nebulonum (nescio quorū) subiiciunt, qui vix collegarū mancipia aut nostra esse merebantur. Adhæc, deformant dignitatem nostram exauctoratione iudiciali; bona in ærarium referunt, capitis damnant: quod quid est aliud, quàm me sacramento omni soluere? ac summam potestatem facere, quacunque tandē ratione oppugnandi inimici, & expediendæ salutis mee? Ergo dum quæro otium, illi turbas excitant; dū quæro pacē, ad bellū me protrudunt. At quod bellū? bellum pro libertate filij, pro capitis mei incolu-

D 3

mitate,

mitate, pro fortunarum recuperatione, & (quo viro bono nihil potest esse carius) pro fama atq; ex-
 istimatione mea susceptum. Nihil hic de Repub,
 dico, de qua consulto ab accusatoribus mentio fa-
 cta non est, propterea quòd ipsorum causæ mini-
 mè seruiat. Sed si (vt ipsemet dicit) subditus regis
 natus non sum, si sacramento solutus, & iniquis-
 simo illo iudicio & sententia sum exauctoratus, si
 optimo meo iure & filium & bona bello possum
 repetere; si his inquam subnixus causis, non infe-
 rioribus modò hisce regionibus, sed in vniuersum
 omnibus suis prouinciis eum exuissim, atque eas
 adeò in rem meam vertere studuissim, cum præ-
 ter ius æquumque, contra suum iusiurandum me
 coëgerit bellum suscipere necessarium, id quæ tum
 cum id modis omnibus vitarem, et quidẽ eo tem-
 pore maximè quo literis ad me sua manu scriptis,
 fidelitatis erga se meæ huiusmodi dabat testimo-
 nium, quo ne optari quidem possët locupletius;
 quis est qui hoc factum meum iure reprehendat,
 nisi fortè quòd serius arma cœpi, tardiusq; ea mi-
 hi vendicaui, quæ & belli ius simul & naturæ lar-
 giebantur; mihi inquam, qui sum Dominus liber
 natus, cuiq; is honor contigit, vt absoluti Princi-
 pis titulum geram, etiamsi Principatus meus mi-
 nus latè pateat? Sed quoniam præcipua basis ac-
 cusationis, est quòd arma ceperim aduersus meum
 superiorem; volo & ipse in hanc arenam descen-
 dere, vt appareat quàm non meliore causa hîc ni-
 rantur quàm alibi. Primùm ergo illud mihi re-
 spondeant velim, quo iure quòve titulo Rex Phi-
 lippus, hæres nothi Henrici de Castillia, possideat
 regna

*Vide & super
 his exemplum
 epistola regie
 ad calcem hu-
 ius apologie
 adiecta.*

*Defensio ar-
 gumentorum Prin-
 cipis contra
 Hispanum.*

regna Castiliæ & Legionis: nam illud quidē omnes norunt, Henricū à quo genus ipse trahit, nothum fuisse, qui legitimo hæredi rebellabat, suo & fratri & domino, quē sua manu ipse interemit.

Quid iuris igitur habuit nothus hic regis proauus? Respondent Domnum Pedrum fuisse tyrannum, & quidem crudelis ab ipsis vulgò appellatur. Atqui si hoc iure Philippus Castilliam possidet; cur non eadem in trutina se poni posse vider, in qua ponit alium? Quod si nemo existit tyrannus Philippo crudelior, qui plura violarit, qui superbius & contempnius leges ac priuilegia omnia proculcarit, qui maiori impudētia iuratam fidem fregerit, an non habebitur indignior corona Castilliana, quàm Domnus Pedrus? Qui certē incastuosus fuisse aut parricida aut percussor vxoris suæ non perhibetur. Quod si quis dicat, nihil ista ad me pertinere; non recuso quin cominus congregiar, tametsi non statui in eo fundamentū meę causæ struere quod iam sum dicturus. Sed quamuis arma contra eum caperem, & absolutus mens esset superior, & natus essem ei subditus (quod ita non esse ipsemet confitetur;) quid facerein quod proauus eius nō fecerit, contra Imperatorē Adolphum Nassauium, suum superiorem. Omnes quibus res Germaniæ paulū modò sunt notæ, sciunt Albertum Ducem Austriæ, primum eius nominis, & generis (prius enim audiebat Comes de Habsbourg) arma cepisse contra Adolphum Imperatorem ex meis maioribus vnum. Et quanquā Imperator ille in prælio occubuit, scio tamē quæ sint probatorum scriptorū hac de re iudicia, quid-

D 4

quid

Albertus Austriae dux arma capit contra Adolphum Nassauium Imperatorem.

Bonifacius
VIII. Papa.

quid tandem Gerardus Archiepiscopus Magon-
tinus coniurationis illius caput inuoluat ac dissi-
mulet. Et quidem qui uolet attentius historiã re-
cognoscere, deprehendet Imperatori aduersariũ
hunc fuisse concitatum à Bonifacio, in quem di-
ctum illud est, *Intrauit ut vulpes, regnauit ut leo,
moritur ut canis*. Qui nimirum ideò Albertum al-
legauit, quòd Imperator Pontificem pro eo noller
agnoscere quem se esse dicebat, cùm alioqui Im-
peratori Albertus esset iratior, quòd Adolphus in
electione Imperij sibi esset prælatus, cùm se eo in
bello aliquot episcopi nimium Papæ deuoti, ad-
iunxissent. Et quis in animum induxisset tã sce-
larum hominem adorare qui secularibus suis ve-
niis (quas Iubileas appellant) duos enses præferen-
dos sibi curauit; quorum qui ferret alterum, cla-
mabat, O Christe, en vicarium tuum in terris: qui
alterum, clamabat, O Petre en tuũ successorem?
Cumque tam indignis modis Imperatorem exce-
pisset, & Albertum sibi deuotum haberet, cogita-
bat eadẽ de causa regem Galliæ Philippum Bel-
lum simili malo mulctare, condonato eius regno
eidem illi Alberto, quem promulgari fecit regem
Romanorum & Francorum: sed offendit clerum
Galliæ, minus sibi addictum, minusque potentem
quàm putarat; totamque Galliam excitatam do-
ctis disputationibus magistri Petri Coignerij, &
regem interritum, qui Anagninæ comprehenden-
dam curabat eius fatuitatem (sic enim in epistola
rex eum appellabat) per Procerem quendam & pri-
mogenitum inclytæ familiæ Colonnæ, & per ge-
nerosum quendam Occitanum nomine Nogare-
tum,

Rex Philippus
Bellus orditur
epistolam hoc
modo, Sicut fa-
uitas uestra.

tum, qui cum Romā abductum (vt meruerat) necari curarunt. Sed his me (vt dixi) non defendam: quin potius ad obligationes veniam, quæ mihi cū eo intercedūt. An nescit, quòd si ipse dux est Brabantia, me ratione Baronatuum meorum, in præcipuis esse membris Brabantia? An ignorat quatenus vel mihi vel sociis meis ac principibus ciuitatibus sit obstrictus? quibus conditionibus ducatum illum acceperit? non meminit amplius iurisiurandi? aut si meminit, non pluris facit promissa sua, quibus se Deo, populo ac cōditionibus diademati ducali annexis, obligauit? Nihil opus foret viri grauis. promissa hīc ea repetere, quæ nobis ille promisit, antequam in verba eius iremus; notis enim quæ plerique omnes. Sed quoniam ad aliorum quoque manus hæc nostra vêtura est defensio, volui & vobis summam sacramenti ipsius in memoriā reuocare. Scitis cui rei sit deuinctus, & nō esse arbitrij sui (vt apud Indos) facere quodcunque libuerit. Neque enim potest vel priuatum aliquem vi ad vllam rem cogere, nisi consuetudines fori domestici hoc permittant. Non potest, edicto aut decreto, vllō modo statum Reipub. innouare: Tenetur ordinariis suis vectigalibus cōtētus esse: Nulla tributa exigere, aut colligere potest, nisi cum bona venia & diserto consensu prouinciarum & ex præscripto priuilegiorum: Non potest militem inducere, sine consensu regionis: Non potest pecuniæ pretiū immutare absq; consensu ordinum: Neminē potest in carcerem coniciere subditorum, nisi prius quæsitū fuerit à magistratu eius loci: Captiuum non potest ex prouin-

Defensio armorum ab ordinibus sumptorum contra Ducem Brabantia, Comitē Flanaria.

Summa capitū priuilegiorum Brabantia.

ciis abducere. Quasi vos ornatissimi viri, cum hanc modò summam auditis, non videtis nisi Barones ac nobiles regionis (quibus ex officio armorum incumbit tractatio) obuiam ierint; nō dico cum hæc modò recitata capita violātur, sed cū per summam tyrannidem ac superbiam pedibus proculcantur, cum non vnum caput, sed omnia; nō semel sed millies; nec à Duce tantū, sed à Barbaris infringuntur & rescinduntur: si inquā nobilitas pro religione sacramenti & officij non cogant Ducem iusta regioni facere; nōne ipsi periurij, perfidiæ, ac rebellionis in patriam, veniunt condemnandi? De me autem seorsum vt loquar, alia etiam mihi causa est, & quæ me propiùs attingit; nam contra omnia supradicta priuilegia & bonis meis omnibus exutus sum, contra omnem vsum, & consuetudinē iuris: & quod filio meo accidit, id verò perfidiæ inimici, & violatorum priuilegiorum adeò euidentis testimonium est, vt nemo meritò dubitare possit quamobrem arma capienda mihi putarim.

Prima expeditio Principis.

Quod si prima mea expeditione, certū in Belgio pedē figere nequii, (quemadmodum nobis exprobrant) quid tandem est noui, & quod non maximis Imperatoribus vsu venerit? quòd non ei ipsi, qui toties magnis exercitibus in Hollandiam & Zelandiam erupit; & tamē quàm parua vel potius nulla manu eiectus fuerit, vidistis. Et quidem magnus ille belli Dux Albanus, & qui ei successit, vsq; eò, vt in iis prouinciis nihil suum habeāt, in quo vel pedē figant; quemadmodum nec in reliquo Belgio fretus vestra ope atque auxilio breui ha-

ui habituros quicquam confido. In summa, ex iuramento vult nos sibi non amplius esse obligatos, si contra priuilegia fecerit; ne quod sibi seruitium aut obsequium deinceps præstemus, vt patet ex postremo capite. Si igitur obligatione solutus sum, si nec officium nec obedientiam deinceps præstare teneor; quæ tandem ista temeritas est, dicere me arma aduersus Dominum meum cepisse? Equidem inter omnes Principes & Vassallos intercedit mutua quædam obligatio: semperq; illud consularis viri dictum in consulem non optimū laudabitur, Non habes me pro consulare, ne ego quidem te pro consule. Sed tamē, inter subditos permultū interest; quippe alij nimio liberi⁹ quàm alij habentur: cuiusmodi nostra est libertas in Brabantia; quæ tanta est, vt etiā subditis nostris si quid ab iis capitaliter peccatū sit supplicium remittere possimus; vt excepta fide cliētelari, qua tenemur, nihil ad summā libertatē addi possit. Atq. inter alia id habemus priuilegij, vt hoc simus nostris ducibus, quod apud Spartanos Ephori suis regibus; hoc est vt statum bono Principi incolumē conseruemus, eundēq. in ordinē cogamus si iusiurandū violarit. Respondebūt aliam quoq; conditionem esse adiunctam; nimirum tantisper nos sacramēto solui, quoad ille errorem correxerit, damnumq; præstiterit. Quid si nunquam præstet? Si cū Maximilianus Cæsar & Imperij Principes pro nobis apud eum intercedunt, nullum aliud responsum ferūt, quàm vt suis se interponant, regem scire quo modo subditos suos regere debeat: si cū infinitis admonitionibus, amplissimis legationibus nobilissimorum

simorum Belgij procerū, iusta nobis fieri demisse petimus, preces nostras superbissimè reiicit, legatos interimit, & quotquot nancisci potest tortoribus tradit, reliquos igne ferroq; persequitur. Si novos subindè adducit exercitus, quibus nos radicatus extirpet: num misericordiam eius tantisper expectandam nobis putemus, donec crudelitas Hispana omnem dilationis spem nobis resciderit? Sed præstare damnum cogitat; & rationes quibus satisfaceret transmisit per Dominū de Selles; Albani acta improbavit. De his omnibus singillatim suo loco videbimus. Mihi satis est in præsens ostendisse, optimo iure me arma contra eum sumpsisse: primū cum ordinibus Hollandiæ & Zelandiæ, deinde vobiscum viri Belgæ; quia per iurus fuerit in totam regionem, & in mea causa, quando contra statuta equestris ordinis per tales me damnauit; contra priuilegia Brabantiæ quod filium meum è Belgio abreptum in Hispaniam deportauit; quod me dignitatibus meis & bonis spoliavit; quod me iureiurando liberauit: quod iam tam crudeliter ac barbarè me proscripsit; in quo ut ad summum cumulum tyrannidis nihil addi potest, sic animum nimis quàm humilem & abiectum prodit.

Sed quoniam ad insequuta venit tempora ornatissimi viri, ne nos quidem ea refugiemus, eoq; libentius quod nihil feci eorum quorum me deinceps accusant, nisi de sententia, venia, consensu, primū ordinum Hollandiæ, deinde vestrū vniuersorum; ut etiam si quis sit error, mihi nō sit imputandus: quin potius laudandus qui vobis tā
benè

bene ac fideliter sim obsequutus. Veniã igitur ad alia capita accusationum, sed ea conditione, vt quę ille malitiosè præterit, quo crudelem ac peruersum animum suum cælet, & quem tamen interim famosis libellis diuulgat; in memoriam reuocem atque in lucem proferam vt suprà feci.

Animaduertissè mihi videor viri grauis. reliquam accusationem vel potius maledicentiam, in duas partes esse distributam. Quarum vna, quę cū Albani aduentu coniuncta sunt attingit, quęquę deinde consequuta sunt, & maximè ea quę post aduentum meum, in Hollandia & Zelandia ductu meo ab illarum prouinciarum ordinibus sunt gesta: Altera, ea complectitur, quę contigerunt ex quo vobis Deus oculos aperuit, dum non ferenda insolentia Hispanorum commoti, exhauriendam vobis semel hanc sentinam, & Hispanis totiq; eorum factioni igne & aqua interdicendum existimastis. Sequar igitur hunc ordinem. Et primùm, magnam Deo habeo gratiam quòd ex silètio inimici mei cognoscitis Domini, & (vt spero) innocentescet vniuerso orbi, me ne in suspensionem quidē vocari, quòd in rem meam vel teruncium de pecunia publica conuerterim. Nam si reliquis in rebus (vt iam vidistis) non dubitant falsa mihi crimina impingere, & calumniis nimis quàm euidētib; onerare, quandoquidem ne minimam quidem suspensionem auaritię nobis obiiciunt, nimirum non modò apertè ostendunt me hoc crimine vacare, verumetiam quamlibet sint impudentes & capitaliter me oderint, nunquam tamen hanc dicam mihi dicere sunt ausi, quę tamen ferè im-

*Princeps nō ab
hoste quidem
in peculatus
suspicionem
vocatur.*

impingitur præfectis prouinciarum quo iure quaque iniuria. Sed Deo gratia, iam olim didici eos qui ad gubernacula Reipublicæ admouerentur, non tantum auaritiæ culpa, verum etiam suspitione omni, si fieri potest, vacare oportere: quæ me res impulit ut iam inde ab adolescentia ærarij regij præfecturam quam plerique auidè arripuissent abdicandam mihi putarem. Et quanquam mihi necesse non erat, de his apud vos verba facere ornatiss. viri, qui iuxta mecum scitis, nullum me nec meos unquam reruntium publicæ pecuniæ attrectasse: sed & quam parum receperim eius quod mihi vel honorum quos gero nomine, vel propter extraordinarios belli sumptus itrogandum decreuistis, & quemadmodum me ex eo quod de meis facultatibus mihi supererat, aluerim, & plerosque, alios non mediocres sumptus tolerarim, ex quo seruire vobis cœpi, quod equidem non voluntati erga me vestræ, sed temporum necessitati tribuo. Sed quoniam tacita inimicorum meorum confessio hanc mihi dat prærogatiuam, silentio eam prætereundam nequiquam putavi; ut intelligant virulentæ quædam linguæ, quæ inter nos versantur, erubescendum sibi esse, quod de me siue per malitiam repugnante conscientia, siue stultitia quadam ex vecordia, ea in vulgus spargere sunt ausi, quæ ne hostes quidem in me & patriam coniurati, sustinuerunt obiectare; quod sciret eam esse hac in parte nostram integritatem, ut si eam calumnia impetissent, mendacij sui turpitudinem veritatis lux mox fuerit proditura.

Quandoquidem igitur tam pulchrum mihi campum aperiunt narrandi non quæ ipse ego fecerim, sed

sed quæ ordines Hollandiæ & Zelandiæ ope ac ministerio meo gesserint: non recuso quin apud vos atque aded mortales omnes ratione cum illis ineam. Sed quando supremi estis iudices, eorum quæ in his regionibus sunt gesta, ratio postulat vt consideretis ea quæ ab illis iniuste facta sunt in reliquis prouinciis; interea dum mecum Hollandiæ & Zelandiæ populi, conatus Hispanici cursum, veluti obiectis repagulis, inhibuerunt.

Primum me dicunt, machinatum esse reditum in Hollandiam & Zelandiã. Quod vt ita sit, quid aliud quàm officiũ feci? Etsi iustissimis causis (vt *Causa qua impulerunt principem venire in Hollandiã.* supra ostendi) prima illa mea expeditione, in Belgium armatus veneram; quid causæ esset quo minus in præfecturam meam venirem, cui ex iureiurando plus debebam? & apud quos in prima sum nobilitate? Sed tantum abest, vt id rogauerim, vt contra paratus sim exhibere literas eorũ qui primas in ciuitatibus tenerent, quibus me accersunt, ad liberandam patriam aduersus Hispanicam tyrannidem, & nominatim Albani. Et quod ad stipulationem qua me ingressum promississe aiunt ordinibus illis, fore vt tuerer eos si decimas & vigesimas Albanus extorquere voluisset: id ita nõ est: sed venisse me secundò in Belgiam armatum ob hanc nominatim causam, vt eam à tyrannide eximerem, qua tum miserè premebatur, non tantum in causa decimarum, sed & sexcentis aliis generibus immanissimarum crudelitatum, & quidẽ ob cædes quas ediderat Albanus in miseros indigenas: id verò ita est. Iam verò quod me dicunt, clericum Romanum esse persecutum, bonis eiecisse, religio-

*Cause quam-
obrem quidam
Ecclesia Ro-
mana ex Hol-
landia discesse-
rint.*

*Constitutio v-
nius duntaxat
religionis in
Hollandia &
Zelandia &
causa eiusdem.*

religionem introduxisse, an mihi hîc alia defen-
sione opus est, quàm vestris ipsorum conscientis,
qui sciatis totam eam rerum immutationem Dei
fuisse opus potius quàm hominum? Scitis quoties
fuerim accusatus, quòd nimis frigidè me oppo-
nerem aduersariis, quòd nimis patienter eos ferrè,
& quòd Rempub. irem perditum dū nimis essem
lentus in exigēdis eis & exterminādis. Et si quan-
do tamen res ferret, vt eorum nōnulli tollendi fo-
rent; scitis quanta diligentia cauere studuerim vt
concorditer inter partes viueretur. Sed ordines,
qui primū è re prouinciæ suæ esse statuebant,
vtranque religionem retineri, si ex eo tēpore in-
solen tia, conatibus, proditiōibus hostium inter
nos versantium intellexerunt statum Reipub. suæ
in di scrimen extremum adductum iri, nisi inter-
dicerent exercitium religionis Romanæ, præser-
tim cūm religionis eius professores, saltem sacer-
dotes, Pōtifici (vt aliis in locis omnibus) iureiurā-
do essent obstricti, quod religiosius sibi ducerent,
quàm illud quod prouinciæ præstitissent; quibus
causis adducti ordines in conuentu Leydensi, nec
non in confæderatione Hollandiæ & Zelandiæ
vnanimiter articulum hunc decreuerunt; cuius
ignorantiam nec prætendere quidem inimici pos-
sunt, quandoquidem in conuentu Bredano, super
articulo religionis, cūm à partibus hostium pro-
poneretur mutationem illam euenisse quorundā
priuatorum opera, exhibitus est consensus om-
nium ciuitatum, earum sigillis consignatus: Quæ
mihi obsecro restat obligatio, cūm ij quibus pro-
missum feci, non tantūm illud mihi condonant,
verum-

verumetiam ipsi rescindunt, obliterant, atque abrogant? Et tamen, bene an secus fecerim, iudicium sapientibus relinquo. Illud scio, cum huiusmodi res proponerentur, eas non attingi maluisse, & multò etiam magis cum executioni mandarètur. Cuius rei Hollandiæ & Zelandiæ primates atque adeò morosa quædam inter nos ingenia, quæ me apud exterarum nationes traduxerunt, tam luculentum dare possunt testimonium, ut verendum mihi non sit ne non suppetat defensio aduersus huiusmodi calumniâ, quam cum falsam dixerò, ipsa per se concidet. In quo quàm sint ridiculi videtis, cum id accusant quod verbo satis sit negasse. Quanquam bellissimi illi colores, quibus se me depingere pictor ille gloriatur, maiori ex parte in hanc simplicis negationis spongiâ possint incumbere. Si tamen dicant, eos qui sedibus pulsi sunt, iustâ querimoniæ causam habere, propterea quod promissa ipsis seruata non sunt; etsi id ad me non pertinet; respondebo tamē pro Hollandiæ & Zelandiæ ordinibus, querimoniam hanc nullo fundamento niti, propterea quod iniquum sit huiusmodi homines eo frui priuilegio, cuius priuilegij opera regionem hosti in manus tradere, vitas ac bona subditorum prodigere, nō priuilegium vnū atque alterū, sed immunitates, libertates post hominum memoriam continua ætatum serie à patribus nostris conseruatas, semel omnes proderè voluerunt.

Addunt *procurasse me libertatem conscientiarum*. Si hoc ita accipiunt, quasi sceleribus iis fenestram aperuerim, quæ quotidie committuntur in

E

domo

domo Principis Parmensis, vbi Atheismus & alię virtutes Romanę in deliciis habentur; Respondeo huiusmodi libertatem non bene hęc quęti, quā nusquam vberius inuenias quā apud hęredes Petri Aloisij. Sed illud confiteri audeo, lucem illam flammarum quibus miseros Christianos exusserunt, non perinde mihi vt Albano atq; Hispanis placuisse; quin me sententiā dixisse de tollendis semel ẽ Repub. nostra persecutionibus. Confitebor etiam amplius, vt intelligant aduersarij cū simplici minimeq; fucato homine sibi rem esse; videlicet regem quo tempore ẽ Zelandia extremis Belgij finibus soluit, mandasse mihi necandos complures viros bonos, de religione suspectos, meque id facere noluisse, sed indicatiũ ad eos detulisse, cū scirem me id bona conscientia facere non posse, & Deo potius obediendum esse quā hominibus. Quare dicant Hispani quod volent: scio multos populos ac nationes quorum auctoritas non sit minor, quiq; compertum habet ferro & igni nihil profici, factum hoc meum probaturos. Et quando vos viri ornatiss. summo totius populi consensu, eam rē calculo vestro postea comprobauistis, sãuissimis illis edictis, & crudelissimis suppliciis inhibitis atque abrogatis, nihil est (opinor) quod Hispanicę factionis hac in parte offensionem morer. Nec mirari satis possum, stupendam illorum stultitiam, cū non puduit mihi obiectare ecclesiasticorum suorum cadẽ, qui non

Qui malę prestantũ sciant ingenium meũ ab huiusmodi violentia abhorre, verũ etiam & vobis & toti orbi constare, meo adẽdĩ influ atque edicto, ob presbyteros

Qui malę prestantũ sciant ingenium meũ ab huiusmodi violentia abhorre, verũ etiam & vobis & toti orbi constare, meo adẽdĩ influ atque edicto, ob presbyteros

byteros malè multatos, alios supplicio capitis affectos, alios illustres viros & summo loco natos à domesticis meis ministris in vincula coniectos, nec nisi post longinquam demum captiuitatem hanc vnam ob eausam solutos; quòd illustri illorum familiae vnde erant oriùdi honor hic tribueretur, vt diuturna eorum captiuitas, supplicij loco haberetur. Sed quod meo iussu atque imperio factum est, adeò toti passim orbi innotuit, vt dissimulare id aut obscurare non possint; tantùm (vt sunt edocti vera dicere) quod bene & cum virtute fecimus; id nos finxisse aiunt, nobis displicuisse. Sed quis ipsis significauit me finxisse? aut quis hæc mea secreta ipsis aperuit? quid fecerim vident; de consciëntia meâ iudicare nō possunt: nec est quisquam ita malitiosus, nisi fortè proscriptionis illius architectus; aut Hispanus quispiam, qui non potius iudicare debeat ex his quæ videat, quàm ex iis quæ suspicetur. In finitis conuiciis religionē nostram petunt; appellant nos hæreticos: sed tot annis quibus hoc probare nituntur nihil efficiunt, vt eius generis conuicia nihil à commotarum mulierum rixis distantia, responsionem non mereantur; & multò etiā minus quòd me negāt vlli sacerdoti aut monacho fidere, nisi qui vxorem duxerit, quòdque ad matrimonium eos compulerim. Et quis non videt eos cæco quodam furore actos & quasi æstro petcitos, quidquid in buccam venerit, aut in manus, temerè & nullo delectu inciderit, in meum caput eiaculari? Et quanquam vera hæc essent, vt profectò nec vera sunt nec rationi consentanea (docet enim nostra religio matri-

*Matrimonium
sacerdotum.*

monium rem esse liberam ; à quo vt nemo sit ar-
cendus, sic nec vt inuitus subeat cogendus :) tamē
ne conferendum quidem hoc sit peccatum , cum
illa conscientiarū tyrannide, quę bonę parti Chri-
stianismi matrimonio interdixit , cui se non tantū
Ecclesiæ Orientales , verū etiam Germanicæ &
Gallicæ opposuerunt.

*De decimis &
vicefimis.*

Sed nihil perinde in hac tam vera tamque be-
ne stabilita proscriptione laudem meretur , vt id,
*quod rex Albano non mandauerat vt decimas & vi-
cesimas exigeret ab inuito populo .* Quod si igitur
Albanus in negotio tanti ponderis, quod infinitis
hominum millibus exitium attulit , præter man-
data fecit, cur non in eum est animaduersum? Al-
banus quod Fredericum filium suū cuidam co-
gnatæ suæ matrimonio iunxerat, auctorq; repudi-
andæ eius quam coniugij prætextu deceperat, ex-
stitisset (quod ipsum Rigomes antè in gratiam re-
gis fecerat, vt suprà pluribus est ostensum) in car-
cerem coniicitur, gratia excidit; nec solutus adhuc
esset vinculis , si quis exstitisset in tota Hispania
tyrannus affligendis Lusitanis aptior. Ergo, ob tā
leuem culpam tam graui supplicio afficitur ? pro
peccato maximo, honoribus, præmiis, bonis deni-
que omnibus cumulatur . Et si quis obiiciat regi,
supplicia Comitum Egmondani & Hornei, idem
responsum ferat, & iniussu suo id quoque factum
rex dicat. Quid præclarius quàm hac ratione om-
ni se crimine expedire? Sed tamen expectatum o-
portuit , dum humani generis hostis ille ad infe-
ros commigrasset. Vtrum tamen velint eligāt; aut
rex mandauit, & tyrāni nomen effugere non po-
test;

test; aut non mandauit, & idem nomē in eū competit, quod de eo supplicium non sumpserit, qui priuatim auctoritate sua huiusmodi tyrannidē in liberum populum vsurpauit, ex quo teneri eum confectum est. Et quanquam Albanum pro hoste harum regionum semper habui, qui se & nostro, & omnium Christianorū sanguine, libenter macerasset, quippe ingenio præditus Mahometico; tamen aliter mihi notus est, & quidē familiariū, quā ut credam adeo fuisse stolidum ac arrogan-tem, ut ausus fuerit grassari tam periculosis exactiōibus, tam longo tempore easdem persequi, idque rationibus adeo extraordinariis & regioni planē non ferendis, nisi disertis mandatis non semel, sed sæpius sibi id fuisset iniunctum. Vestris relinquo iudiciis viri prudētis. si qui multare viginti quinque millibus florenorum Burgimagistrum Amstelrodamensem pro ipsius vnus parte ausus est, aut certē multatibus fauit, quod se Burgimagister decimis opposuisset: an is, inquā, qui hoc est ausus, non videatur certo fundamēto subnixus id fecisse, & idoneam cautionē ab rege suo habuisse? Nec alio nobis opus est, ad deprehēdendas fraudes, dissimulationes, artes, quibus nos tā diu lactauit rex ac delusit, & porro deludere in animo habet, si nos ipsius lingua vulnerari, aut belli minis territari patiamur. Et quoniam tantopere iactitat, ciuitates in Hollādia & Zelādia, vel deditione captas, vel vi expugnatas; videlicet duas aut tres toto quadriennio, & quidem maioribus copiis quā Turcam ipsum oppugnarit: Respon-
deo considerandum ipsi esse, cū tanto fuerit su-

*Quā parum
armis rex pro-
fecit in Hol-
landia & Ze-
landia.*

E 3

perior.

fior, quantò fuisse se gloriatur, quàm turpe sibi sit, tota prorsum regione exactum eiectumque esse. frustra que allegatur Hispanorū seditio: siquidem belli dux tantis præsertim instructus opibus, non obscure significat, quàm sit ineptus imperio, & eodem indignus, cum huiusmodi facultatibus adiutus sub imperio retinere militem nō valet: quin è cōtrario, cum se tam ineptè purget, fateatur velit nolit necesse est, me & ordines Hollandiæ & Zelandiæ paruis illis opibus & quatuor aut quinque hominum millibus, plus quàm sexaginta millia suorum militum fudisse. Ac dum hîc apud nos tempus, militem, pecuniam perdit; bi-
 mestri spatio in Africa regnum Tunetanū ac Golettam amittit, tanto cum dedecore atq; ignominia, quanta post hominum memoriā, nullus Princeps ditione sua est eiectus: quamlibet prætexantur Ioannis Austriaci iuvenilia & lustra scortaq; Cardinalitia. Nam dū hic copiis suis tam infelicitè utitur, Sinam Basscha regnū illud cū arce quæ inexpugnabilis vulgò credebatur, ei eripit, idque in oculis Hispaniæ & Siciliæ, nemine suorum caput exerere auso, non dico oppugnandi, sed nec diuertendi causa. Atqui ut existimationis suæ & Reipub. Christianæ ratione non haberet (quem admodum profectò nullā vnquam habuit, quod testari potest fucata eius societas quæ nimio Venetis stetit) saltem mouisset eum Caroli Cæsaris parentis sui memoria; reliquas res suas gestas præ nihilo habentis, præ hac sua victoriā; mouisset inquam ac generosissimo ardore animū eius accendisset ad ea sapienter retinēda, tuēdaq; quæ magno

Regnum Tunetanum & Goletta turpi-
 ter amissa.

quædam
 etiam
 etiam
 etiam

gno orbis Christiani commodo fortissimè pater bello parauerat. Sed perdendi nostri libidine sic ardebat, ut oculis pariter & mente captus, nec quantum hoc esset malum, nec cuiusmodi, videret; facilius passus imbecillitatem suam à suis argui, quàm vires cōtra publicum nominis Christiani hostem, fortiter experiri.

Atque hactenus responsum est ad ea, ornatiss, viri, quæ sibi videbantur aduersarij obiiciēda mihi habuisse; in his quæ fœdus vestrum vniuersale antecesserunt: quibus fortasse respondendum nō fuerat, nisi quòd non tantum hoc agitur, ut vobis satisfiat, verum etiam ut ora ipsis obstruantur, & impudentia eorum atque calumnia toti orbi innotescat. Nam si ad vos tantum mea pertineret oratio, & ad eos qui cū nostras ante partes sequerentur, incommodè sanè secessionem à nobis fecerunt, nihil verbis opus foret, cū vos & vobiscum illi iam antè abundè declaraueritis multo vos meliùs de me sensisse. Nam primum fœdus à vobis mecum & cum Hollandiæ & Zelandiæ ordinibus Gandavi iētum satis superque causam meam probat; quod nisi aliter de me sensissetis quàm qualem me infamis hæc proscriptio depingit, profectò nec voluissetis, nec debuissetis omnino pactum ullū mecum iniuisse. Deinde tot honestissimæ legationes, quas ad me misistis Ghertrudimontem, necnō Antuerpiam, tum ut in Brabantiam venirem, tum ut Bruxellis me vobis in consilio cōiungerem; & quòd me generalis vicariatus dignitate ornare voluistis: hæc, inquam, omnia satis superque testantur, quis fuerit ani-

morum vestrorum sensus, quod iudicium de falsis ac friuolis istis criminationibus: quod ego vnicum argumentum satis esse duco ad confutandas eorum calumnias.

Sed videamus quo modo se illi ante hæc tempora gesserint, qua superbia, qua insolentia, quo contemptu totius nostræ nationis. Non repetam periuria ac fraudes Ducissæ Parmensis, sed nec regis aduersus Comites Egmondanum & Horneum, nec quibus illecebris inescare nos tentarint: nihil denique eorum attingam, quæ ante Albani aduentum contigere; sed ea tantum quæ ex eo tempore vsque ad generalem vestram omnium confœderationem acciderunt; vt quemadmodum præteritorum malorum recordatio, vobis delectationem, mihi qui sum opitulatus gratiam, vt spero, est paritura: sic & confirmationes indies reddamini in sanctissimo hoc & laudatissimo proposito; quo decretum vobis est Hispanos & totam illam facere factionemq; pro parte vestra virili propulsare. Albanus igitur & qui sub eo, & post eum, clauum Reipub. tenuerunt, abundè nobis ostenderunt quæ mens, quod consilium Hispanorum semper fuerit, nimirum exterminandi nostri atq; in seruitutem redigendi. Nam vt Hannibal nouem modò annos natus, Deorum aris admotus, iurauit se perpetuum hostem Romanorum fore: ita & Albanus iam indè à pueris sic enutritus atque educatus est, vt regionem hanc nostram irreconciliabili odio persequeretur; quod eius odium tale fuit, vt tantum sanguinis absorptum satiare in-explebilem illum virem nequiuert. quem tam-

cxi

Albani superbia & ministeriorum eius intolerabilis.

etſi tanta copia in omnibus paſſim Belgij noſtri ciuitatibus effudit, vt quemadmodũ ipſe eſt gloriatus, plus quàm octodecim hominum millia carnificis manu contrucidandos iuſſerit, nunquã tamen crudelem animũ explere potuit. Vt ſi quis ſcire velit, quod ſit arcanum illud conſilium Hiſpaniæ, quæ regis voluntas, quamque ei cari & accepti ſimus, in rebus geſtis Albani tanquam in tabula ad viuũ depicta videre poſſit: nullum enim genus eſt diſſimulationis, proditiõis, perfidiæ, quo non ille ſtuduerit principes huius noſtri Belgij viros, in caſſes ſuos pertrahere, pollicitationibus, donis, nouis honorum titulis: ſed quos potuit bonos viros pellicere crudeliſſimè necauit, nulla habita ratione vel eorum innocentia, vel priuilegiorum patriæ: nec tamen quicquam factũ eſt niſi regis iuſſu. Eodem modo ſe geſſit erga bonos ciues & mercatores; antiquis noſtris priuilegiis & immunitatibus, & quidquid omnino ſplendoris patrij fuerat reliqui, eo faſtu atque arrogãtia proculcatis; vt indigni videremini qui hominibus eſſetis annumerandi. Et quod tandem habere poſſumus argumentũ aut certius, aut illuſtrius, quod in oculis hominum magis verſetur, quodque in

Prophana ac
ſuperba ſtatua
Albani in ca-
ſtro Antuer-
piano erecta.

theatro orbis Chriſtiani editiore, cum intolerabili contemptu omnium prouinciarum, ſit poſitum, quàm ſuperbam, ambitioſam, prophanã, paganã, ſtultã deniq; illam ſtatua in meditullio arcis Antuerpianæ erectam, qua nefarius ille tyrannus re præſentatur, inſultans ventri ordinum, procerum ac populorum Belgij; monumentum tyrannidis, teſtimonium ſuperbiæ eius! Quid dicam eius ſer-

E s uos,

uos, ac totam illam faciem Hispanicam, de nobis & sentientem, & loquentem, non tanquam de *Vellacos*, id est nebulonibus, sed tanquam de belluis. Scio vobis aures etiam nunc tinnire D. & ante oculos versari eorum incessum, habitum, gestum, verba plena audaciae, plena superbiae, plena contemptus, actiones denique eorum intolerandas; postremo qua insolentia, quamdiu in ciuitatibus vestris fuerunt, vobis imperitarint. Si ergo ex praescripto sapientium ei qui velit magnatis alicuius ingenium nosse, exploranda sunt ingenia familiarium eius et amicorum: qui dominum perspexisse vult, in seruis periculum est faciendum: videlicet ex Albani virtutibus, principem locum in ministris domini sui tenentis, consiliorumque eius administri, colligere vobis promptum est (viri Belgae) quo animo erga vos sit rex, qui hunc talem ad vos vexandos sum miserit: & quae vos mancant, nisi obuiam itis, ut officij vestri ratio, & vniuersa haec Respublica postulat: non dicam stuprationes, compilationes, exactiones a vulgo Hispanorum patratas; caput modo rei attingam. Nunquam ut conuentus ordinum liberè haberetur impetrare potuistis; sciebat enim inimicus conuentus illos vestros tollere, nihil aliud esse quam priuilegia vestra a stirpe recidere, libertatis vestrae fontem obstruere. Quorsum enim populo priuilegia pergamenis illita, & scriniis inclusa, si ab ordinibus nec obseruantur, nec executioni mandantur? Et quidem multo antè rex dispensationem a Pontifice impetrauerat, de iureiurando quo se promiserat seruaturum vobis vestra priuilegia: in quo non tantum fidem fregerat, verum etiam nimis credulam aurem perniciosis quorum-

Conuentus ordinum denegati.

Rex accipit dispensationem a Pontifice iuramenti praestiti fesso introitu.

dā consiliis præbebat, ostēdebatq; quāta sua esset prudentia. Nā si se solutū iureiurando vobis præstito credebat, non succurrebat vos vicissim iuramento ei præstito solutos esse? Itaque dum se absolutum sacramento erga vos vult, ne vos quidē obsequium ei præstare tenemini. Vt interim quæstionem hanc doctioribus disputandam relinqūa; sit'ne ea Papæ auctoritas, & nunquid in rebus humanis certum sanctūq; futurum sit, si iuramentatam religiosè cōcepta huiusmodi prætextu violari possint? Eodē tempore matrimonia extra Belgium interdicebantur: & quod antea inuisum erat atque inauditum, vetabantur literarū studiosi, bonarum artium causa, ad exterarum academias proficisci; præterquam Romam: qua re damnabantur reliquæ orbis nostri academix; quo quid fieri potest arrogantius? atque adeò (quæ erat eorum imprudentia) ipsæ scholæ Iesuitarum: & quod omnium est terribilissimum, viam ad barbariem sternerant. Nam quemadmodum frequentatio excellentium virorum in omni genere scientiæ, multa nobis hisce in regionibus peperit felicissima ingenia, quibus hæ provincix sunt nobilitatæ: sic nec edicto hoc aliud agebatur, quàm vt temporis successu, crassa rerum omnium inueheretur ignorantia. Vt taceam quòd hac ratione patriam subiecerint inauditis quibusdam legibus. Publicatum est etiam eisdem tēporibus Concilium Tridentinū; quod concilium, adeò Gallis etiam visum est iniquum, vt hætenus eodem illo in regno promulgari non potuerit.

Omnes orbis academix studiosi interditi: præter Romanam.

Publicatio concilij Tridentini.

Episcopi recens fabricati.

Aliquanto antè actum fuerat, atq; impetratū
de

de inuehendis nouis Episcopis; quæ res multo antè tempore fuerat ventilata, propter ea incommoda quæ prudentiores Reipub. studiosi, & tyrannidis huius inimici sequutura inde præuidebant; quemadmodum ipse literis meis regi significaueram: vt nihil interim dicam quos sermones hac de re habuerim apud Ducissam frequenti concilio & alibi. Quæ non aliò pertinebant, quàm ad stabi-
 liendam crudelissimam illam inquisitionem Hispanicā, cuius episcopi essent inquisitores, corporū carnifices, & conscientiarum tyranni. Scio eos infitari, voluisse se inquisitionem inuehere. Sed quid si virum fide dignū id temporis Franconatū Pensionarium adduco, bis ad equuleum raptum, vt tormentis ex eo quæreretur, qui fuissent senatores illi, Franconates, qui sententiam dixissent de recusanda inquisitione? nunquid falsum testē allegari dicere audebunt? & tamen is est cui obiici nihil possit; quanquam si res ita postulet, difficile mihi futurum non sit euidentibus argumentis ac testibus id probare. Sequuta sunt atrociora edicta, quibus etiam cauebatur ne quid de pristina seueritate remitteretur. Et certè bulla Papalis inaugurandis episcopis comparata, inter alia habebat, ius esse vnicuiq; Episcopo in sua Ecclesia Cathedrali conferendi nouem præbendas, & vnumquemq; canonicum in causa inquisitionis episcopo teneri adesse, sed nominatim vt ex ipsis duo re ipsa essent Inquisitores.

Edicta renouata.

Et quemadmodum bello subactis prouinciis tributum victoriæ argumentum à regibus imperari solet; sic & Albanus in signum propagati imperij

perij (sic enim vulgo dictitabat regiones hasce regi esse non hæreditarias, sed bello partas) vt inquā toti orbi significaret, qua cōditione Belgium hoc nostrum subiugasset, imponit ei mandato sui Domini decimas in perpetuum duraturas, idq; abfque consensu ordinum, ciuitatum, & prouinciarum. Iamque animo eius fixum certumq; sedit per vim ab inuitis decimas extorquere, cū intelligit generosa quādam pectora exurrexisse: ac iam in ipso temporis articulo (in quo operæpretiū est animaduertere singularem Dei prouidentiam) quo nuntium accipit de occupata Brila, constituerat ea nocte quæ diem illum proximè est consequuta, primos ac honestissimos ciues Bruxellanos morte multare, propterea quòd tributo illi per vim contra priuilegia imposito ac promulgato, obuiam ierant. Tortori cui nomen erat Carolo disertis verbis mandatum erat haberet in promptu septemdecim laqueos, & scalas decē aut duodecim pedum longitudinis: miles in armis habebatur; Fredericus Albani filius in domum Præfidis Viglij ad ratificandam sententiam damnatoriam venerat, cū adfertur latum illud ciuibus Bruxellanis nuntium. Inter eos qui morti fuerāt deuoti erat vicarius Ammanni, quòd eos qui imperiū recusassent supplicio afficere noluiſſet. Neq; enim pium putabat Albanus fidem quam vicario dedisset frangere, cū ei paulo antè Hispani-
cis verbis mortem esset comminatus *Por estas, si vos no lo hazeis, yo os hare a horcar*: hoc est per hanc tibi barbam iuro, (& barbam manu predebatur) si non facis, suspendendum te curabo. Ad quæ cū

Imperata decima inuitis ordinibus.

vica-

*Secunda Priv-
cipis expeditio.*

vicarius quæ visum esset pro tempore respondisset, *Los inuejes* inquit *son vellacos : basta que yo os lo mande* ? id est Magistratus vestri nebulones sunt : non tibi sat est quod fieri impero ? Et fateor me eodem illo tempore partim à bonis iterum sollicitatum , partim iurisiurandi atque officij mei erga Rempub. ratione adductum , secundā expeditionem suscepisse : de qua quid attinet dicere ? cum nemo vestrum nesciat quæ fuerint quæque adhuc sint expeditionis illius effecta. Quod si ergo considerare voletis, ornatiss. Domini, ea quæ ab Albano antè belli huius initia sunt gesta , quàm iustas tum mihi, tum Hollandiæ & Zelandiæ ordinibus capeffendorum armorum causas dederit ; quid ille ; quid Ludouicus magnus Commandator patrarint vsque ad eam diem qua rebellarunt Hispani, & quemadmodum me ex eo gesserim : non recusato quin iudicetis ac statuatis prout vobis visum fuerit. Quid tamen de me, quid de illis sentiretis abundè profectò declarastis vel fœdere Gandauensi, vel exacto eiectoque Austriaco ; vel tã multis actionibus atque argumentis , vt plura desiderare non possim ; vel postremò quod abdicare me magistratui meo cupientem, non permisistis.

Veniam igitur ad ea quæ in crudelissima sua proscriptione secundo loco ponunt , videlicet ad ea quæ acciderunt ex quo Hispani hostes ac rebelles sunt iudicati..

Eo tempore de fœdere Gandauensi & actum & transactum est , tanta omnium prouinciarum & ciuitatum publica lætitia, vt post hominum memoriam nulla similis extiterit. Quæ amoris ac beneuolentiæ

uolentia sponſiones, quæ conſiliorum ac rerum omnium communicationes, fœdere illo comprehendantur, iuxta mecum licet recordemini. Sed ipſi illi qui quantum virus pectori incluſum gererent poſtea ſatis oſtenderunt, cum tamen ex corũ eſſent numero qui cum noſtris, Hollandiæ & Zelandiæ Delegatis, in contractum venerant; iam tum cum illa tractabantur quaſcunque poterant remoras obliquis modis iniecerunt, quo ſubnaſcentem concordiam in ipſa herba (quod aiunt) opprimerent: quod citra controuerſiam perfeciſſent niſi capiti ſuo metuiffent, ac non omnis populus & prouinciæ qui in fœdere hoc verſari cardinem recuperandæ libertatis ac priuilegiorum ſuorum proſpiciebant, vno ore facere eos coëgiſſet.

Et quoniam in illa ſua proſcriptione, atque in aliis plerique; putidulis ac famoſis libellis & clauſtiniſ literis, fœderis huius violationem crebro nobis obiiciunt: videamus quàm ſanctè ipſi illud ſeruarint. Vix iuratũ fœdus illud fuerat, cum Dominus de Hauſſy decreto veſtro, ſepius in Zelandiam ad me proficiſcitur, rogans militũ auxilia, tormenta, puluerem & alia belli inſtrumenta quæ ad oppugnandam arcem Gandauenſem, Hiſpanicæ tyrannidis acropolim, fuerant neceſſaria: quod & impetrauit. Sed homo quidam, & genere & patria ſua indignus, qui ſibi temperare non poſſet, iam tũ virus ſuum cœpit euomere, & conuiciis ſuis nobile illum proſcindere, cui pro meritis gratia magna debebatur: ea enim res libertatis aditum aperuit, cum vniuerſo Belgio, tum Comitatu

tatui Flandriæ, & maximè ciuitati Gandauēsi, cuius ceruices arx illa tam longo tempore presserat. Nec per Zweuiganum stetit, nec per Comitem de Reux, nec per Mocqueronum & alios nonnullos quin Hispani adhuc cruenti cæde & graues præda Aptuerpiana, eandem cladem ad Gandauēses adferrent. quod profectò fecissent (vt literæ Rhodæ & aliorum quorundā testantur) eā nisi auxilia illa in tēpore à nobis summissa auertissent. Hinc igitur patet, quemadmodum boni illi viri dum adhuc præconis voce, concordia publica promulgatur, eandem turbare atq; infringere sint aggressi. Dum hæc geruntur, Austriacus in Belgium venit. Et quamlibet hîc dissimulare & fucū veritati inducere conetur aduersarius; nōne literas apud me habeo, regis manu et secretarij eius suscriptas, & sigillo ipsius consignatas, quæ testantur quid Austriacus in mandatis habuerit? Nōne passim orbe toto sunt publicatæ? num quis Hispanus inuentus est qui eas in controuerſiam vocare fuerit ausus? Illis è literis didicimus hanc inter Austriacum, Albanum, & Ludouicū de Requesens fuisse differentiam; quòd ille vtroque hoc iunior esset, & stultior, nec potuisse virus suum diu cælare, mādāta dissimulare, & cohibere manus prurientes desiderio fundendi nostrum sanguinem. Nihil opus est, viri Belgæ, persequendis singulis epistolæ huius capitibus; aures vestras morari; cū vulgò iactentur ac ne pueris quidem sint ignotæ: & tamēn quamuis hæc in lucem edita omnium oculis expōnebantur, quamuis confæderati cognoscebant, sciebant; inueteratum tamen eorum odium

odium erga miserum populum tantum erat; in eamque consuetudinem venerant auxiliandi iis qui priuilegia vestra opprimerent; seruire tyrannidi adeò ipsis in naturam trāsierat, vt instar furoris spumantis apri, in venabula sanguinarij pectoris Austriaci sponte sua ruerent. Pacta cum eo faciūt; contra sententiam meam & ordinum Hollandiæ & Zelandiæ, contra iusiurandum à se præstitum in fœdere Gandauēsi. Et nobis isti obiectare fœdus & iusiurandum audent, qui mihi, Hollandis & Zelandis hæc vincula ideò parasse videntur, vt nos tanquam indagine clausos atque irretitos tenerent, interea dum boni illi & fidi fœderatores, effractis omnibus fidei ac legum repagulis, quidquid animo libuerit faciūt, admittunt, perpetrāt? Respondebunt se effecisse vt Austriacus promitteret discessum Hispanorum: quasi caput fœderis nostri in eo vertatur. Atqui priusquam cum Austriaco paciscerentur, non oportuit eos me in præfecturis meis collocasse, possessiones restituisse, filium qui in captiuis erat reddidisse? Quid ergo? an horum quicquam fecerunt? tentarunt? cogitarūt? Et tamen plerosque eorum sanguinis propinquitate filius tangebat: nihil horum: lōgè enim aliud spectabant; quemadmodum argumento esse possunt tot consilia ad opprimendam salutem meam inita, ad subiugandam Hollandiam & Zelandiā, cū scirent me solum cū ordinibus vtriusq; illius provinciæ superesse qui perniciosus eorū conatibus apertè resisterem, quibus nitebātur in locum Hispanorum venire, eandemq; tyrannidem vsurpare quam antè Hispani exercuerāt; et quem-

F

admo-

admodū sibi videbantur maiore potestate & auctoritate, quia in sua essent ditione certa etiā impunitatis spe. Prouoco de his, ad commentarium legatorum, qui ad me missi fuerant Geertrudimōtem; quem si vsus ferat exhibere possim. Iisdem illis temporibus, legationem ad Reginam Angliæ mittebant, quæ Principem illam prauis de me opinionibus imbueret, persuaderetq; bellū mihi & ordinibus Hollandiæ & Zelandiæ inferret: sed quia falsa esse ea quæ ferebantur cognosceret, & singulari quadam prudentia Princeps ea esset prædita, multo aliter quàm isti sperassent, decreuit. Vt in pauca conferam, omnem mouebāt lapidem vt iisdē artibus tyrannide qua modò vsi fuerant Hispani grassarentur. Atque hæc est religiosa eorum observatio fœderis Gandauēsis, iam inde ab ipso principio. Iam quod ad Hispanos, quos Austriacus se dixerat dimisisse: videbant (si quid modò mentis superabat; neque enim qui significarent deerant) alios Luxemburgi hære, alios in Burgundia, alios in Gallia prætextu belli civilis redintegrati: vt data tessera, id quod res declarauit, momēto transuolarent. Nec interim etiā ignorabant, quatuordecim millia Germanorum veteranorum in principibus Belgij ciuitatibus ab Austriaco in præsidiis esse relicta, eundem illum cum Germanis colloquia agitare, hæc illis dicere, alia quæ vellet vobis obtrudere; Antuerpianā arcē deducto inde Arscotio Duce & Principe Chimaio, Treslonio in manum tradidisse. Videbant inquam hæc omnia, & tamen operas tradebant, fautoresq; rerum Hispanicarum exstiterāt, & fœ-

dus

dus Gandauense (si Deo placet) seruabant. Nam quodd dicit aduersarius, Austriacum iurasse; dabo etiam regem ipsum promississe: sed quid hoc eorū causam iuuat, ac non lædit potius? nam eodē tempore mandabant Austriaco (quod testantur eius literæ) vt fœdus rumperet. De Austriaco non diffitebor eum promississe ac iurasse, sed cum conditione quam etiam presentibus quibusdam vestris Commissariis adiiciendam fuisse dicebat; nimirū quoad eius non pœnituisset: quæ quidem conditio paulo pōst accidit. Nam iuuenis ille ratus in vado sibi rem esse, & in potestate sua habere principes ciuitates (quodd Germanos ibidem in præsiidiis & plurimos proditores patriæ habebat) arcē Namurcensem (in quo Regina Nauarrenæ indignam faciebat iniuriam) de repētē occupat; quodd eum locum reducendis Hispanis apertū sibi ducebat. Sed mox dedita vobis arce Antuerpiana, de spe sua decedit: quæ res multorū animos pro tēpore ab eo alienauit fidē cū fortuna mutantū. Nec quid ageret perplexis rebus inueniebat, quā vt corruptis quibusdā vestris Cōmissariis tēpus redimeret, & falsa spe, pacis morā traheret. Atq; vtinā, viri ornatiss. à religiosis ipsis pacti obseruatorib⁹, nō fuissetis prohibiti cōsiliis nostris aurē præbere. Neque enim dubitari potest quin parua admodū manu profligare Austriacum, Hispanos, & totam illa in factionem potuerimus, & declinare tot mala quæ postea sunt insequuta. Velim igitur & hīc mihi dicant, an pactis Austriacus steterit, & confœderationem quam (vt illi loquuntur) tāta cum solennitate iurarat obseruari: & qua tandē frontē

violationem fœderis Gandauēsis mihi obiiciet, is qui nobis per Dominū de Selles significabat rationē se illius nō habiturū. An ille priuilegio contra me vtetur, fructur, cui ipsemet renunciauerit? quanquam si dicendum est, non cum illo, sed vobiscum, ornatiss. viri, ego ordinesque Hollandiæ & Zelandiæ depacti sumus. Quòd si post toties & tot modis infractum fœdus, post necatos atque ciectos falso criminis nomine ex sui dominatus vrbibus, optimos atque honestissimos ciues, idq; cōtra illud ipsum fœdus Gandauenſe; si, inquam, post tot hæc & tam graues iniurias, ad salutem et securitatem vestram pertinere iudicatis, nonnullos articulos extendere, mutare, atque adeò in vniuersum eos abolere ac rescindere voluissetis; quis tandem reprehendat vos vestris esse vsos, quemadmodum è re vestra fore iudicassetis? nisi fortè is qui iuramento suo tanquam laqueis abuti cogitabat, quibus vos implicaret? Nam quòd ex me mutationem factam criminantur, id vt dem esse, contendo me quòd ad eos qui mecum sunt pacti, fœderi non fuisse obstrictum, quando tot modis illud antè violarant. Et quoniam ex vestra parte consultum iudicatis mutationem fieri, tanta vobis potestas atque auctoritas fuit, hac de re quod velletis statuendi, quantum ius est domino in hæreditatem suam: nam fœdus illud vestrum erat, & pro arbitratu vestro vti eo poteratis.

Sed toties iam & verbo & scripto ostēsū est, nihil in fœdere illo à nobis fuisse violatū, vt actū agam si pluribus illud persequar. Illud non dissimulabo, interdictum fuisse Hollandis & Zelandis

dis

dis ne quid in aliis regionibus innouarent: sed reliquos ordines in suis prouinciis, rebus suis quaquaratione consulere non potuisse, id verò nusquam cautum reperietur; quod ex vndecimo & duodecimo articulo manifestè patet. Et quidem in ipso fœdere faciundo, cùm nostrarum partium quidā, alterius partis principē virum monuisset, fieri posse vt huiusmodi tempora inciderent, ac proinde satius esse, libertatem aliquam permittere prouinciis, quarum causa in contractum venerant: responsum tulit non esse quòd ea de re esset sollicitus: neque enim Brabantiam, Flandriam, atque alias prouincias religionis mutationem unquā postulaturas. Quòd si eos sua fefellit opinio; quid causæ est cur in nos furiosè incurserint? Idem ego illis quoque responsum affero, in causa mutationis factæ in quibusdā ciuitatibus nostræ præfecturæ: etenim Deum testari possum, nec suasu nec consensu meo esse factam, & pleraque mihi valde displicuisse, quemadmodum & in Flandria. Sed hoc defendo, si qua fuit militaris insolentia, ludum iocumque præ illorum intolerabili tyrannide fuisse: & tamen abfuit perfidia, abfuit proditio, abfuerunt clandestina cum Hispano colloquia; quæ omnia apud inimicos nostros est inuenire. Etenim nōne armata manu bellum in nos contra fidem ac promissum mouerunt, confœderatos suos inuaserunt, biduum ante quàm constitutum fuerat cum hoste collatis signis confligere? Nōne coniurationem suam aduersus confœderatos factam exequuti sunt, quo tēpore Traiectum ad Mosam ab hoste obsidebatur? Quo fa-

cinore quid dici potest magis detestandum? Quo tempore à confœderatis obsessæ ab hoste vrbi auxilium maximè expectabatis, vrbi cui fidem iurauerant, à qua nec re nec verbo vnquam fuerât læsi; ea inquam rerum vestrarū difficultate non tantum sceleratè vos deserunt, verumetiam summa vi oppugnant. Memoratur Suffetius quadrigis discerptus, quòd sociis Romanis cum hoste pugnantibus se loco non mouisset; sed pugnae spectatorem præbuisset. Quæ crux igitur, quod supplicium, hac tanta nostrorum hominum perfidia ac perduellione satis dignum excogitari potest? At quorum perfidiæ? eorum qui Comiti Mansfeldio, qui Viglio, qui Fôctio, Assonuillæo, Bertæo & aliis consiliariis Status, manus tum iniecerant, cum tam arcto nondum vinculo inter nos essemus obstricti quàm postea fuimus; cumq; nondum venissem in Brabantiam: eorum inquã qui ea consilij apprehensione testatum orbi relinquebant quid de actionibus regis, de quæ eius consilio sentirent. Vestris iudiciis considerandum relinquo, viri grauis. quid pensi aut quid omnino cogitationis habeant tales, qui non vident se dum nobis bellum faciunt; eorum cultros acuerè quos in vincula coniecerunt, quibus postea iugulentur. Dicent fortassè, quòd non constituerim me inimicum eorum qui ex nostris exorbitarunt. Equidem nullius vnquam probavi insolentiam: verum adeò me esse imprudentem arbitratur, vt quo ipsis placeam, viam ad interitum patriæ sternam? atque ex Escouedo vatem faciam? An vnquam fando audierunt, prudentem patrem, filios perditum iuisse

iuisse, quo inimicorum libidini satisfaceret? Ac nō potius eius partes sunt, errores corrigere, iisdemq; correctis familiam conseruare? Quid Bourseus, Montigneus, & alij plures nōne mihi conscij sunt, quo studio, qua diligentia, conatus sim omnia in bonum ordinem atq; *εὐταξίαν* redigere? An capita petitionum suarum, ab ipsis contra iusiurandum postea violata, quemadmodum ipsimet voluerant, concessa ac condonata fuisse sunt obli- ti? fuit igitur furor merus, stultitia, ambitio, & o- dium religionis, & dominandi libido, quæ ipsos transuersos egerunt; quæ cū eos primū in illud facinus impulissent, prætexere postea fœdus Gan- dauense cœperunt. Scio enim viri ornatiss. quan- tum sudauerint, dum defectioni suæ causam saltē non ineptam quærunt, & quemadmodum quidā è plebe Centurio, ipsis cōsiliū suggesserit, quod statim sunt sequuti.

Credo ego, multis mirū videri posse, viros bono loco natos, talibus ortos parentibus, aded sui obli- tos, vt tot probis onerare genus suū non reformi- darint; sed nec credibile visum iri, tantam eorum animis sedisse inconstantiam: nec certē possum, quin pro mea parte eorū vice doleā, tum propter amicitiam quę mihi cum parentibus ipsorū (quos honoris causā nomino) aliquando intercessit; tum quod eorum virtutibus, existimationi ac dignita- ti impēdiō semper faui (cui profectō meliūs con- suluissent, si vel ad breue tempus ferre partē ali- quam calamitatum patriæ sustinuissent:) ac opta- rim adhuc eam ipsis mentem dari, vt prudenti re- sipiscentia præteritum errorem corrigerēt. Sed ne

nimis multa de eorum factis seorsum loquar, quæ omnium oculis exposita non sunt, & tamen plena sunt leuitatis: si ea tantum consideranda sumamus quæ vulgatissima sunt, lippis (quod aiunt) & tonforibus nota: quis non admiretur consilij eorum rationumque vel inconstantiam vel vanitatem? Seruiunt Albano & Ludouico Commandadori, vt mancipia; me summa vi atque ope oppugnant. Paulo post paciscuntur mecum, reconciliantur; ecum inimicos Hispanorum factos. Redit Austriacus: hunc sequuntur; huic seruiunt, mihi interitum machinantur. Frustratur Austriacus spe potiunde arcis Antuerpianæ: illum deserunt, me accersunt. Commodum veni: cum illi iureiurando suo valere iusso, re nec mihi, nec vobis communicata, Archiducem Matthiam aduocant. Venerat: videt hac parum succedere, relinquunt eum; nec negotio saltem ipsi indicato, Ducem Andegauensem accersunt, adducunt, aureos montes pollicentur. Vident se non posse ei persuadere, vt se belli ducem aduersus vos & euangelicos profiteatur; hunc etiam deserunt, & ad Principem Parmensem confugiunt. Quod fretum, quem Euripum, tot motus, tantas, tam varias habere creditis agitationes, quantas commutationes, perturbationes, æstus, istorum habet ratio consiliorum? Qui se tam excelso loco positos, eo gradu collocatos, iis præsidiiis munitos putat, vt tutum sibi esse credant, tantos ac tales Principes ludificari? Quare si talia fecerunt, quemadmodum fecisse omnibus constat, nihil tam vanum aut leue putare debetis quod non aggressuri videantur. Nā quid fieri potest ab omni ra-

ni ratione & humanitate alienius, quàm quòd tā
vili tamque abiectæ proscriptioni huic consense-
runt, in eius utique caput comparatæ, qui princi-
pibus inter eos viris quibusdam bona restituen-
da curauerim: & nondum (mihi credite) viri Bel-
gæ, omnium dierum Sol occidit. Nam nisi (quod
equidem velim) ad se redeant, videbitis eos decies
& eo amplius vela (quod aiunt) vertere funemq;
reducere, priusquam tragædiā hæc ad exitum per-
ducatur.

Iam quòd obiiciūt *me per vim ac tumultum cu-
rasse præfecturam Brabantie mihi deferri*: memi-
nistis (scio) Belgæ nullum me vnquam verbū vo-
bis fecisse, nedum ut id fieret contendisse: quin re-
cordari potestis quàm diu, multumque oblatā re-
cusarim, & quas recusandi eius causas attulerim.
Atque adeò, quemadmodum de dignitate præfe-
cturæ generalis veniam ac sententiam rogari vo-
luerim ducum atque optimatum exercitus nostri,
qui paulo pòst (non dico cuius culpa) fusus fuit ac
fugatus; quam sententiam ad me missam adhuc
apud me habeo. Quod si è populo quidam nite-
bantur, ut hæc mihi præfectura deferretur, quan-
quam id nec rogatu nec ambitu meo sit factum;
fateri tamen debeo plura eos quàm tum ego, de
Repub. præuidisse. Sciebant enim si committere-
tur Respub. Hispanicæ factionis hominibus, tan-
tam ædificij molem arenoso & instabili funda-
mento exædificatum iri. Non minus falsum est,
quòd dicunt me per tumultum Gandauensem,
Flādræ præfecturā suffragiis esse adeptum: planè
enim quid hac in parte actum sit ignorant: siqui-

F 5 dem

dem à quatuor membris electus sum non semel, sed sæpius; non in ipso tumultu, sed pacatis postea rebus; & à me & à vobis obnixè contenderunt; nec tamen vt acciperem hæcenus impetrare potuerunt.

Sed nec equum esse arbitror, me de pecunia respondere, quæ à vobis est collecta, quæque de sententia vestra distributa, & eadè auctoritate à quaestoribus, receptoribus, & magistris ærarij sic tractata est, vt nec ego, nec mei vel oculus in eā coniecerimus. Sed si cui probro danda hæc res est, cui iustius quàm hosti detur? qui huc necessitatis vos adegit, vt expediendæ salutis vestræ viam hæc inire cogamini? Et, si ille vt damnum inferat, tyrannidem exerceat, libertatē vestram opprimat, tantos & tam ingentes sumptus tolerat: quid ni ad auertendum damnum, ad cohibendam tyrannidem, conseruanda priuilegia, libertatem nullo ære æstimandam, sumptū aliquē faciatis? Quid? si extremus as & quidquid habemus sanguinis, in bellum hoc profundendum foret; quid præter officium faceremus? & cuius non plurima ac pulcherrima extent in historiis exempla, tum externa tum domestica? Sed tantum abest vt contribuendo defatigari debeamus, vt quia hoc eos malè habere cognoscimus, tantò maiori studio in hoc sit incumbendum. Nam quòd criminatur meo iussu atque imperio, quosdam in neruum coniectos, ac necatos, propterea quòd contributionibus essent refragati; huiusmodi (opinor) est vt responsionē non mereatur, præsertim apud vos, qui planissimè scitis meram hanc esse calumniam; nec ignoratis
sæpius

sæpius mihi lenitatem meam ac nimiam patientiã in tolerandis peruersis quibuscũdã ingeniis, à quibus res nostræ clãdestinis ac vaftris rationibus turbantur, maiori vitio mihi esse datam, quàm de rigore & sæuitia vel ab inimicis ipsis accusor. Nam si vera essent quæ obiiciunt; plerique etiam nunc magnifica fundunt verba, quos difficile non fuerat coërcere: & tamen huius consuetudinis adeò me non pœnitet, vt gaudeam eo me fuisse animo, vt iniuriam accipere potiùs, quàm inferre maluerim: nihil dubitans quin iustissimus ille iudex Deus, in caput proditorum illorum, ac perfidorũ, qui nobiscum panem edebant, & consiliis nostris participabant, & nunc cum hoste consilia conferunt, malè vertat, ac mercedem rependat malitiæ ipsorum; vt reuera Nemesis iam ipsis in dorso est, nec respirare eos patitur stimulante conscientia malefactorum.

De negotio Domini de Selles; quod nihil nisi meram fraudem ac simulationem fuisse comper- tum est; vestrum illud crimen est, viri Belgæ, qui tam prudenter res eius detexistis, quiq; ei ostendistis non omnes qui Hispaniã non viderunt, esse pecudes, quemadmodum ille & eius similes arbitrantur. Vestra inquam illa est accusatio. Fateor me idem sensisse quod vos, non plus ei fidei fuisse adhibendum, quàm impostori cuipiã, ex fraudibus conflato, & turbãdis rebus organo selectissimo. Quod vt crederem, nihil tam fecit atque ille ipse. qui cùm me diceret apud regem in tanta esse gratia, vt ex vniuersa nobilitate de nullo melius sentiret quàm de me, cuiusque opera plus vti cogitaret;

gitaret; effecit ut magis magisque crederem capite
in eo illis esse opus, si tanti illud vendere consti-
tuissem, quanti mancipium illud Hispanicum per-
suadere mihi conabatur. Confiteor inquam me in
eadem sententia vobiscum fuisse; & bene pruden-
terque factum à vobis iudico, qui ad exemplum
Vlyssis Sirenibus illis Hispanicis aures obstruxi-
stis. Sed quid me dico ita sensisse? infelices isti qui
tam execrandæ proscriptioni consenserunt, non-
ne mecum iuxta restiterunt? iidem illi magistra-
tus, per quos proscriptio illa publicata est, nonne
Dominum de Selles cum omnibus suis menda-
ciis facessere iusserunt? Quod vnum argumentum
sufficit ad refutandum id quod de mutatis offi-
ciariis Catholicis dictitant. Atque utinam potuis-
sem, ac non præcipiti quorundam consilio fuissem
prohibitus, mutationem hanc in omnes provin-
cias introducere; neque enim ea malorum ilias es-
set consequuta, in quam ex provinciarum dissipa-
tione incidimus; & à qua periculum est, ne cum
perniciæ communis patriæ indies incrementa su-
mat. Illud saltem fore spero, nisi provinciæ quæ tam
turpiter à nobis defecerunt, maturè resipiscant,
mortalibus omnibus documento fore, verissimam
esse sententiam, *Consilium malum consultori esse
pessimum*. Quare hoc loco, nec me nec vos fatiga-
bo Domini, confutando eam calumniam qua me
criminantur, priuata auctoritate magistratus pas-
sim in ciuitatibus creasse. Siquidem quibuscunq;
in locis magistratus nostro ministerio sunt muta-
ti, in hoc certè ut qui à vobis essem legatus, nihil
præter mandata vestra sum exequutus, nec contra
leges

leges ac priuilegia quicquam feci. Viros certè bonos, honestos, primò inter suos loco, incolumis famæ ac conscientia, & in primis patriæ amantes, introducere me voluisse non negabo. Sed quid eos malè habeat scio : stomachantur videlicet me non prouexisse homines suæ factionis, fidei, & pietatis erga patriam nescios; sanguinarios, tyrannidis suæ mancipia. Atque hoc est, quod illo suo nomine tyrannicam ac barbaram confusionem appellant; nimirum Reipub. nostræ administrationem ad regulam legum nostrarum directam: quæ leges ab eorum tyrannide (vt Græco vtar pro- uerbio) *δὴς διὰ πασῶν* dissident. Quanquam quid opus est ad huiusmodi obiecta respondere, cum aduersarius abundè pro nobis ipse respondeat? Nam qui tandem illi sunt officarij, aut ministri quos nos abdicasse dictitant? Erant (inquiunt) *bene affecti erga regem*: hoc quid est aliud dicere, quàm erant strenui hostes patriæ? Ex quo intelligi potest, quàm fuerit plerisque in locis necessarium eos immutari.

Exprobrant, *magnam mihi fidem atque auctoritatem esse apud populum*. Cuius adeò me non pudet, vt valdè doleam non esse maiorem; hoc est, non posse me ipsis persuadere, id de quo toties tū voce, tum scripto ad eos retuli. Quod si mihi credere voluissent, olim iam, olim ab Hispanica ista colluie Belgiū repurgassem. Sed si tales sunt ipsi, quales se dicunt, & is sum ego quem depingūt, (vt grātiā hanc eis faciamus) necessum est vt fateantur superbiam suam ac tyrannidem per omnia valdè importunam fuisse; quòd in tantū eius
populi

populi odium incurrerint, qui prius tantopere ipsis erat addictus, qui que se tam fidelem erga ipsorum maiores, nec non erga ipsos nepotes, præstiterit, antequam tam superbè cœpissent dominari. E contrario, si me populus libertatis suæ assertorē ac vindicem esse voluit, quid aliud dici potest? quid dicent exteræ nationes? quid aliud iudicabit posteritas, quàm quòd senserit commure Belgarum, fuisse aliquid in me quidem dignum gratia, amore, & benevolentia; in illis verò dignum odio capitali? Confitebor illis igitur, me & esse & fore semper popularem; hoc est persequiturum, propugnaturum, defensurum libertatem vestram & priuilegia. Atq; hoc est ingeniosissimum illorum hominum acumen, ut cùm conuitium studeant facere, tum maximè nos laudent, ac cōmendent. Illud certum est, quinque vel sex eiusdem coniurationis malè feriatos homines, inimicos vestræ libertatis (quorum consilia, curæ, cogitationes in hoc vno consumuntur; ut vos in seruitutem ac tyrannidem suam redigant, multò futuram si non crudeliorem, at certè indigniorem, contemptricioremque quàm fuerat illa Hispanica) ex suo ingenio ac peruerso animi sensu, reliquorum iudicia metiri, & quod ipsi probarint neminem improbatum putant: sed cùm ad iustam ea trutinam expensa fuerint, deprehendent rationem sibi malè esse subductam. Nam quem hac lucis ysurā indignum iudicant quòd publicis commodis studeat (quid enim aliud est bonum publicum quàm bonum populi?) eum stultitia sua tanto cariorem atque honoratiorem efficiunt, quanto maiori in pretio

pretio apud populum futurum probabile est, cum qui ipsius salutem propugnat, quàm qui opprimat.

Hic verò etiam illud prætermissum ab illis de-
miror, quod complures ineptuli eorum scripto-
res in famosis suis libellis sunt e mentiti, nobilita-
tem nobis inuisam esse. Quid? an odisse me pri-
mùm ipse incipiam? an cognatos meos & consan-
guineos? sumus enim omnes, Dei beneficio, nobi-
li, ac illustri genere oriundi, adeoq; antiquo, opu-
lento, honorato, ut verendum mihi non sit ne ini-
micorum meorum plerique se mihi præferant, æ-
quent pauci. Sed res atque experientia probavit,
ut pro virili mea parte nobilitatem semper pro-
mouerim. Quòd si multo antè prævidi ambitiosa
quædam ingenia, quæ à nobis postea defecerunt,
præfecturas ac imperia affectare, quò postea pa-
triam desererent ac iusiurandum suum violarent:
si, inquam, perspecta eorum leuitate, vanitate, in-
constantia, atque animis, meram tyrannidē spi-
rantibus, promouendos eos non putavi: atque ita
maximè seruare studui maiorem, meliorem & sa-
niores ordinis nostri partem; non hinc confici-
tur (opinor) me odio atque contemptui habuisse
nobilitatem. Sed ruinam Reipub. quæ illinc se-
quutura videbatur, nimirum præuenire volui. Si
patres eorum, viri utique sapiētiores, fortiores, &
meliores quàm sunt ipsi, & quibus amicissimis
sum usus, adhuc luce hac fruerentur; vitam scio
relinquendam sibi putarent, potius quàm filios
suos aspicerent, à constantia & virtute maiorum
suorum (quorū vita laudabilis & sine probro fuit)
tan-

tantoperè degenerantes: si viderent, inquam, nullum esse in terris locum, in quo non habeatur pro inconstantibus & magnis mercatoribus: si Hispanos ipsos videant, quibus seruiunt; si Cardinalem rerum suarum proram & puppim, eis tanquam mancipiis abutentem, ut pueros regentem, ut pecudes circumducentem, ac tantisper spe lactantē, quoad tēpus moneat, statuas, instrumenta, vestē, stragulam, ac aliam supellectilem ab illis sibi eripiam reposcere, ac cum idoneos lanienæ senserit ad præsepia mactare, quemadmodum ex Cardinalis literis apparet propria eius manu scriptis, quas vos, Domini, vidistis & recognouistis. Et quoniam inimicus meus, quasi auctoritati suæ diffusus, nec titulorum suorum pondere opprimi me posse credens, insuper Imperatoris titulos, & quorundam Electorum ecclesiasticorum adiungit: asserens eos ad eum quos proposuisse articulos, ut omnes sani iudicii homines pro talibus eos sint habituri: non poterat verbo disertius dixisse vos, quid dico vos? imo omnes prouinciarum nostrarū populos, qui articulos illos tanquā ineptos, captiosos, & iniquos vno ore reiecerunt, iudicii ac rationis expertes esse. Sed cui se probaturos sperant, populum tam diuturno bello attritum, tot malis afflictum, pacem repudiare, paululum modò æquiores? Tā bonos, aut nō nimis bonos ac patientes subditos, nolle cum Principe suo in gratiā redire, nisi quia videant huiusmodi reconciliationes ad se inescandos esse comparatas? talem ego pacem, nō paulò deteriores quā bellum dixerō: & mellitas illas linguas, ferri acuminata cuspidem

de magis esse reformidandas. Fieri potest ut Imperator, quia huiusmodi leges in hereditariis suis regionibus esse credat idoneas, existimet & his nostris conuenire prouinciis. Imperator de Repub. nostra ex hoste nostro didicit, ex proditoribus, qui inter nos versabantur, qui prætectu legationis Coloniensis res vestras euertere moliebantur. Imperator, reliquos principes certiores facit, quibus pro oraculo est, quod inde sit profectum. Sed vos Domini qui statum huius Reipub. penitus nostis, qui commoda & incommoda, qui veras conseruandæ aut perdendæ eius causas, tanquam nomen vestrum tenetis, quorum bona ac fortunæ aguntur, qui iure diuino atque humano iis tenemini, aliter profectò iudicatis. Rogatus est populus vniuersus, summoque consensu conditiones illas tanquam nimis iniquas reiecit, idque non in vna ciuitate, sed in omnibus. Petiimus ab Imperatoria Maiestate, à Rege Galliæ, Regina Angliæ & Rege Lusitaniæ, ut pro nobis de bona pace apud Regem intercederent; sed hoc ita esse accipiendum, quasi eorum arbitrio nos permiserimus, neminem rerum humanarum peritum iudicaturum arbitramur.

Quod autem articulos illos publicari prohibitos queruntur; vestra potius bonitas ac patientia laudari merebatur, quod non grauitè animaduertistis in eos, qui sine vestra auctoritate publicare eos sunt ausi. Tantum autem abest, ut ne vulgarentur timuerimus, ut etiam typis mandandos cum eorum abrogatione curauerimus. Perque omnes prouincias ac ciuitates missi sunt, ut de illis

G

con-

consultaretur, ac sententiæ dicerentur, quas vos consentientes retulistis. Sed permultum interest, vtrum quid lege ac ordine communicetur, & auctoritate magistratus vulgetur; an à minutis speculatoribus quibusdam libelli passim disseminentur, & an quidam Coloniam à vobis legati acta cum hoste cui vos & patriam simul prodiderant, clam in vulgus emittant, quemadmodum ex ipsorummet literis aperte videre est. In quo non ero longior, propterea quòd in lucem edita atque omnium oculis subiecta sunt.

*Adm. tra-
icti ictum.*
13 Sed nihil perinde eos mordet vt fœdus inter Prouincias Traiecti ictum. quid ita? quia quæ nobis bona sunt, illis mala; quæ nobis salutaria, illis sunt perniciofa. Omnem suam spem in disiunctione nostra posuerant: Prouincias quasdam in suas partes iam pertraxerant; quæ totidem habent concilia quot sunt in anno menses: non paucos ex iis qui inter nos erant, rerum nostrarum pestes sibi deuotos habebant. Quod igitur remedium excogitari potuit certius, aduersus illam disiunctionem, coniunctione: & quod præsentius antidotum contra discordiam, concordia? Quo vno politiumate, eorum coniurationes, nocturna consilia, secreta colloquia, vno momento fuerunt dissipata. Quo profectò declarauit Deus, Deus inquã pacis & concordia, quàm exosas habeat dolosas illas ac fraudulentas linguas, & quàm sibi sit non difficile tam abominanda consilia euertere. En, quàm egregium illis campum exclamandi & insaniendi aperio. Fateor me coniunctionis & concordia illius auctorem extitisse, confiteor promouisse, profiteor

fiteor seruare atque retinere studuisse. Dicam etiā
 amplius, & ita dicā, vt non tantū ipsos, sed vni-
 uerſam Europam audire velim. Retinete coneor-
 diam, ſeruare concordiam, idque facite non ver-
 bo & ſcripto tantū; ſed vt re, atque facto appa-
 reat, vos id agere quod ſagittis illis in vnum faſcē
 vno vinculo colligatis, ad declarandam prouin-
 ciarum cōfæderatam vnitatem, ſigillo veſtro in-
 ſculpi voluiſtis. Eant nunc, & accuſent me con-
 fundere omnia voluiſſe; cūm conſtet in vnitatem
 redigere omnia ſtuduiſſe; cuius quidem proſectō
 faciōris nunquam me pudebit. Nam ſi dylei pa-
 cis nomine diſtractionem noſtram moliebantur,
 ſi modō Atrebatī, modō Montibus cōuentus ha-
 bebāt, & blandis verbis producebāt, quo nos diſ-
 iungerent, & ſui ſimilia ingēnia ad ſe traherēt: cur
 nobis non licuerit antē in vnum cōire & concor-
 di vinculo nos iungere? Niſi fortē vobis fas eſſe
 putatis malefacere & Rempub. deſerere, idq; ob-
 ſeſſo ad Moſam Traiecto (ō ter ſtupidi, ſi vos ora-
 tiōe hac vulnerari, ſi cruentari, ſi facēs admoneri
 nō ſentitis!) nobis eodem illo tempore beneface-
 re & Rempub. conſeruare fas eſſe non putatis.
 Diſcamus igitur hoc loco Belgæ, quid nobis vtile
 fit, & neceſſarium, & ab eo hoſte diſcamus, quo
 nemo vnquam regionibus fuit infeſtior, nemo in
 toto orbe tyrannus truculentior.

Præter hæc, horrendum quoddam crimen ob-
 ſciunt, dignum videlicet proſcriptione iſta pluſ-
 quam Syllana & Carboniana. *Quæ res ea
 eſt? quod biennio toto Antuerpia non diſceſſerim,
 quodque Traiectum ſum proſectus.* ō diligentes re-

rum nostrarum obseruatores ! Quasi non hoc biennio bis in Flandriam iter suscepimus, atque ibi maximo eorum dolore, cum quatuor eiusdem prouinciæ membris Rempub. cōstituerimus, melius quàm illi vellent. Sed esto, toto illo biennio transuersum vnguem Antuerpia ne discefferim; cuiusmodi tandem illud crimē est, apud vos semper fuisse, vt ea facerem quæ vos mandassetis? Sed Traiectum abij. En malum, en vlcus: hoc enim illud iter est, quod eis pectus fodicat. Iā enim operis sui primas lineas sapientissimè duxerant, rerū suarum fundamenta certissima iecerant, toti sibi placebant; amicis scribebāt, tot prouincias ac præfecturas se tenere; cursitabant vltro citroque tabellarij; tot technæ, tot doli struebantur. Cum solo illo meo aduentu atque præsentia legatorum, prouinciarum ope & consilio stipata, tota illa nebula momento dissipatur, tot arces quas tyrannidi suæ reseruarent disturbantur, tot ciuitates nostræ firmantur, nec quicquam illis sit reliqui præter vnā, in qua erat suscepti negotij caput, quam tamen in potestatem suam redigere nō potuit nisi per summum scelus, interfecto eo quem solitus fuit appellare patrem, qui pridie cum eo cœnauerat, quemque instar Iudæ proditoris e mentito osculo circumuenerat. En causam, tantorum clamorum illicem, en Helenam de qua præliantur.

Criminantur præterea *Ecclesiasticos quosdam à me esse fugatos*. Quod falsum esse mecum omnes scitis. Sed cū illorum dux, qui Groeningis est, Euangelicos partim constrinxisset, partim iugulasset, & in his adèò Burgimagistrum, nulla habita-
ta ra-

ta ratione iurisiurandi sui, cùm paulo antè intro-
duxisset, ac iurasset religionis vtriusque concor-
diam, quam vulgò *Religions vrede* nomināt, cum-
que solenni iureiurando se obstrinxisset ac pro-
pria manu subscripsisset fœderi Ultraiectano:
quis admiretur nostros quoque sua in tuto collo-
care voluisse, qui viderent hostes nulla reuerentia
iurisiurandi, sacra ac prophana omnia proculcare
& maximo suo ac generis sui probro, quicquid
omnino æqui iusti que superest violare?

Et quidem vt multa nobis falso impingant, il-
lud nobis saltem obiicere non possunt, ne in ma-
ximis quidem turbis, etiam ab inimicis ipsis exci-
tatis,strarum partium quenquam, eò sceleris
progressum, vt manus suas confœderatorum, &
eorum qui in fide & clientela nostra essent, san-
guine polluerit; quod aduersæ partis Principes,
propria adèd manu factitarunt.

Quod ad nobiles, quos dicit *regionibus à nobis
esse pulsos*: quis vnquam vel vnum abegit? Quod
si eos conscientiarum suarum terror agitauit, si vt
furix, sic suæ ipsis occurrerunt iniuriæ, quæ nullo
eos stare loco siuerunt; quibus hoc iustius impu-
tent, quàm sibi ipsis, qui patriæ suæ exitium impiè
sunt machinati? Atque vtinam aliquanto matu-
rius exilij sui voluntarij ianuam inuenissent, &
quotquot eiusdè furoris poculū hauserunt vesti-
gia eorum pressissent, nã illi Rempub. metu, nos
laboribus liberassent.

Quàm verò ridiculum quòd me *hypocritam*
appellant! qui nihil vnquam in eorum causa dissi-
mulaui: nam cùm ipsis essem amicus, prædixi li-

berè technam eos (quod aiunt) in suū caput struere, exercendis barbaris illis persecutionibus. Et nisi eos cæcus animi impetus cum contemptu nostri coniunctus, à consilio nostro auertissent, non in eas angustias rerum suarū essent adducti. Sed nec inimicitiiis pro libertate vestra cum illis susceptis scio, in quo hypocritā me possint dicere; nisi fortè hypocrisim nominant aperto Marte bellum cum illis gerere, ciuitates capere, regionibus pel- lere, postremò absq; vlla dissimulatione, iure belli cum illis agere. At si defensionem meam ante annos tredecim in lucem editam recognoscere non pigebit, videbitis (Belgæ) epistolam regis fraude & hypocrisi instructi, qui me phaleratis suis verbis illaqueare cum cogitabat, quemadmodum nunc minis suis ac verborum tonitruis, terrorem se credit allaturum. Sed Dei gratia antidoto contra vtrunque venenum muniti sumus.

Longam deinde contexens & ineptam verborum seriem, conatur ostendere me diffidētia quadam niti. Quod ut dem esse, an ideò Caino ac Iudæ habendus sim similis uti arguunt? Aliud enim est promissis & gratiæ Dei diffidere, mētiri nescij; aliud non credere verbis hominis perfidi, ac mendacis: quemadmodū testari possunt miseri Mauri Granatēses; & prò dolor, interitus Comitum piæ memoriæ Egmondani & Hornensis locupletissimus testis esse potest. Sed si boni isti Theologi (qualis est Cardinalis, ecclesiæ suæ columna) bene examinassent, quæ vera ac proxima causa fuerit lapsus Iudæ & Caini; inuenissent desperationem fuisse; quò Dei beneficio redactus non sum, & (ut

con-

confido) nunquam redigar. At contra, si quis prodigiosa verborum fulmina, quæ in hac sua tam crudeli, tam barbara proscriptione in nos eiaculantur, inspiciat, nonne deprehendet manifestas notas, stylumque desperatorum, quales à poëtis furiosos ac lymphatos introduci videmus? Ipsi igitur conscientiam habent cauterio inductam ut Iudas, attonitam ut Caius, reprobam ut Saul, Et tamen prudentiam sapientissimorum hominum videte: *Dissidentia res est (inquiunt) communis omnium improborum.* Te appello Cardinalis, qui tantum temporis frustra in literis triuisti, nisi tum te multum profecisse dicis, cum à pueritia edoctus es mentiri & fallere: quæro igitur ex te, quid oratorum nervosissimo, sententiosissimo, patriæ amantissimo sis responsurus, cum dicit (ut ab adolescentia doctos recitare memini) nullum esse liberis populis aduersus tyrannos maius propugnaculum, dissidentia? Atque hæc in alium Philippum dicuntur, tyrannidis tantum discipulum, si cum hoc tuo Philippo conferatur, qui tyrannos omnes post se relinquit, quoque nulla Philippica satis digna est, ne illa quidem quam Diuinam nominant. Tua sit deliberatio: ego interim sententiam hanc immortalitate donandam dicam, scribam, omnibus denique locis insculpendam curabo. Ac det Deus ut plus fidei apud meos, quam bonus ille orator apud suos inueniam, qui cum se à tui similibus, & aliis nebulonibus, quibus lingua & calamus venalis est, circumduci essent passi, à tyrannis oppressi funditus perierunt. Sed ut de vobis melius sperare vici fortissimi, vestra facit constantia & ani-

mi magnitudo. Quodque auctores boni facere consueverunt, ut in extremam orationis partem, firmissimum aliquod argumentum reiiciant, bonique Imperatores triarios & spectatae virtutis milites in extrema acie collocent: sic viri isti docti & exercitati, in epilogo proscriptionis suae, immane telum in nos retorquent, cui succubitori videamur. *Multa (inquiunt) & magna ei oblata sunt, ut se in solum patrium reciperet (quo nemini quicquam debet esse desideratius) nec condiciones tamen accipere voluit.*

Et quid tandem dicere poterant, quod pro nobis plus faceret? considerate obsecro eorum vel stultitiam vel impudentiam: nam aut impudenter loquuntur, aut adeo sunt acuti, ne dicam stolidi, ut cum me vituperare studeant, maxime laudent. *Dulce est unicuique in patria vivere.* Cur igitur execrabilis ista natio Hispanica, totum terrarum orbem, ad vexandos miseros mortales circuit? Num ego, si tot nominibus vobis deuinctus viri Belgae obsequium ei loco praetulerim in quo sum natus; proditor, sceleratus, publica pestis sum appellandus? Et tamen scitis me puerum annos natum plus minus vndecim, in Belgium venisse, & ex eo porro tempore non alibi quam inter vos continuo fuisse educatum, ut regionum harum consuetudo in naturam mihi verterit. Quod si igitur promissa mihi fecerunt, si luculentas (ut aiunt) condiciones obtulerunt, quas ego tamen recusarim: quid aliud accusant quam fidem meam atque constantiam erga Deum & erga patriam, quae mihi omnibus opibus fuerunt antiquiora? Nolite putare viri prudentissimi

fimi iucundum nobis esse in perpetuis laboribus ac molestiis versari, tot maledicta & obrectationes inimicorum, & non rarò etiam amicorum audire (si quidem amici esse debeant, quos officiis meis demerui) fortunis meis tam diu priuari, atq; adeò filiù crudelissimo carceri inclusum habere, immenso ære alieno grauari ac tot malis & difficultatibus remedium quidem nolle quærere, nève me alium esse existimetis quàm reliquos mortales omnes, quorum nemo est qui non quietem laboribus, secundas res aduersis præferat.

Sed ea videlicet rerum nostrarum est cōditio, vt si hæc obtinere atque illis bonis frui velimus, vos mihi prodendi, vos deferendi, & cruentis lutorum faucibus, cùm res ferat, exponendi sitis: Ignoscent nobis reliqui mortales (nam vo bis me factaque mea probari satis certò scio) si neq; pecuniæ magnitudine, neque vitæ desiderio, nec amore coniugis, nec liberorù caritate impelli possum, vt poculo meo vel tantillum veneni prodictionis misceam. Sed quoad in hoc nostro corpore, vel vna sanguinis gutta supererit, quàm diu ex facultatibus teruncius superabit, donec ingenij, industriæ, auctoritatis quicquam nobis erit reliqui; hæc omnia obsequiis vestris impendam, dedicabo, consecrabo. Interea quoniã hoc mihi exprobrant, illud cælatur vos nolim, veritatem & hac in parte pepercisse: tales enim conditiones, quales dicunt, nunquam mihi fuerunt oblatae: nō quin mihi certò fuerit significatum, nullam rem tantam seorsum me pro me petere potuisse, quam non fuero impetraturus: Sponsionem facturos

G s

de

de restituendo filio meo in libertatem, in eū omnes honores meos translaturus: quantum bonorum habeo, tantum in Germania assignaturos (nō modò eorum quæ in præsens possideo, verū etiam ea quibus me priuarunt:) æte meo alieno (quod planè imminensum est) me liberaturos; deniq; decies centena florenorum millia repræsentaturos, atque horum omnium idoneam cautionem præstituros. Videtis promissa magnifica, nec tam magno fuisse redimendos eos, qui ad hostem defecerunt. Sed tantum abest vt hæ conditiones nobis sint oblatae, vt nec literis Cæsarei legati, nec tentatis quibusdam mihi addictis nec sollicitatis propinquis, nec epistolis commissariorum, vnquā obtineri à me vel hoc vnum potuerit, vt articulos seorsum meo nomine mittere: sed semper respondi, si pacem qualem vos poscebatis dedissent, mihi satisfactum fore, nec velle meliore aut deteriore in causa esse quàm vos essetis; nec statuisse de communi causa directè aut obliquè me seiungere qua salutem meam contineri iudicarem. Nōne insignis contumelia est, conuitiis incessere virum bonum, fidelem, constantem, & aduersus pollicitationum ventos non minus firmum ac stabilem, quàm Dei benignitate aduersus comminationū fluctus?

Audistis hæcenus, viri ornatissimi, accusationes vel potius cōuitia, maledicta, calumnias, quas contra dignitatem, atque existimationem meam collegerūt. Vestrum erit quibus ego me solis obstrictum sentio cum propter facultates meas & earundē conditionem, tū verò propter iurisiuradi
reli-

religionem, arbitrati vestro de iis iudicare; nec supplicium recuso, si affinis culpæ inuenior. Sed si (vti spero) iudicabitis me à tyrannis & calumniatoribus accusari, putabo mediocre hoc meum qualecunque officium, sed ramen promptissimū ac fidelissimum optimè fuisse collocatum.

H V I C igitur tā debili tamq; infirmo fundamento, proscriptionis suæ sententiā superstruunt, & tragicam illam suam eloquentiam semel omnē effundunt, tonant, fulminant, tempestates cient, & vt in theatris Corybantes solent, execranda verba, Cocyto, Styge & Acheronte tineta, in hoc miserum caput ei aculantur. Sed hæc Deo gratia nihilo me plus terrēt, quā de rupe Tarpeia à Pontifice Clemente vibrata excommunicationis fulmina in proauū meum Principem Philibertum, qui nihilo eum secius in carcerem coniecit. Nam circumspēctis vndiquaque omnibus, nihil aliud esse inuenio nisi rumusculos quosdam verborum, & inanes susurros, qui puerulos territare possint; non eum virum cuius animum Dei beneficio nō valuit frangere, nec tot bombardarum crepitus, nec octoginta armatorum millia imperatore Albano, tot maritimæ classēs, tot eiusdem ducis, tot Lodouici Commandadoris, tot denique eius quæ illis antecessit Ducissæ Parmensis proditioes. Et ramen hæc aliquanto sunt terribiliora quā inanis iste strepitus fragorq; tonitruī, qui eodē quo auditur momento euanescit nec lædit quenquam. Mihi verò sat est verbo dicere, & corā vobis Belgæ & vniuersis populis Europæis, quicunq;
Hispa-

Hispanus aut Hispanifatus cuius cuius loci fuerit aut ordinis, nemine excepto, aut dixit aut dicet id quod infamis ista proscriptio nobis impingit, *me proditorem esse & sceleratum, falso loquutum & aliena à veritate dicere*. Interea interdican t mihi aqua & igne, quantum volent; non desinam propterea cum amicis meis vel inuitis ipsis valere ac viuere, quoad per Dei gratiam licebit, cui soli summa in me potestas est vitæ & necis, quique capillos capitis mei numero comprehensos habet, cuius ego hactenus beneuolentiam in me singularem & auxilium non semel sum expertus, & porro conseruatutum semper spero. Quod bona quæ in præsens adhuc possideo occupanti donat (nam hoc loco tam est diligens pater familiâs vt eorum quæ mihi eripuit nihil cuiquâ donare velit) spero fore vt tanti ipsis stet ea habere, vt multò minoris alibi sint empturi. Quod ad reliqua bona quæ mihi detinent; nō despero ea me recuperare posse, modò & hic adsit Deus, quemadmodū ad fuit in recuperanda magna meorū parte: & quidem nunquam tenuem Principem facultatibus suis exuerunt, tamen plurimos spoliarint, quæ ipsis pluris constiterint.

Promittit viginti quinque millia coronatorū aut in fundis, aut in numerata pecunia, ei qui me viuū aut mortuū sibi tradiderit, aut qui me vita spoliarit. Sed licet antehac publicationem nullam ediderint, num idcirco ignorare me arbitrantur, quoties vel ipse vel ministri ipsius cum percussoribus ac veneficis de me iugulando sint stipulati? Et si mihi Deus adeo fuit propitius, vt cū non essem admo-

admonitus, tueri tamen vitam ac salutem meam potuerim: nunc cum sum monitus, confido equidem non defuturum. Ac quemadmodum maior mihi causa est, quamobrem in declinandis periculis diligentio rem cautionem adhibeam, ita plures viros bonos mihi spero excitatum iri, qui pro salute mea excubent. Et quanquam nullam esse scio in terris impudentiam, quæ cum Hispanica sit conferenda; tamē mirari satis nequeo, eos tam proiectæ fuisse inuerecundiæ, ut publicare per totam Europam non dubitauerint, non tantum caput liberum pretio se addicere, verumetiam tale præmium cōstituerē, tam barbarum, tam ab omni honestate & humanitate alienum. Primum, *nobilitaturos eum qui tam generosum facinus esset ausus, si nobilis non esset.* Sed oro vos, etiam si is qui tam nefarium scelus admisisset (quod vii spero non sinet Deus) genere foret nobilis, an quicumque est in terris nobilis, (de iis loquor nationibus quæ norunt quid sit nobilitas) qui vel cibum capere dignetur cum tam vili, tam scelerato, tam nefario, qui hominem pretio percussisset, quamlibet etiam humilem atque abiectum? Quod si Hispani tales habent pro nobilibus, si his gradibus in Castilia ad nobilitatem peruenitur, non miror hominum generi de Hispanis plerisque, & maxime iis qui nobilitatem iactitant, hoc esse persuasum, ut esse credant de sanguine Marranorum, & Iudæorum, & virtutem hanc à maioribus suis hausisse, qui vitam domini Seruatoris præsentī pecuniā redemerunt: quod facit ut hanc iniuriā aliquanto feram æquius. Deinde *condonant illis peccatum*

catum ac crimen quantumlibet etiam magnū. Quid?
etiāne si Christianam religionem ex aliquo ip-
sius regnorum sustulisset? si filiā rapuisset? si (quo
nullum esse potest in Hispania crimen gravius) de
sancta Inquisitione malè loquutus esset? Sed quo-
niam inimico meo placuit famam suam vsque eò
proiicere, vt bona, vitam & existimationem meā,
petulantissimè inuasertit; ac ne deessent testes in-
iustitiæ, ac stultitiæ suæ, proscriptionem illā om-
nibus linguis diuulgarit; nihil profectò erat quod
mallem quàm eum causam nostram iuare hu-
iuscemodi pigmentis, quibus proscriptionem suā
exornauit, cum se promittit nobilitaturum per-
cussores meos, nō tantū si nebulones sint ac in-
fames; verumetiam si scelèratissimi & omniū bi-
pedum fuerint teterrimi; & tam insignem virtutē
tam honorifico premio remuneraturum. Nā quid
excogitare poterat commodius ad declarandam
nostram innocentiam, quàm quòd me niteretur
huiuscemodi rationibus è medio tollere, & per
tyrannidem, veneficia, scelerum remissiones, né-
fariorum hominum nobilitationem, opprimere
velle, vindicē & assertorē libertatis populi crude-
lissimè vexati? Quæ cum cōsidèro, dubitare equi-
dē non possum, quin Deus (quæ est iustitia) & ei &
suis mentem ademerit, permiseritque certa eum
orbi terrarum dare argumēta, odij ac maleuolen-
tiæ suæ aduersus communem nostram patriam &
libertatem: siquidē quoduis scelus ac facinus pro
nihilò ducit, modò sanguinem eius haurire possit,
qui officium suum vobis tam promptè tamque fi-
deliter hætenus præstitit. Et his talibus suis sacri-
le gii s

legiis, non dubitat nomen Dei admiscere, ministrum eius se appellando! Quid igitur? heccine est ministri auctoritas, ut quæ Deus prohibuit, non tantum ipse permittat, verumetiam auctoramento pecuniario, nobilitate, & criminum condonatione remuneret? & quorum criminum? quorumlibet, quantumuis etiam sint atrocita. Mihi verò dubium non fit, quin Deus pro iustitiæ suæ seueritate, iustam iræ suæ vindictam in caput huiusmodi ministrorum vertat, contraq; innocentiam atque existimationem meam, cum apud huius ætatis homines, tum apud reliquam posteritatem, pro singulari sua bonitate, tueatur. Quod ad fortunas meas, & vitam attinet; diu est, cum vtraque eius cultui consecraui: ipse de iis statuet quod ad suam gloriam & meam salutem pertinere iudicabit.

Et quoniam infamis huius proscriptionis cloacam, etiam in caput vestrum deriuat viri ornatiss, tantum abest ut commoueri isto debeatis, ut contra cogitare vos conueniat, Hispanos, eorumq; asceelas, feminarum ingenia hac in parte referre, quæ post lachrymas ac morsus, postremò ad conuitia & contumelias confugiunt: sic & nunc hostis vester vltimos latratus edit: cui si constantis, certi, fortis, minimeque cessuri animi, argumenta damus; iam furores eius sistere, & conatus ei omnes consumptos videbimus. Nam Sylla, Carbo, Marius, Antonius & id genus tyranni, huiusmodi detestabilium proscriptionum primi inuentores, talis stultitiæ atque ineptiæ Hispanis exempla non dederunt, tametsi tyrannidis huius imaginem deline-

linearunt, quam isti coloribus additis absoluerunt. Sed proscribent fugitivos, fugatos, abditos, idque iis in locis in quibus ipsis summa erat potestas. Horum igitur tyrannorum nostri isti imitantur crudelitatem, cum viros bonos, innocentes & honoratos proscribunt. In eo verò sine exemplo stultè agunt & ineptè, quòd eum proscribunt qui armis sit oppugnandus. Nam veneficum summittere ut Ducissa Parmensis, aut subornare sicarium ut eiusdem Parmensis filius, virtutis maiorum suorum ex assè haeres; non proscriptio, sed latrocinium est.

Habetis viri ornatissimi non quæ dicenda habui, aduersus tyrannicam hanc proscriptionem, sed quæ præsentì temporì còuenire putavi: quippe qui apud vos verba faciam, quibus pleraque ignota non sunt; quæ volens ideò prætereo, quòd ea iuxta mecum sciatis. Nam quis regis & præcipuorum eius ministrorum consilia, conatus, singillatim possit exequi? nullius sanè tantum est flumen ingenij, qui tot ac tam varias tyrannidis & iniustitiæ species non dicam verbis consequi, sed vel cogitatione complecti posset! In spem tamen certam adducor fore, ut tam ex hac proscriptione, verissima indice eorum animi abiecti, quàm ex hac mea Apologia, perniciosos eorum & infelices conatus perfectè cognoscatis, simulque intelligatis cui rei potissimum attendere, & ad quid collimare debeatis. Nimirum, quia se vi vincere posse desperant, conantur discordiam inter vos serere, & compaginem corporis vestri luxatà distrahere; eos primùm extollentes, qui nos non solum



*Hispanorum
conatus.*

18.

lūm contra iusiurandum suum, verumetiam difficillimis temporibus deseruerunt, obsessa ciuitate quadam nostra, de qua quod querantur adeo non habent; vt ne prætexere quidem causam vllam saltem ineptam possint; & (cui ad summam perfidiam nihil potest addi) eodem illo temporis articulo aliis in locis oppugnant. Nec aliò spectant insertæ proscriptioni comminationes illæ, nisi vt vos terreant & à me diuellant; sic se per omnia gerentes, quasi mihi, non vobis bellum faciant; quemadmodum ouibus persuadere lupo nitebatur, sibi cum canibus tantummodo bellum esse, quibus sublati facilè se cum grege in gratiam tediturum; canes enim illos, discordiarum ac pugnæ semper auctores esse. Atqui dum absens in Germania fui, nullane hîc incendia fuerunt? nullum sanguinem fundi? nullane ceruices aut securibus incisas aut laqueo fractas vidistis? libertas-ne vestra per initissimum illum Albanum vobis constabat? Non eo tempore legati vestri Domini Marchio Bergensis & Montigneus in Hispania crudelissimè sunt necati? Non illud ipsum tempus fuit, cum hastilibus præfixa capita Principum vestrorum, ante oculos vestros ponebantur? Alterum caput quod sibi in primis proposuerunt, est de extirpanda religione. Non hîc disputabo, quæ vera sit religio, qua Deus verè inuocatur ac colitur ex præscripto verbi sui: quam ego quæstionem exercitationibus discutiendam relinquo; præsertim cum quid credam ex professione mea appareat. Illud

H

dicam

Religio.

dicam, eum esse Reipub. vestrae statum, vt sine religionis huius exercitio, ad tres dies durare non possit. Etenim videtis vt numerus ad miraculum vsque excreuerit; tum verò inexpiabile omnium tota passim regione contra Pontificem odium, inde videlicet natum, quòd nefarij eius conatus in hanc Rempub. sunt deprehensi. Quis igitur se patriæ amantem potest dicere, & idem suadeat, tam infinitam hominum multitudinem sedibus suis pellendam; qua sublata, prouinciarum vastitas, inopia ac miseria consequatur, exterarum regiones populosas ac opulentas reddat? Et quid si nolint discedere, quis eos coget? Vicinos modò aspiciamus, domestica exempla intueamur; & nisi mente capti sumus, nunquam huiusmodi perniciofa consilia sequemur quæ totam hanc Rempub. quanta est funditus sint euersura. Dicam amplius, quòd tamen si inter eos qui sunt de Ecclesia Romana complures viri boni sunt, & patriæ amantes & in his nonnulli præclare de Reipub. meriti; hoc tamen inter hos & illos interest, quòd eorum qui religionem profitentur, planè est nemo qui cum hoste conspiret, aut clandestina agitet consilia; sed ad vnum omnes Hispano sunt inimicissimi. Et quanquam inter eos fuerint nonnulli, qui vt petulantes ac insolentes filij solent, imprudentia sua negotium familiæ fecerunt: tamen nihil ipsis cum communi omnium hoste rei quicquam fuit.

Quandoquidem igitur viri prudentiss. eorum consilia & conatus perspectos habetis; restat nihil

hil quàm vt remedium afferatis. Quodnam illud? nimirum vt quod in ore semper habetis, quodque denotatur symbolo telorum vestrorum, quod insculpi sigillo vestro voluistis id re præstetis; neque vllum pulcherrimi huius corporis membrum, suum spectet, sed toti Reipub. studeat, ne qua pars corporis alimentum ad se rapiat, quod sit rotius, sed vt patiatur stomachum, hoc est, quod à vobis constituetur, consilium illud digerere, & digestum per venas ad membra status huius transmittere. In primis verò vt si quis morbus inciderit, eò statim mittantur medici, vt ægroti ad tempus sustineant, atque ita mali liberationem postea sentiant. An non insignem ignominiam, ac nullo vnquam tempore eluendam in nos admiserimus, si cùm tam præclaram habeamus Rempub. tantas opes; tanta ferùm gerendarum subsidia; misera auaritia & cupiditate traducendi ad nos commoda ciuium, ac detrahendi quod cuique possumus, emolumentum nostri gratia; dum alius hinc, alius illinc quod potest ad se rapit; nosmet ipsos momento ab hoste oppressos ac pessundatos videamus? In memoriam reuocate, viri prudentissimi, magnam illam imminutionem status Reipub. nostræ, quæ mortem Ducis Caroli proximè est subsequuta: quæ nulla alia ex re orta est, quàm quòd prouinciis de priuilegiis & aliis nescio quibus commodis inter se digladiantibus, Respub. in medio relictæ, miserè lacerata est. Nolite existimare fieri posse, vt hoc rerum statu, diu durare valeam tam paruis

H 2

opibus

Remedium.

opibus ac subsidiis, quibus me hactenus usum cognouistis: sed si quid usu & experientia tum politicis, tum militaribus in rebus valeo; si mihi nota est hæc Respub. si opes hostium; licet omnes copiarum quæ ex Hispania ac Italia nobis minantur, proximo anno nos inuadant; nihilo plus, ac minus etiam profecerint quàm Albanus in Hollandia ac Zelandia egerit. Et si in vobis situm est imminentibus malis occurrere, (sicut est) nec facitis tamen, quo tandem nomine errorem hunc appellabimus, si à vobis commissus fuerit; clarissimi viri, qui in hunc locum conuenistis, ex quibus pendet vniuersa humanissimorum Belgarum multitudo; qui vos patrum ac patronorum loco habent, qui quæ tanquam cælitus missum nuntium, ambabus vlnis sunt amplexuri, si quid hîc in commune consulitis. Respicite vos ipsos: aut si vos salus vestra non tangit, moueat vos tam infinitæ multitudinis calamitas; misereat tot pupillorum & viduarum; moueant tot cædes ac latrocinia, in visceribus patriæ patrata, tot dissipatæ Ecclesiæ, tot pastores cum misero grege errabundi: Ponite ante oculos crudelem illam ac barbaram cædem, à Comite Mansveldio Niuellis editam. quæ omnia in vobis est parua quadam declinatione & (quod aiunt) corpore effugere, atque in caput hostile totam belli cladem retorquere; si tantum studia partium sustuleritis, & opes vestras pari animi alacritate coniunxeritis; liberaliter non dicam loculos vestros effundentes, sed quod superat modò contribuentes. De me autem seorsum

sum vt loquar (Dñi) videtis vt caput hoc infestis animis petant; quantoq; præmio ac pecunia morti deuoeant, & dictitēt quoad inter vos ero, nullum belli finem fore. Atque vtinam perpetuo exilio meo aut morte etiam, tot mala & calamitates redimantur, quæ ego Hispanos, quorum consiliis & publicis & priuatis sæpe interfui, quosque ab adolescentia penitus et domi inspexi, in caput vestrum scio machinari: quàm dulce exilium? quàm non ingrata mors ea foret? Nā cur fortunas meas omnes expendi? an vt me locupletarem? cur hisce oculis cariores fratres meos perdidici? an vt alios compararem? cur filium meum, cuius desiderio (si modò sum pater) profectò commoueor? num quem mihi detis alium, habetis? aut eundem restituere potestis? cur vitam meam periculis toties obieci? quod præmium, quod pretium expectare aliud debeo tam diuturni laboris mei, in quo dum vobis obsequor, & ætatem & fortunas meas attriui, nisi vt quietem vobis, ac libertatem vel sanguine meo (si ita res ferret) redimerem? Quare si aut exilium aut mortem meam vobis creditis profuturam viri ornatiss, en adsum, de me quod libet statuere, imperare, relegare vel ad extremos orbis fines; obtemperabo: En caput meum, in quod nec Princeps vllus, nec Monarcha ius habet præter vos solos; de hoc decernite, quod in rem vestram, communemq; esse iudicabitis. Sed si hanc experientiae ac industriae nostrae mediocritatem longo vtrique et assiduo rerum usu & exercitatione comparatam; si reliquas fortunas, si vitam meam, (que

H 3

omnia

omnia vobis ac Reipub. voueo confecroque) vili
adhuc vsui vobis esse iudicatis, decernite de iis
quæ ad vos refero. Et si quid amoris erga patriã,
si quid consilij in me esse creditis; illud habetote,
certoque statuите hanc vnam esse defendendi &
conseruandi vestri rationem. Quo decreto atque
instituto agendum iunctis animis & voluntatibus
ad defendendum eum populum accedamus, qui
nihil aliud à nobis flagitat quàm vt expedita quã-
dam sanorum consiliorum rationem, cui cupidis-
simè ipse sit obtemperaturus, cõmonstretis: quod
si fiet, & me eodem quo hactenus studio ac fauore
prosequemini, adnexus cum vestra ope atque au-
xilio, rum diuini numinis gratia, quam perplexis
meis rebus non semel presentissimam sum exper-
tus, quod vos in rem ac conseruationem vestram,
coniugum, liberorũ, & si quid aliud sacrum san-
ctum habetis, decreueritis: ad extremum vsque
spiritum

PROPUGNABO.

EXEMPLVM EPISTOLÆ

REGIS HISPANIARVM AD
PRINCIPEM AVRAICVM SVA MA-
nu scriptæ ex Hispano idiomate in Latinum
conuersæ.



ACEPI tuas literas magna cum
affectione, datas 27. Maij, & postea
eas quas ad me dedisti 14. Iuny: Et
ex his quæ ad sororem meam scripsi
intelligere potuisti, quã paruã cau-
sam habeas, ea cogitandi de quibus
ad me scribis in illis tuis quas ad me dedisti 27. Maij,
quin planè cōtra: Præterea certum est, quòd multum
te falleres, si existimares me tibi non planissimè fidere;
& quamuis sanè studuisset quispiam malã tibi gratiã
apud me conciliare, supererat me tam lenem non esse
ut fidem fuerim adhibiturus, cū tam magnū experi-
mentum fidei & obsequiorū tuorum habeā. Quam-
obrem hanc opinionem tutò potes deponere, & niti tū
iis literis quas hac de re olim ad te scripsi, tum factis
tuis; sed minimè iis quæ tibi nonnullos (inimicos fortè
obsequio meo & bono tuo) imposuisse necesse est. Quod
ad veniam attinet quam postulas ad deponenda tua
munera: displicet mihi res tuas priuatas eo esse loco,
quo dicis: cumq; regionū illarū status is sit qui est; fa-
cere non possum quin tibi declarem æquum nō esse ta-
les personas qualis est tua cui planè cōfido & acquies-
co, regiones deferere, præsertim cū tā longè ab iis ab-
sim; quin potius æquū fuerat si qui domi essent, ad hãc
H 4 neces-

*necessitatem cōcurrere, & officium debitum praeſtare,
 quemadmodum tu in praesens fecisti, cū Antuerpiā
 es profectus; quae res valde grata mihi fuit: planeq;
 certum habeo te isthic facturum omnia, quae maxime
 arbitraberis pertinere ad meum obsequium & ad ci-
 uitatis illius totiusq; regionis quietem ac tranquilli-
 tatem; & ad vitandam aetate qua ibi erit; quemad-
 modum tibi confido & valde disertè impero: scioq;
 quod non praebebis te alium quā praeuisti tota tua
 vita. Et ut videas quā liberè tecum agam, facere
 non possum, quin tibi dicam multos hīc fuisse sermo-
 nes de eo quod frater tuus interfuit iis rebus quae isthic
 geruntur. Et quia non possum non existimare eam rē
 magnopere ad me pertinere, impero tibi ut rationes
 queras quibus remedium inueniri possit, ne longius
 serpat: idq; effectum da. Et si tibi expedire videbitur
 ut eū aliquot dies abs te ableges, id ut facias. Ex syl-
 ua Segonia Cal. Augusti M. D. LXVI.*

Subscriptum

Philippus.

Et in tergo inscriptum

Ad Principem Auraicum.

Signatum Sigillo Regio.

BANNVM ET EDICTVM

SVB FORMA PROSCRI-
PTIONIS PER MAIESTATEM REGIS

Domini nostri factum aduersus Guillelmum à Nassau, Principem Aurangiae, tanquam caput & perturbatorem status Christianitatis; & specialiter harum inferiorum regionum: Per quod cuiq; datur licentia eum offendendi & è medio tollendi, tanquam pestem publicam; præmio proposito ei qui id exequetur & ad id opem feret.

Translatum ex Gallico in Latinum.



PHILIPPVS, Dei gratia, Rex Castelliae, Leonis, Arragonis, Nauarræ, Neapolis, Siciliae, Maillorquæ, Sardiniae, Insularum, Indicarum & terræ firmæ, Maris Oceani; Archiducis Austriae; Ducis Burgundiae, Lotharingiae, Brabantiae, Limburgi, Luxemburgi, Gheldriae, & Mediolani: Comitis Habsburgi, Flandriae, Arthesiae, Burgundiae Palatinatus, & Hannoniae, Hollandiae, Zelandiae, Namurci & Zutphaniae; Principis Zwauiae; Marchionis Sacri Imperij; Domini Frisiae, Salinarum, Mechliniae; ciuitatis, urbium, & regionum Ultraiectinarum, Ultraissulanarum, & Groeningæ; & Dominatoris in Asia & in Africa. Omnibus iis qui has praesentes videbunt, Salutem.

Notissimum est vniuerso orbi terrarum, quàm fauorabiliter tractauit Carolus Quintus altissimæ memoriæ Imperator, & Dominus meus pater

H 5 quem

quem Deus absoluat, Guillelmum à Nassau pro
 successionē defuncti Renati de Challon Principis
 Aurangiaë affinis sui, & quo pacto ab eo tempore
 & ultra à prima eius iuuentute (etiamsi esset a-
 lienigena) eum promouit: id quod semper succes-
 suè continuauimus & auximus magis ac magis, eum
 nostri ordinis consortē faciendo; deinde nostrū Lo-
 cum-tenentem generalem in gubernatione Hollan-
 diaë, Zelandiaë, Ultraiecti & Burgundiaë; simul & no-
 stri Consilij status, conferendo ei plurima beneficia
 & honores. Vnde propter iuramenta fidelitatis &
 hommagiorum quæ nobis etiam præstitit, ratione
 feudorum, terrarum & dominiorū quæ à nobis pos-
 sident in variis nostris regionibus & prouinciis, ma-
 gnopere erat deuinctus & obligatus nobis obedire;
 seruire, & fidem suam tenere; & bonum, atque
 vtilitatem nostrarum rerum procurare: & conse-
 quenter omnem requiem & tranquillitatem in no-
 stris statibus & regionibus manu tenere: Nihilomi-
 nus quisque nouit quòd vix pedem verteramus ex
 nostris regionibus inferioribus, quin dictus Guil-
 lelmus à Nassau, factus ea quam diximus su-
 præ, ratione Princeps Aurangiaë, suis sinistris pra-
 cticis, trauersis consiliis & astutiis tentauerit pri-
 mum lucrari voluntates eorum quos cognoscebat
 malecontentos, oneratos aë alieno, iustitiæ oso-
 res, nouitatum studiosos; & præcipuè eos qui erant
 suspecti religionis; eos palpsans, sollicitans & trahens
 ad se pulchris verbis, promissis & vanis persua-
 sionibus, intantum vt fuerit primarius auctor, pro-
 motor & instructor primorū Libellorū supplicū quos
 quidam grex iuuenum nobilium obtulit, quotidie æ-
 des eius & mensam frequentantium: quinimò
 conspiratio fuit facta in eiusdem ædibus, assistente
 Comite Ludouico Nassauio fratre suo magno hære-
 tico. Et quamuis esset illius totius factionis dire-
 ctor

Etor, tamen frequentabat id temporis quotidie Consilium Status, assistens omnibus consultationibus & resolutionibus quæ ibidem capiebantur: ita quod facile omnes observare queant eius bonam fidem & observationem iuramentorum. Atque ita ab illis supplicibus libellis ac deinceps, ipse & eius consortes introduxerunt Conciones hæreticas & conventus públicos in multis locis nostrarum regionum, interim dum Ducissa Parmensis, tunc regens & gubernatrix generalis nostrarum regionum inferiorum nostra charissima & amatissima soror, miserat ad nos ut daretur ordo super iisdem libellis. Et similiter per consilium, notitiam & participationem eiusdem Aurangij inceperunt hæretici (adducti per illos præsentatores eorum libellorum quos is favore prosequeretur) tumultuariè imagines, altaria & templa subvertere; omnes res sanctas sacrasque prophanare, imò & Sacramenta à Deo instituta. Nichilominus diuina gratia & eiusdem Dominæ providentia, res fuerunt ita gubernatæ & curatæ, ut coactus esset ex nostris regionibus secedere & suas gubernationes derelinquere: interim tamen plenus irarum ac minarum quibus sese aliquando vindicare velle indicabat. Id quod animo cogitabat anno sequenti armis exequi; sed incassum: nam adeo animosè noster exercitus eum insecutus est, vestigia eius continuè premens, ut è nostris regionibus omnibus expulsus sit, nullo ei loco ubi manere posset, relicto. Verum quoniam aliquot post temporibus oriebatur in multis locis quædam malecontentatio nostrorum subditorum aduersus gubernationem Ducis Albani qui successerat in locum iam dictæ Ducissæ, ac præ cæteris in provinciis Hollandiæ & Zelandiæ, machinabatur ut eò redire posset. Vbi tamen non fuit receptus, nisi prius sanctè iurasset illarum

rum regionum Statibus & oppidis, se conseruaturum easdem regiones & vrbes nobis nostræque obedientiæ; neque mutaturum quicquam omnino in antiqua religione Catholica & Romana, sed solum tanquam gubernatorem eos adiuturum & defensurum aduersus eundem Ducem Albanum, si vellet eos cogere & violenter impellere ad id quod prætendebat, videlicet ad decimum & vigesimum denarium exactiōis quam volebat imponere; id quod non ei mandaueramus, nec intelligebamus fieri debere, nisi cum consensu & voluntate nostrorum subditorum: necnon loco aliorum subsidiorum & impositionum à quibus animus erat eos exonerare. Veruntamen simulatque idem à Nassau intrasset & receptus fuisset in eandem gubernationem, incepit per suos ministros & suppositos introducere Conciones hæreticas quocunque loco poterat, persequens omnes bonos pastores, prædicatores, religiosas & bonas personas, quarum maximum numerum expellebat, & ex eis iussit plurimos trucidari, vel dissimulauit interfectionem quæ fiebat à quibusdam suis consortibus; donec iidem Status vehementer offensi ista crudelitate voluerūt eius habere rationē: tunc simulauit rem sibi displicere. Ac nihilominus ab eo tempore reuertebatur ad suum primum scopum, eos quos cognoscebat Catholicos & suis consiliis aduersantes, malè tractans, ac in consilium adhibens ministros hæreticos tam extraneos quàm huius regionis; mutans similiter Magistratus quos sciebat suis machinationibus & consiliis minimè fauere: & exinde venit introductum libertatem conscientiæ, vel (vt verius dicatur) confusionem religionis. Vnde paulo post accidit vt Catholici apertè fuerint persecuti, reiecti & expulsi; ecclesiæ & monasteria tam virorum quàm mulierum fracta, deuastata & in terram

ram deiecta; religiosi & religiosæ malè tractati; in
exilium pulsi & exterminati, nisi vellent apostatare
ac etiam matrimonium contrahere: nam aliis non se
fidebat. Quemadmodum etiam ille exhinc quam-
uis esset coniugio adstrictus, viuentē adhuc altera
vxore, sumpsit religiosam & Abbatissam, consecra-
tam solenniter manu episcopali, quam tenet ad-
huc apud se: quare nihil infamius neque ignomi-
niosius quicquam esse posset, non solum iuxta reli-
gionem Christianam, verum etiam per leges Roma-
nas & contra omnem honestatem. ac tandem eò
progressus est ut nullum daret locum amplius reli-
gioni Catholicæ; tolerans omnes errores & impieta-
tes omnium aliarum sectarum & hæreseon, ad exter-
minandum & eradicandum, si posset, nostram Ca-
tholicam & sanctam, obseruatam ab omni æuo per
vniuersum statum Christianorum. Interim reddidit
ita obstinato animo nostros miseros subditos Hol-
landiæ & Zelandiæ, & eos impulit in eiusmodi ter-
minos, ut ferè omnes vrbes, vna prius, alia post, ob-
sessæ fuerint & captæ; quædam violenta manu, aliæ
per transactionē & deditiōem: adeò ut non semel in
tantas redactus angustias iam expellendus esset no-
stris armis: donec defuncto magno Commendadore
Castiliæ, quem præfeceramus etiam successorē in ean-
dem gubernationem post iam dictum Ducem Alba-
num (à nobis reuocatum ut magis contentos redde-
remus nostros subditos) res venirent in tantam con-
fusionem & rebellionem militum capta vrbe Ziric-
xæ: quæ rerum turbatio incepit aliquantulum faue-
re eidem Nassauio; & paulo post Ordines generales
nostrorum inferiorum regionum, optantes semel ab
his belli calamitatibus liberari, persuasi ab ipso
Aurangio, qui dicebat & simulabat nihil desiderare
præter bonum, quietem & tranquillitatē regionum,
im-

immunes reddi eos à militibus extraneis, & retineri regionem sub nostra obedientia, simul & conseruari in ea antiquam religionem Catholicam, talē qualis semper ibidem fuerat exercita, & custodiri priuilegia & libertatem eiusdem regionis; inierunt cum eo Tractatum Gandauensem, stabilitum expressè super illa duo fundamenta specialia, Conseruare ipsam religionem & nostram obedientiam. Interea misimus nostrum bonum fratrem defunctū Dominum Ioannem Austriū (bonæ memoriæ) cum mandato & intentione accommodandi, reconciliandi & componendi omnes tumultus nostrarum regionū quanta dulcissima ac gratiosissima fieri posset ratione: id quod fecit, indulgens nostris subditis quicquid aliquo modo eis posset concedi: ratificans etiam eandem Pacificationē Gandauensem, quā publicari fecit passim eo quo solet modo. Cui restitit omnibus viribus idem Aurangius: sed cū impedire eam non posset, noluit vnquam postea permittere vt in vllō loco suarū gubernationum publicaretur: indignatus quòd eam non potuisset impedire, sicut dictum est, cū tamen ex eo tempore approbassemus, emologassemus, & ratificassemus vtrumque foedus & Tractatum; atque iam dictus noster charus frater, vnà & aliorum Statuum Deputati misissent varios insignes & magnos viros ad ipsum Aurangium, vt eum persuaderent id comprobare: ad executioni dandum ex sua parte id ad quod erat astrictus & obligatus per capitulationes eiusdem Tractatus Gandauensis: Arque quoniam causabatur & allegabat semper debere recuperare sibi integram gubernationem suam; consequenter vrbes quæ noluisent eum recognoscere pro gubernatore, aut saltem eas quas ab eo tempore recuperaueramus armorum potentia, & redegeramus aliter sub nostram obedientiam;

tiam, restituendas suæ gubernationi: satisfactum fuit ei ex bonitate & facilitate nostrorum Statuum, qui nondum tunc temporis satis nouerant eius imposturas & periuria; modò tamen iuraret se nihil immutaturum in forma eiusdem antiquæ religionis Catholicæ & Romanæ: ac idcirco daret securitates & satisfactiones quas Magistratus, ciues & cuiusque vrbs incolæ poterant iure requirere. Vnde cùm esset multum diuque disputatum super securitatibus quas vnaquæque vrbs exigebat, vt id quod idem Aurangius eis promittebat ipsis seruaretur; reductæ sunt sub eius gubernationem, postquam iurasset articulos supradictos aliosque instrumentis earundem satisfactionum contentos. Verùm tantum absuit vt tenuerit vel obseruauerit sua promissa iuramento confirmata; quin contrà statim introduxit in eas suos ministros & concionatores Calvinistas: reuocauit hæreticos exules; ibidem libertatem conscientie practicauit, & procurauit aliquot scādala fieri in nōnullis ecclesiis; primum impugnans Mendicantes, deinde Magistratus, quos paulatim persecutus est, fugauitque bonos pastores: ac demum expulit & exterminauit totam religionem Catholicam, & interdixit eius exercitiū. In quo utebatur suis hypocriticis moribus & simulationibus solitis, dicens sibi displicere, & quòd non poterat remedium adhibere: nihilominus instigabat clanculum, tam per se quàm per suos ministros seditiosos quosque & hæreticos, vt vterentur suis malitiis: atque vt id fieret auxilio suorum, pedetentim inducebat præsidarios milites in vrbes contra sua pacta & promissa iurata. Interim non desinebat accusare nostrum fratrem Dominum Ioannem quòd contra Status moliretur; quod tamen noster idem frater semper affirmauit non esse verum: non diffitebatur quidem quòd videns obsti-

natio-

nationem & malitiam eiusdem Aurangij, poterat communicasse cum aliis, quomodo posset adduci ad rationem, & impediri quominus iterum totam quietem publicam earundem regionum turbaret, quemadmodum postea fecit. hoc nonobstante, idem Aurangius non destitit vsquedum suis practicis & dolis (sibi admodum propriis) interposuit talem diffidentiam inter nostrum iam dictum fratrem & Status nostrarum iam dictarum regionum, ut non videretur aliud quam maxima & euidentiſſima maſtatio apparere: adeo ut ad euitandum hanc confuſionem, aut ſaltem incarcerationem ſuæ perſonæ, idem Dominus Ioannes poſuerit ſe in ſecuritatem in noſtra vrbe & caſtro Namurcenſi. Ad quam rem mouebatur tanto magis quod nihil omnino erat armatus; econtra quod clarum erat & certum quod idem Aurangius per communes ſuos emiſſarios & miniſtros appoſitos, non ceſſabat incitare factioſos ad ſimile faciendum ſuper ſuam perſonam; quo modo eodem anno practicauerat fieri ſuper eos noſtri Concilij ſtatus commiſſos in gubernatione generali noſtrarum iam dictarum regionum: quod tunc idem Aurangius exiſtimans ſe omnia lucratum eſſe, incipiebat ſuas ſagittas omnes eiaculari, aſturias & arma, ad adducendum noſtrum populum in bellum apertum contra noſtrum eundem fratrem Locum-tenentem generalem. Attramen interuentione bonorum hominum apud eum exiſtentium & aliorum virorum bonorum à parte Statuum, res in tantum proceſſerant, ut totum negotium eſſet accommodatum; & quod tam ab vna parte quam ab altera ad euitandum omnem occaſionem diffidentiae, aſſenſus fuerat à gubernatione diſcedere & in Italiam prætereire; ſicuti etiam noſtra voluntas erat: & Deputati Statuum erant apud eum ad acceptandum & ſignandum reciproce oblata

oblata & contra-oblara. Sed mala fortuna iste hostis communis perturbator quietis publicæ, qui (cognoscens quod à parte Hollandiæ ubi degebat, non poterat cum omnibus suis artificiis amplius istam pacem & reconciliationem impedire) festinabat venire super eo puncto Bruxellas; & simulans se pacem velle, bellum procurabat; proponens nouas conditiones nondum in colloquium adductas nec apertas; taliter quod perueniret ad suum scopum, rumpens totum fœdus (vti vniuersique notum est.) Deinde cum res iam ad rupturam belli aperti & crudelissimi venisset, fecit per vim & tumultum popularem contrà voluntatem Statuum se declarare Rewardum aut protectorem nostræ regionis Brabantiae, & postea secundum Locum-tenentem omniû nostrarum regionum inferiorum; quemadmodum etiam tandem fecit se eligere per tumultus Gandenses & quorundam aliorum locorum, Flandriæ gubernatorem; aduocatis etiã huc suis fratre & sororio alienigenis ad obtinendum alias gubernationes nostrarum prouinciarum: ac interim fatigant ipse & sui nostrum populum omni genere impositionum, exactionum, petitionû, leuationibus et cotisationibus, durioribus, magis barbaris atque tyrannicis, quàm vnquam fuerint audire: quas executus est manu forti & armis, sine assensu nostri populi & sine ratione reddenda; & si qui in eas obloquentur, in eos iniicit manus, aut facit eos spoliari, malè tractari, incarcerari aut trucidari. Insuper manifestum est id quod continuè fecimus ad accommodandum & pacificandum malam intelligentiam, quæ superuenerat (vt dictum est) inter nostrum supradictum Locum-tenentem generalem & Status: sed id omne quod factum bene fuit per nos aut nostrum iam dictum fratrem, fuit suppressum & celatum. Cuius econtrario, idem Aurangius

I & sui

& sui excogitarunt mille calumnias ad decipiendum magis ac magis nostros dictos subiectos : imò ipsa coniunctura victoriæ Gemblacensis miseramus Baronem à Sellis cum conditionibus iustissimis , ad recipiendum in gratiam nostros dictos subditos , & omnia reconciliandum ; nihil subsecutum fuit propter impedimentum quod nouerat interponere : quamuis illo tempore pendente iidem nostri subditi scribentes tam nobis quàm nostro caro fratri & nepoti Imperatori & aliis Potentatibus ad iustificandum differentias quas habebant aduersus eundem nostrum Locum-tenentem generalem, protestabàtur apertè se nolle quicquam immutare in religione antiqua Catholica Romana , eadem quæ ab omni æuo fuerat obseruata in nostris iisdem regionibus : & simul se velle sub eadem nobis præstare obedientiam quæ iure diuino & humano nobis debebatur : quæ erant sola duo capita quæ semper exegeramus & exigebamus tunc ab eis , & in quibus eramus concordēs. Tamen idem Aurangius metuens reconciliationem nostrorum eorundem subditorum nobiscum ; venit excogitatum rursus nouas machinationes, ad non solum illud impediendum , sed etiam reddendum (si posset) in æternum rem desperatam & irremedicabilem ; per modum corrumpendi totum negotium per hæresim . Quò peruenit in multis locis tam per dolos , astutias , malitias & periuria optimè cognita illi & omnibus hæreticis , quàm etiam per meram violentiam ; vtens eodem modo quo antea fecerat, vt corrumperet & perderet prouincias Hollandiæ & Zelandiæ : ponens omnia in combustionem tumultus popularis, & deprædationis ecclesiarum, prophanationum sacramentorum, trucidationis vel incarcerationis Episcoporum, Pastorum, Iesuitarum, Religiosorum, Religiosarum, & quamplurimorum hominum

num piorum & honestorum secularium; renouans omnes Magistratus, priuans contra omnem ordinem iuris, priuilegia, vsus & obseruationes antiquas, Præsides, Consiliarios, Gubernatores locorum, Balliuos, Prepositos, Prætores, Scultetos, Scabinos, & alios officarios Catholicos erga nos bene affectos, bonum & quietem patriæ: substituens in eorum locum & extraordinariè & sua auctoritate ac saepe per tumultum popularem ab eo excitatum (inter quem regnat & triumphat) omnes sectarios, seditiosos & homines turbulentos viuentes præda & spoliis, & alios ei similes: ita vt posuerit omnia in confusionem magis tyrannicam, barbaram & sanguinariam quàm vnquam fuit audita. Vnde agrè ferentes aliquæ prouinciæ Catholicæ, imò videndo conscientias bonorum ita oppressas & violenter angustiatas, Ecclesias, Monasteria, Abbatias, castella & domos nobilium & bonorum hominum in terram deiectas, & eorum bona exposita prædationi, omnibus iniquis, ad discretionem istius extranei, & totum statum patriæ subuersum ab eo; imò vsque eò vt velit cogere integras prouincias contra suum iusiurandum & voluntatem, voluerunt nobiscum reconciliari; id quod conatus est omni ex parte contrauenire & impedire: sed illæ fuerunt fortiores & constantiores illo. Quod peius est, etiam si idem D. Imperator ad instantem petitionem eorundem Statuum (qui supplicauerunt ei vt esset intercessor & mediator pacificationis inter nos & eos) fuit contentus suscipere in manibus totū negotium expediendū: in quo ob desiderium quod habebamus videndi nostrum populum liberatum ab istis calamitatibus, libenter consenseramus: & ad eum finem, Sua Maiestas Imperialis miserat suos Commissarios Coloniam, tam Principes Electores, quàm alios ex præcipuis sancti Imperij, vt

intelligerent articulos differentes: idipsum etiam nec
eum in vlllo diuertit neque cohibuit à suis primis &
peruersis intentionibus: quinimò iidem Commissa-
rij, cùm omnia audiuiſſent & diſputaſſent ſatis lon-
go ſpatio temporis ſuper petitionibus eorum Sta-
tuum & noſtris præſentationibus, reſoluerunt & de-
creuerūt capita & articulos quos iuſſerunt publica-
ri & imprimi vt eſſent accepti ab vna parte & altera.
Nihilominus totum fuit ſine vlllo effectu; non ob-
ſtante quòd iidē articuli fuiſſent tā gratioſi, iuſti & æ-
qui, vt nō fuerit quiſquā boni iudicij, qui non fatere-
tur eſſe pluſquā ſufficiētes, & nos plus obtuliſſe quàm
quod noſtri ſubditi iure debuifſent requirere. Intercā
temporis & pendēte iſta cōmunicatione idē Auran-
gius vt tanquam per cuniculos Imperatori & nobis
obuiaret, & omnia in deſperationem reduceret, iu-
bet fieri Conuentum Vltraiekti Deputatorum qua-
rundam vrbium & regionum quas tenet in ſua po-
teſtate, ad moliendam illic vnam nouam confœde-
rationem aut conſpirationem manifeſtam & noto-
riam contra eandem religionem & nos, cum verbis
& iuramentis execrabilibus & deteſtabilibus, non
abſtinens ſe ab iniuriando Commiſſarios eiufdem
D. Imperatoris: cui rei facilius exequendæ adhibet ſi-
bi auxilios eosdem fratrem & ſororium & alios
apoſtatas: id quod magnis ſolicitationibus, practi-
cis, calumniis & importunis promiſſis, & ferè per
vim extorſit à multis partibus: & nō obſtantibus om-
nibus officiis factis per eosdem Commiſſarios vt in-
telligere facerent prouinciis eandem bonam & ſan-
ctam reſolutionem, tam ſalutarem noſtris ſubditis;
fecit per ſuos adhærētes & homines ſubornatos (qui-
bus vtitur tanquam instrumentis) vt iidem articuli
fuerint diu ſuppreſſi: & cùm non poſſent diutius
celari, non ſolum impediit quo minus acceptaren-
tur

etur; sed procurauit vt scriberentur libri perniciosi in contrarium, inferti omnigenis mendaciis & calumniis: & amplius, demum Deputati quos habet Antuerpiæ apud se suæ farinæ, petierunt articulos grauiores, impertinentiores, exorbitantes, scandalosos & plenos impietate contra Deum & nos supremum eorum Dominum & Principem naturalem, tales quales amplius dici non possunt: quinetiam vbi vidit quòd omnibus suis artibus, persuationibus & laboribus, non potuit eos omnino conciliare, deliberauit tandem Antuerpia egredi, vnde non discesserat plus duobus annis, & profectus est in nostram supradictam vrbem Vltraiectesem, vt perficeret executionem eiusdem damnabilis Ligæ, & redderet in perpetuum omnia irremedicabilia: & generaliter sese ita gessit in omni genere tyrannidis, vt expulerit & exterminauerit omnes ecclesiasticos; imò ita tractauit Dominos & totam præcipuam nobilitatē nostrarū regionū, vt coacti fuerint secedere & deferere suā patriam; vt ipse ibi regnet & dominetur absolutius inter furias & tumultus populares, bonis expulsis. Et quoniam tota isthæc confusio & infortunium quod patiuntur nostræ regiones, cognoscitur procedere à consilio, hortatione, instigatione & facto huius perditionis & impij hypocritæ per suum spiritū irrequietum, & qui statuit totam suam felicitatem in turbis nostrorum subditorum: consequenter quòd notorium est quandiu fuerit in nostris regionibus, nunquam poterit haberi pax, tranquillitas nec vlla quietudo, fundans omnia super diffidentia perpetua quam semper in ore habet (quæ res ordinaria est iniquis qui conscientiam habent exulceratā cum Caino, Iuda & his similibus) ac etiam quòd non obstantibus requisitionibus & præsentationibus quæ fuerunt ei factæ, imò per Commissarios Imperiales, ei

I 3

præ-

præsentando maxima emolumenta, in eum finē quòd
veller discedere in locum natiuitatis suæ (vbi natu-
raliter quisq. debet viuere plurimùm) non voluit in-
tendere ; & ille extraneus mauult perdere nostras re-
giones quàm acquiescere ei quod conuenit pro bo-
no nostrorum subditorum naturalium illarum.

Propter has causas , quæ sunt tam iustæ , æquæ &
iuridicę : nos vtentes in eo auctoritate quā super eum
habemus tam in virtute iuramentorum fidelitatis &
obedientiæ quæ nobis sæpe præstitit, quàm tanquam
Princeps absolutus & supremus iam dictarum regio-
num ; propter omnia eius facta peruersa & iniqua, &
quia ille solus est caput , auctor & promotor harum
turbarum & principalis perturbator totius nostri sta-
tus ; summatim , pestis publica Christiana ; Declara-
mus eum pro proditore & nefario, inimico nostro &
patriæ : Et vt talem proscripsimus & proscribimus in
perpetuum extra nostras dictas regiones, alios om-
nes nostros status, regna & dominia ; interdicientes &
defendentes omnibus nostris subditis cuiuscunque
sint status, conditionis, vel qualitatis, frequentare, vi-
uere, conuersari, loqui, neque communicare cum eo
in aperto vel occulto , neque eum recipere vel hospi-
tare in suis ædibus, neque ei administrare victus , bi-
bere , ignes neque alias necessitates quocunque mo-
do, sub pœna incurrendi nostram indignationem, vti
hîc infra dicetur : Sic permittimus singulis, sint sub-
iecti nostri aut alij , in executionem nostræ dictæ de-
clarationis , eum arrestare , impedire, & se asscurare
de ipsius persona ; quinetiam eum lædere tam in suis
bonis quàm in sua persona & vita ; exponentes om-
nibus eundem Guillelmum Nassauium , tanquam
hostem generis humani ; dantes cuilibet omnia eius
bona mobilia & immobilia vbicunq. sint sita , qui ea
potuerit capere & occupare, vel acquirere: exceptis
bonis

bonis quæ sunt in præsentia sub nostra manu & possessione. Et ut etiam res possit eo effici promptius, & ideo citius liberari noster dictus populus ab ista tyrannide & oppressione, volentes præmiari virtutem & crimen castigare, promittimus in verbo regis, & tanquam minister Dei, quod si quis inueniatur, siue ex nostris subditis, siue extraneis, tam generosus animo & desiderans nostri seruitij & boni publici, qui sciat vllum medium exequendi nostram dictam Ordinationem, & sese liberandi ab ista dicta peste, eum nobis tradendo viuum aut mortuum; vel saltem ei vitam auferendo; nos ei faciemus dari & numerari pro se & suis hæredibus in fundo terrarum & denariis promptis iuxta eius optionem, statim post negotiũ effectum, summam 25. millium scutorum aureorum: & si delictum aliquod aut facinus commisit (quantumuis graue) nos ei promittimus remittere; & ab hac hora ei remittimus: in id etiam si non fuerit nobilis, eum nobilitamus pro suo valore: & si principalis factor assumat in auxiliũ ad suã machinationẽ vel executionem sui facti, alios homines, eis benefaciamus & compensabimus, & dabimus singulis eorum iuxta eorum voluntatem & officium quod nobis præstiterint in hoc negotio; eis remittentes etiam id quod possint commisisse, & eos nobilitantes similiter. Et propterea quod receptatores, fautores, & adherentes taliũ tyrannorũ in causa sunt quod illi continuẽt, nutriantur, & perseuerent in sua malitia, sine quibus iniqui nequeunt diu dominari: Nos declaramus eos quicunque intra mensem post publicationẽ huius præsentis non recedent à tenendo eius partes; quinimò continuabunt ei præstare fauorem, & assistentiã; vel aliàs eũ cõuersando frequentabũt, sequẽtur, assistent, cõsilio vel fauore iuuabunt, directè vel indirectè, aut conferent argentum in posterum; simi-

liter pro rebellibus nostris & hostibus quietis publicæ; & tanquam tales eos priuamus omnibus bonis, nobilitate, honoribus & beneficiis præsentibus & venturis, dantes eorum bona & personas vbicunque inueniri possint, siue in nostris regnis & regionibus, vel extra illas, iis qui ea occupauerint, sint licet merces, argentum, debita & actiones, terre, dominia & alia, quatenus illa bona nondum sint in nostram potestatem redacta; vti dictum est. Et vt perueniatur ad arrestum personarum eorundem vel bonorum, sufficiet in probationem, ostendere quòd visi fuerunt post terminum in hac positum, communicare, loqui, tractare, conuersari, frequentare in publico vel secreto cum eodem Aurangio, aut ei dedisse particularem fauorem, assistentiam vel auxilium directè vel indirectè. Ignoscentes tamen omnibus quicquid vsque ad idem tempus fecerint in contrarium, venientibus se reducere & submittere sub debitam & legitimam obedientiam quam nobis debent, acceptando eundem tractatum Atrebatensem Montibus conclusum, aut articulos Deputatorum Imperatoris Coloniae. Damus itaque in mandato nostris charissimis & fidelibus Capitibus, Præsidentibus & viris nostrorum priuati & magni Consiliorum, Cancellario & viris nostri Consilij in Brabantia; Gubernatori, Præsidenti & viris nostri Consilij Luxemburgi; Gubernatori, Cancellario & viris nostri Consilij in Gheldria; Gubernatori Limburgi, Falquemontij, Daelhem & aliarum nostrarum regionum ultra Mosam; Gubernatori, Præsidentibus & viris nostrorum Consiliorum in Flandria & Arthesia; Magno Baliuo Hannoniae, & viris nostri Consilij Montibus; Gubernatori, Præsidenti & viris nostri Consilij in Hollandia; Gubernatori, Præsidenti & viris nostri Consilij Namurci; Gubernatori, Præsidenti & viris nostri Consilij in Frisia;

Præfata; Gubernatori, Cancellario & viris nostri Con-
silio in Ultra-issulana regione; Locumtenenti Groe-
ningæ; Gubernatori, Præsidenti & viris nostri Con-
silio Ultraiectionis; Gubernatori Insularum, Duaci &
Orchesij; Præposito Comiti Valencenis; Balliuo
Toynaci & Tornesij; Computorum magistris de Be-
west & Beoosterschelt, in Zelandia; Sculteto Mech-
liniæ, & omnibus aliis nostris iustitiariis & officiariis
& nostris vassallis ad quos hoc spectabit, eorum Lo-
cumtenentibus & cuique eorum pro se & prout ad
eum pertinebit, ut hæc nostrâ præsentē declarationem,
edictum & statutum faciant publicari quisque in sua
parte, iis locis & limitibus suæ iurisdictionis, ubi so-
let fieri publicatio; eo fine, ut nemo possit ignorantie
causam prætere: ac in super custodiant, obseruent
& manu teneant; faciant custodiri, obseruari & ma-
nuteneri inuicibiliter omnia puncta & articulos
ibidem contentos iuxta eorum formam & tenorem,
procedentes & facientes procedere respectuè in re-
compensatione, appæmiatione, pœna & punitio-
ne supra nominatis, sine vilo favore, conniuentia
vel dissimulatione. Hoc autem & quicquid inde de-
pendet exequendi damus eis & cuique eorum ple-
nam potestatem, auctoritatem & mandatum specia-
le; mandamus & iubemus omnibus, ut eis id facien-
do obediant & diligenter intendant. Et nihilomi-
nus quia in præsentia hæc dictæ publicationes non
poterunt fieri in urbibus, regionibus & Castellaniis
occupatis per rebellionem eiusdem Aurangij, Volu-
mus ut publicationes quæ fient in proximis urbibus
in nostra obedientia existentibus, sint omnino talis
valoris & effectus perinde ac si factæ essent passim in
locis solitis; & pro talibus eas auctorizauimus & au-
torizamus his præsentibus: Imò volumus & iube-
mus ut statim imprimantur per Impressores iuratos

nostrarū Vniuersitatū Louanij vel Duaci in duabus diuersis linguis; vt id facilius in notitiam omnium veniat: & talis est nostra gratia, decretum & beneplacitum. In huius testimonium, nos appendi fecimus nostrum magnum sigillum his præsentibus quæ fuerunt factæ in vrbe nostra Traiecto ad Mosam 15. die mensis Martij Anno gratiæ M. D. LXXX. Nostorum regnorum, scilicet Hispaniarum, Siciliae, &c. 25. & Neapolitani 270.

Per expressum mandatum sua Maiestatis,

Verreycken.

Et sunt eadem litera sigillata magno sigillo sua Maiestatis in cera rubra & duplici cauda pendente.

LITERÆ PRINCIPIS PARMEN-
SIS GVBERNATORIBVS ET CON-
siliis prouincialibus harum regionum, huius
proscriptionis publicationem imperantis.

Alexander Princeps Parmæ & Placentiæ &c. Gubernator
& Capitaneus generalis.

MIcognate, charissimi & amatissimi: Quoniam Rex meus
Dominus duabus iteratis literis suis, nobis mandauit val-
de expresse vt faceremus statim publicari per regiones has inferio-
res proscriptionem & bannum hic adiunctum aduersus Guillelmū à
Nassau Principem Aurangia propter causas in illo banno contentas;
nos non possumus omittere, vt obediatur mandato suæ Maiestatis,
quin vobis id mittamus: à vobis requirentes & nihilominus in nomi-
ne et ex parte suæ Maiestatis statuentes, vt statim hac visa id publice-
tis & curetis publicari per omnes vrbes & loca vestræ districtiōis
& iurisdictionis more consueto; vt nemo possit pratendere causam
ignorantiæ; neque in eo vestro officio defuit. Interim mi cognate, cha-
rissimi & amatissimi, Dominus noster vos in sua protectione custo-
diat. Montibus 15. Iunij. M. D. LXXX.

Ita erat subscriptum

Alexander.

Et contrasignatum Verreycken.


Superscrip.

Gubernatoribus & Consiliis pro-
uincialibus harum regionum.

RES-

RESPONSIO AD QVASDAM LITERAS EIDEM PRINCIPI FAL- so à Parmensi adscriptas.

AD ORDINES GENERALES.



SITIS ex anteaactæ vitæ meæ
 rationibus, ornatiss. Domini, cō-
 suetudinis meæ non esse, famo-
 sis libellis quos calumniatores
 quidam contra me vulgarant re-
 spondere, vt nisi genus illud in-
 iuriæ quod mihi proscriptione illa abs rege pu-
 blicata illatum est, fuisset huiusmodi; à pristino
 meo more non fuerim recessurus: & nisi quod
 meus honor & existimatio diuersum suadebant,
 quemadmodum in ea defensione quam vobis
 obtuli, copiosius ostendi. Ex eo tempore in ma-
 nus meas incidit epistola quædam adulterina, &
 ab inimicis meis supposita, quam à me missam
 scilicet Duci Andegauensi, vel (vt ipsi nomi-
 nant) Duci Alençonio, interceptisse se dicunt; cu-
 ius epistolæ exempla nonnulli etiam præcipui in-
 ter ipsos nominis transmiserunt, cū in citerio-
 res ciuitates, tum ad principes quosdam externos.
 Porro adeò ineptè scripta est, vt siue stylum siue
 argumentum consideres, prima statim facie sup-
 positi-

posititiam esse appareat : vt tam impudens inuentum , responſionem non mereatur ; quemadmodum nemo , Deo gratia , in his fuit regionibus qui literis illis vel tantillum moueretur . Quin contrà ab omnibus eſt intellectum , vnum hoc eos ſpectaſſe , vt talibus fumis tenebras offunderent claritati illi , qua execrabiles ac pernicioſi illorum contra hanc Rempub. conatus , tum ex literis Cardinalis Granuellani , tum aliorum quorundam quas , agnito eorum charactere , ſignis ac ſigillis , imprimendas curaſtis , ſunt prodiſi : vtque argumentum iis ſuppeteret , euomendi inſtar impudentium mulierum , maledicta plena mendacij & vanitatis . Sed tantum abeſt vt de me victoriam eam quam affectarunt reportauerint , vt contrà diuulgandis huiuscemodi ineptiis gratum mihi fecerint , propterea quòd deſenſionem meam tum ſtabiliant , dum ſe eſſe probant perfrictæ frontis mendaces impudentiſſimos calumniatores , & ineptiſſimos falſarios ; quo innocentia atque integritas mea magis magisque clareſcit , & actiones meæ probatiores euadunt . Nam quandoquidem illud omnibus conſtat , nullum ipsis nuncium afferri poſſe gratius , quàm ſi regiones hæcæ relinquam : ſpondeo ipsis , atque adeò vobis Domini interpolito honore meo promitto , me id eſſe facturum , ſi coram vobis probare poſſunt , me huiuscemodi epistolam aut ſcripſiſſe aut ſcribi iuſſiſſe aut omnino miſiſſe ; atque adeò euſtigiò regionibus excedam , meque hinc recipiam , nec vnquam illis me opponam : polliceorque me
ad

ad eorum nudam petitionem fide publica ipsis
 cauturum, talemque com meatum daturum qua-
 lem ipsimet petere aut volent aut poterunt. Ve-
 runtamen ea lege, vt nisi prouocati conditionem
 hanc tam æquam ac iustam accipiant, omnes hi
 qui fuerunt huiusmodi scripti auctores, aut qui
 publicarunt aut ad hasce ciuitates nobis citimas,
 aut ad Principes & regiones exterarum miserunt, pro
 mendacibus, calumniatoribus ac obtrektoribus,
 quales reuera sunt, apud omnes habeantur.
 Delphis v. 11. Cal. Februarij M. D. LXXXI.

F I N I S.

